# Shuhrat Ergashev, Begzod Xodjayev, Jamshid Abdullayev

# JAHON TARIXI

(1918-1991-yillar)

Oʻrta ta'lim muassasalarining 10-sinfi va oʻrta maxsus, kasb-hunar ta'limi muassasalarining oʻquvchilari uchun darslik

Birinchi nashr

Oʻzbekiston Respublikasi Xalq ta'limi vazirligi tasdiqlagan

Toshkent «TURON-IQBOL» 2017

#### UO'K 94(100)(075.3)=513.133 KBK 63.3(0)ya721

#### E 74 Ergashev, Shuhrat

Jahon tarixi [Matn]: Oʻrta ta'lim muassasalarining 10-sinfi va oʻrta maxsus, kasb-hunar ta'limi muassasalarining oʻquvchilari uchun darslik / Sh. Ergashev, B. Xodjayev, J. Abdullayev. —Toshkent: «Turon-Iqbol», 2017. —144 b.

KBK 63.3(0)ya721

#### Mas'ul muharrir:

Tarix fanlari doktori, professor M.Rahimov

#### Taqrizchilar:

Tarix fanlari nomzodi **T. Bobomatov**Tarix fanlari nomzodi **A. Abduqodirov** 

Respublika ta'lim markazi bosh metodisti **Sh. Safarova** Toshkent shahar Sergeli tumani 266-maktah oliv toifali ta

Toshkent shahar Sergeli tumani 266-maktab oliy toifali tarix fani oʻqituvchisi **Z. Umarova** 

Toshkent shahar Mirzo Ulugʻbek tumani 248-maktab tarix fani oʻqituvchisi **F. Amanova** 

Qarshi Davlat universiteti qoshidagi 2-akademik litsey tarix fani oʻqituvchisi **B. Rahimov** 

Toshkent Transport kasb-hunar kolleji tarix fani oʻqituvchisi **X. Matqurbonov** 

#### Shartli belgilar



Internet bilan ishlashga doir topshiriq



Esga oling



Xarita bilan ishlashga doir topshiriq



Ijodiy ish topshirigʻi



Atamalar izohi



Badiiy-tarixiy asar bilan ishlashga doir topshiriq



Yodda tuting



O'zingizni sinang

Respublika maqsadli kitob jamg'armasi mablag'lari hisobidan chop etildi.

- © Sh. Ergashev va boshq., 2017.
- © «TURON-IOBOL», 2017.

#### KIRISH

Insoniyat tarixining Birinchi jahon urushining yakuni—1918-yildan boshlanib, hozirgi kungacha boʻlgan davri **«Eng yangi tarix»** deb ataladi.

«Eng yangi tarix» kishilik jamiyati rivojlanishida **industrial sivilizatsiyadan postindustrial sivilizatsiyaga** oʻtish davri sifatida qaraladi.

Eng yangi davr tarixida nisbatan mustaqil boʻlgan uchta bosqichni ajratib koʻrsatish mumkin. Birinchi bosqich 1918–1945-yillar—industrial jamiyat ijtimoiy-siyosiy tizimi inqirozining boshlanishi davri. Bu inqiroz jahon urushlarida, sotsialistik va milliy-ozodlik inqiloblarida, Germaniya, Italiya, Yaponiya, SSSRda totalitar tuzumlarning qaror topishida, ijtimoiy ziddiyatlarning keskinlashuvida namoyon boʻldi. Bu bosqichning mazmunini jamiyat taraqqiyotining ikki asosiy modellari—liberal-demokratik va totalitar tuzumlar oʻrtasidagi kurash tashkil qiladi.

Ikkinchi bosqich 1945–1991-yillarni oʻz ichiga oladi. Bu bosqich mazmunini mustamlaka tizimining qulashi va koʻplab mustaqil davlatlarning tashkil topishi, «sovuq urush», dunyoni yadroviy halokat yoqasiga olib kelgan qurollanish poygasi tashkil qiladi. Ikkinchi jahon urushidan keyin shakllangan sotsialistik lager bilan Gʻarb mamlakatlari oʻrtasidagi global qarama-qarshilik bu davrning xarakterli jihati hisoblanadi.

1991-yildan boshlangan uchinchi bosqich xalqaro munosabatlarda shakllangan ikki qutbli tizimning inqirozi, sotsialistik tizimning barbod boʻlishi, SSSRning tarqalib ketishi va sobiq sovet respublikalarining mustaqil taraqqiyot yoʻliga kirishi bilan boshlanadi. Bu davr jahon sivilizatsiyasining globallashuvi, «uchinchi dunyo» mamlakatlari rivojlanishining jadallashuvi, sivilizatsiyalar oʻrtasidagi ziddiyatlarning kuchayishi bilan xarakterlanadi.

**Industrial sivilizatsiya** – bu sanoat va fan-texnika taraqqiyotiga asoslangan sivilizatsiya.

Postindustrial sivilizatsiya – bu iqtisodiyotda sanoatning yuqori unumdor innovatsion sektori, yalpi ichki mahsulotda fan yutuqlari va axborot texnologiyalari, iqtisodiy va boshqa faoliyat sohalarida raqobat ustuvor boʻlgan jamiyat. Bu sivilizatsiyaga nisbatan axborot jamiyati atamasi ham qoʻllaniladi.

# 1-MAVZU. 1918 – 1939-YILLARDA XALQARO MUNOSABATLAR

Birinchi jahon urushi xalqaro munosabatlarga va dunyoning siyosiy xaritasiga katta ta'sir koʻrsatdi. Germaniya, Avstriya-Vengriya va Usmoniylar imperiyalari tarqalib ketdi, Yevropada yangi davlatlar vujudga keldi, Rossiyada monarxiya agʻdarildi. Urush tugashi bilan gʻolib davlatlar xalqaro munosabatlarda yangi tartib oʻrnatish, urushdan keyingi dunyoning qiyofasini belgilash uchun Parijga yigʻildilar.



Birinchi jahon urushining kelib chiqish sabablari va bahonasi nimalardan iborat edi?



Devid Lloyd Jorj, Jorj Klemanso va Vudro Vilson (chapdan).

Parij tinchlik konferensiyasi. Parij yaqinidagi Versal sarovida 1919-vil 18-vanvardan 1920-vil 21-vanvargadavlat vakillari ishtirokida cha 27 konferensivasi tinchlik boʻlib oʻtdi. Konferensivada hal giluvchi rolni «Katta uchlik» – Buyuk Britaniya va Fransiva bosh vazirlari Devid Llovd Jori, Jori Klemanso va AOSH prezidenti Vudro Vilson oʻynadi. Konferensiva jarayonidagi uzoa shuvdan soʻng Germaniya bilan sulh

shartlari kelishildi. **1919-yil 28-iyunda** Germaniya **Versal tinchlik shartnomasini** imzoladi. Shartnomaga koʻra, Germaniya Birinchi jahon urushining boshlanishi uchun yagona javobgar deb e'lon qilindi. U gʻolib davlatlar foydasiga juda katta — **132 mlrd. marka reparatsiya** (tovon) toʻlashi lozim edi. Keyin Germaniyaning ittifoqchilari boʻlgan boshqa magʻlub davlatlar — Avstriya, Bolgariya, Vengriya va Turkiya bilan ham shunday shartnomalar imzolandi.

Millatlar Ligasining tashkil qilinishi. Mandat tizimi. AQSH prezidenti Vudro Vilson tashabbusi bilan Parij tinchlik konferensiyasida xalqaro tashkilot – Millatlar Ligasi tashkil qilindi. Jahonda tinchlik uchun kurash, xalqlar oʻrtasida hamkorlik va xavfsizlik masalalari Millatlar Ligasining asosiy vazifalari qilib belgilandi. Dastlab magʻlub davlatlar va Sovet Rossiyasi unga qabul qilinmadi.



## Versal tinchlik shartnomasi... «Katta uchlik» bu... Millatlar Ligasi... Mandat tizimi...

Germaniya mustamlakalarini va Turkiyaning Yaqin Sharqdagi yerlarini g'olib davlatlar tomonidan bo'lib olish uchun Millatlar Ligasi Nizomiga mandat, ya'ni ma'lum bir hududni boshqarish uchun vakolat tushunchasi kiritildi. Millatlar Ligasi nomidan 1919-vil mavda Buyuk Britaniya va Fransiya Osiyo va Afrikadagi katta hududlarni boshqarishga mandat oldi. Shu tariqa «abadiy tinchlik» vositasi deb e'lon qilingan Millatlar Ligasi g'olib davlatlarning dunyoni o'zaro bo'lib olishiga qonuniy tus berdi, ittifoqchilarning urushdagi gʻalabasini mustahkamladi.



Reparatsiya zulmi. Nemis plakati.

Vashington konferensiyasi. Uzoq Sharq va Tinch okeanidagi bahsli muammolarni hal qilish va dengizdagi qurollarni cheklash maqsadida 1921-yil 12-noyabrdan 1922-yil 6-fevralgacha toʻqqiz davlat vakillari ishtirokida Vashington konferensiyasi boʻlib oʻtdi. Konferensiyada asosiy rolni AQSH, Buyuk Britaniya va Yaponiya oʻynadi. 1921-yil dekabrda Vashington konferensiyasida toʻrt davlat — AQSH, Buyuk Britaniya, Fransiya va Yaponiya oʻrtasida shartnoma imzolanib, ushbu davlatlarning Tinch okeani havzasidagi oʻz orollariga egalik qilish huquqlari kafolatlandi.

1923-yili Lozanna tinchlik shartnomasi imzolanib, unda Turkiyaning urushdan keyingi chegaralari belgilab berildi va mustaqilligi tan olindi. U Birinchi jahon urushidan keyin yuzaga kelgan hududiy oʻzgarishlarga qonuniy tus bergan soʻnggi yirik shartnoma boʻldi.


1919 – 1923-yillari imzolangan shartnomalar va jahondagi kuchlarning yangi nisbati xalqaro munosabatlarning **Versal-Vashington tizimi** nomini oldi. Versal-Vashington tizimi bir guruh davlatlarning dunyoga hukmronligini oʻrnatdi, dunyo siyosatida AQSH ta'sirining sezilarli kuchayganligini aks ettirdi. Shu tariqa gʻoliblar va magʻlublar oʻr-

tasidagi ziddiyatlar tizimi shakllanib, bu magʻlublarning oʻch olish, adolatli tartib oʻrnatish uchun intilishiga, yangi urushga olib keldi.



Birinchi jahon urushidan soʻng Yevropadagi davlatlar chegaralari. 1929-yil.

Birinchi jahon urushidan soʻng Gʻarbning bir qator mamlakatlarida oʻng radikal, ekstremistik harakatlar vujudga kelib, umumiy nom bilan **fashizm** deb ataldi. Fashistik harakatning liderlari ijtimoiy safsatabozlikdan keng foydalandilar, kishilarning millatchilik hissiyotiga ta'sir oʻtkazishga harakat qildilar, oʻz millati uchun ijtimoiy adolatni, «yangi jamiyat»ning oʻzlariga ma'qul shaklini qurishni va'da qildilar.



Versal-Vashington tizimining inqirozi va barbod boʻlishi. Versal-Vashington tizimi omonat boʻlib chiqdi. U ham gʻoliblar, ham magʻlublar oʻrtasidagi oʻzaro ziddiyatlar tufayli yemirilib bordi. Harbiy kuchga tayanish koʻp jihatdan kapitalistik mamlakatlarning xalqaro maydondagi pozitsiyasini belgilab berdi. Shundan soʻng qurollanish poygasini cheklash boʻyicha oʻtkazilgan konferensiyalarning birortasi ijobiy natija bermadi, ularda ham umumiy kelishuvga erishilmadi.

Oqibatda 1930-yillarning oxiriga kelib Versal-Vashington tizimiga Yevropada hech bir davlat amal qilmay qoʻydi. Bu tizimning inqirozi buyuk davlatlar oʻrtasida oʻz manfaatlari uchun kurashni avj oldirib yubordi. Bir tomondan, Buyuk Britaniya va Fransiya, ikkinchi tomondan, Germaniya, Italiya va Yaponiya oʻrtasida qarama-qarshi harbiy-siyosiy ittifoqlar shakllandi. SSSR va AQSH ushbu qarama-qarshilikdan oʻz manfaatlari yoʻlida foydalanish maqsadida kutib turishni ma'qul koʻrdi.

Shu davrda Yaponiya Uzoq Sharqda oʻzining tajovuzkor rejalarini amalga oshirishga kirishdi. 1931—1932-yillari Yaponiya Manchjuriyani bosib oldi va Manchjou-Go qoʻgʻirchoq davlatini tuzdi. 1933-yili Yaponiya Millatlar Ligasidan chiqdi. Shundan soʻng u Xitoyga qarshi tajovuzni kuchaytirdi va 1937-yil iyulda keng miqyosdagi urush harakatlarini boshlab, Markaziy Xitoyni va boshqa bir qator hududlarni bosib oldi. Shu tariqa Osiyoda ham jahon urushi oʻchogʻi paydo boʻldi, dunyo asta-sekin, qadamma-qadam yangi jahon urushiga qarab siljiy boshladi.



**Konferensiya** (konferentia – bir joyga toʻplayman) – davlat yoki partiya, jamoat va olimlar vakillarining muayyan masalani muhokama etish uchun yigʻilishi.

**Millatlar Ligasi** – Birinchi jahon urushidan keyin tuzilgan xalqlarning tinchlik va xavfsizlik yoʻlidagi hamkorligini amalga oshiruvchi xalqaro tashkilot.

**Fashizm** (birlashma) — Italiyada paydo boʻlgan siyosiy oqim. Hokimiyat tepasiga kelgach, fashistlar zoʻravonlikning ashaddiy shakllarini qoʻllovchi va jamiyat ustidan yalpi nazorat oʻrnatuvchi terroristik diktaturani barpo etdilar.

## Mustahkamlash uchun savol va topshiriqlar

- 1. Gʻolib davlatlar Parij tinchlik konferensiyasida qanday maqsadlarni koʻzlagan edi?
- 2. Vashington konferensiyasi qanday maqsadda chaqirilgan edi? Uning yakunlari haqida soʻzlab bering.
  - 3. Versal-Vashington tizimi inqirozining sabablari nimada edi?
- 4. Birinchi jahon urushi va undan keyingi davr Osiyo va Afrika mamlakatlari taraqqiyotida qanday davr boʻldi?
  - 5. Millatlar Ligasi nega samarali faoliyat koʻrsata olmadi?

## Mustaqil ish



Matnda keltirilgan xarita bilan tanishing va Birinchi jahon urushidan soʻng Yevropa davlatlarining siyosiyhududiy boʻlinishiga izoh bering.



«Birinchi jahon urushining oqibatlari shundaki...» mavzusida asoslangan esse yozing.

## 2-MAVZU. 1918 – 1939-YILLARDA ILMIY-TEXNIK TARAQQIYOTNING JADALLASHUVI, ILM-FANDAGI YUTUOLAR

Bu davrda dunyoning ijtimoiy-iqtisodiy qiyofasini oʻzgartirgan eng muhim omillardan biri ilmiy-texnik taraqqiyot boʻldi. Fanni ishlab chiqaruvchi kuchga aylantirishning uzoq davom etgan jarayoni yakunlanib, XX asr boshlarida ilmiy-texnik inqilobga olib keldi.

Aniq va tabiiy fanlardagi inqilob. Nazariy bilimlarning amaliy ahamiyatga ega ekanligi yadro energiyasining kashf qilinishida yaqqol namoyon boʻldi. Amerikalik Enriko Fermi va fransuz Frederik Jolio-Kyuri uranning parchalanishi jarayonida yuz beradigan zanjirli reaksiya natijasida juda katta energiya ajralib chiqishi toʻgʻrisidagi gʻoyani shakllantirdi.




# XIX asr oxiri-XX asr boshlariga qadar insoniyat ilm-fanda qanday yutuqlarga erishgan edi?

Shu davrda fizikaning alohida yoʻnalishi atom fizikasi ham shakllandi. **1938-yili** nemis olimlari uran yadrolari ajralib chiqishining zanjirli reaksiyasini kashf etdilar. Insoniyat oldida atom energiyasidan foydalanishning murakkab muammosi paydo boʻldi.

Atom bombasini yaratish ustida izlanishlar Germaniya, sobiq Sovet Ittifoqi va boshqa bir qator davlatlarda ham davom ettirildi. Ammo AQSH oʻz raqiblaridan ancha oldinlab ketdi. **1942-yili** Chikagoda Enriko Fermi ilk atom reaktorini yaratdi. Birinchi atom bombasi **1945-yil** AQSHning Nyu-Meksiko shtatidagi poligonda portlatildi.

Fizika sohasidagi yangi nazariyalarning amaliyotga tatbiq qilinishi koʻplab yangi texnik ixtirolarga olib keldi. Tarixda ilk bor harakatlanuvchi elektron-nurli trubka virni vordamida masofaga uzatishni 1928-yili ixtirochilar Boris Grabovskiy va Ivan Belyanskiy **Toshkentda** amalga oshirdilar. Toshkent tramvay tresti bazasida oʻtkazilgan tajribani olimlar zamonaviy televideniyening paydo boʻlishi, deb hisoblashadi. Shu tariqa **televidenive** asri boshlandi.



Enriko Fermi atom reaktori asoschisi.

1920-yillari ovozli kino ustida ishlash davri boʻldi. Koʻplab tajribalardan soʻng **1927-yili** Nyu-Yorkda namoyish qilingan **«Jaz kuy-chisi»** filmini mutaxassislar birinchi ovozli kino deb tan olishgan. Tomoshalar ichida eng ommaviysi boʻlgan ovozli kino oʻz davrini shunday boshladi.

XX asr boshlarida biologiya fani ham shiddat bilan rivojlandi. 1922-yili fiziolog olimlar Jon Makleod va Frederik Banting koʻplab tajribalar jarayonida oʻt pufagi gormoni boʻlgan insulinni olishga muvaffaq boʻldilar. Qandli diabet kasalligi endi bedavo dard boʻlmay qoldi. Insulinning kashf etilishi XX asrning eng buyuk kashfiyotlaridan biri deb tan olindi. Jon Makleod va Frederik Banting fiziologiya va tibbiyot boʻyicha Nobel mukofotiga sazovor boʻldilar.



### Atom bombasi... Birinchi ovozli kino bu...

Shu davrda vitaminlar, gormonlarning kashf etilishi va virusologiya sohasidagi yutuqlar ham katta ahamiyatga ega boʻldi. Bu kashfiyotlar mikrobiologiya sanoatining paydo boʻlishi uchun asos yaratdi. Biologiyaning rivojlanishi turdosh fanlar – kimyo va tibbiyotga katta ta'sir koʻrsatdi.



Penitsillin kashfiyotchisi Aleksandr Fleming.

britaniyalik olim 1928-vili Aleksandr Fleming o'z laboratoriyasida bir gancha vaqtdan beri toʻplanib golgan idishlarni yigʻishtirayotib, ulardan biridagi mogʻorga koʻzi tushadi. Tekshirib koʻrilganda juda noyob **Penicillium** turiga mansub boʻlib chiqdi. Penitsillin. mog'or keyin esa boshqa antibiotiklarning kashf etilishi yugumli kasalliklarni davolashda ingilob boʻldi. 1945-yili Aleksandr Fleming Nobel mukofotiga sazovor boʻldi.

Koʻpgina kasalliklarni Aleksandr Fleming kashf qilgan penitsillinsiz va antibiotiklarning yangi avlodisiz davolash bugungi kunda ham mumkin boʻlmasdi.

1930-yillarga kelib fizika, kimyo kabi tabiiy fanlarning rivojlanishi yangi, oʻta mustahkam materiallarni yaratish imkonini berdi. **AQSH va Germaniyada** kapron, perlon, neylon, sintetik qatron kabi sun'iy tolalarning olinishi yangi, oʻta sifatli konstruktiv materiallar olish imkonini yaratdi. Ikkinchi jahon urushidan keyin ularni ommaviy ishlab chiqarish boshlandi.

1930-yillar oxiriga kelib rivojlangan mamlakatlar sanoatining katta qismi elektrlashtirildi. Fuqaro aviatsiyasi, telegraf, radioeshittirishlar keng tarqaldi. **1927-yili** Buyuk Britaniyaning mashhur radio-korporatsiyasi **Bi-bi-si** tashkil qilindi.



1928-yilda ... Bi-bi-si ...

Penicillium... Nobel mukofotiga munosib topilganlar... Fan va texnikadagi yangiliklar kishilarning kundalik turmushini ham oʻzgartirib yubordi. Aholining boy va oʻrtahol qismida shaxsiy avtomobillar paydo boʻldi. Koʻplab ishchilar ishga mototsikl va velosipedlarda qatnay boshladi. Maishiy texnikalar – sovitkichlar, changyutgichlar, kir yuvish mashinalaridan, shuningdek, telefon va grammofondan foydalanish keng tarqaldi.

Xullas, bu davrda fizika va boshqa tabiiy fanlardagi olamshumul kashfiyotlar hamda ilmiy-texnik inqilob industrial sivilizatsiyaning keyingi rivojiga bevosita ta'sir koʻrsatdi. Zotan, bu davrda fanning rivojlanishi inson zakovatining ulugʻvorligiga madhiyadir.

## Mustahkamlash uchun savol va topshiriqlar

- 1. XX asrda ilmiy-texnik taraqqiyot jadallashuvining sabablari nimadan iborat edi?
- 2. XX asrning birinchi yarmida fizika sohasidagi kashfiyotlarning asosiy natijasi nimalardan iborat boʻldi?
- 3. Zamonaviy elektron televideniyening paydo boʻlishi qanday ixtirolar bilan bogʻliq boʻldi?
- 4. Insulin va penitsillinning kashf etilishi qanday kasalliklarni davolash imkoniyatini yaratdi?

## Mustaqil ish



Internetdan XX asrning birinchi yarmida yaratilgan kashfiyotlarga doir suratlarni izlab toping va rasmli klaster tuzing.



XX asrning birinchi yarmida yaratilgan kashfiyotlarning yangi namunalari va hozirgi vaqtda eskirganlari roʻyxatini tuzing.

#### 3-MAVZU. 1918–1939-YILLARDA BUYUK BRITANIYA

Iqtisodiy rivojlanish va ijtimoiy harakatlar. Birinchi jahon urushi Buyuk Britaniyaning hukmron doiralariga katta siyosiy gʻalaba va obroʻ olib keldi, mustamlaka imperiyasi yanada kengaydi, katta reparatsiya olindi. Ammo bu gʻalaba Buyuk Britaniya uchun juda qimmatga tushdi. Urushdan oldin kreditor (qarz beruvchi) boʻlgan Buyuk Britaniya AQSHdan va oʻz dominionlaridan qarzdor boʻlib qoldi. Iqtisodiy oʻsish sur'atlari juda past boʻlib, inqiroz va turgʻunlik odatiy holga aylandi.



Buyuk Britaniyada oʻtkazilgan parlament islohotlarining mohiyati nimalardan iborat boʻldi?



Buyuk Britaniya xaritasi.

Ish tashlash harakati jiddiy tus oldi. Ishchilar ish haqining oshirilishi va ish kunining qisqartirilishini talab qildilar. Shunday sharoitda shaxtyorlar ish haqining kamaytirilishi Buyuk Britaniya tarixidagi eng katta ijtimoiy mojarolardan biri — 1926-yil mayda ishchilarning umumiy ish tashlashini keltirib chiqardi.


Jahon iqtisodiy inqirozi Buyuk Britaniya iqtisodiyotiga juda katta ta'sir qilmadi. 1934-yildan boshlab mamlakat inqirozdan chiqa boshladi. 1937-yili Buyuk Britaniya sanoatning asosiy sohalari boʻyicha jahon iqtisodiy inqirozidan oldingi koʻrsatkichlarga yetib oldi.

Sanoat mahsulotlari ishlab chiqarishning oʻsishi, asosan, uy-joy qurilishining keskin oshishi va sanoatning avtomobilsozlik, samolyotsozlik, ishlab chiqarish kabi yangi sohalari

dvigatellar va radioapparaturalar oʻsishi hisobiga yuz berdi.

Buyuk Britaniya iqtisodining tiklanishida harbiy sanoatning jadal rivojlanishi ham katta rol oʻynadi.

Siyosiy hayot. Buyuk Britaniyada uzoq yillar konservatorlar va liberallar davlatni boshqarib, parlament saylovlari natijasida bir-birini almashtirib keldilar. Bu ikki partiyali siyosiy tizim jamiyatda barqarorlikni saqlab turdi.



Buyuk Britaniya imperiyasi. XX asrning 30-yillari.

Mamlakatdagi murakkab siyosiy va iqtisodiy holatda, keng mehnatkash omma ongida yuz bergan oʻzgarishlar natijasida 1918–1924-yillari an'anaviy ikki partiyali tizim jiddiy inqirozni boshidan kechirdi. Shu sababli 1920-yillar boshida leyboristlar Buyuk Britaniya siyosiy tizimida ikkinchi partiya sifatida oʻrnashib oldi. Ular 1924-yil yanvarda Buyuk Britaniya tarixida birinchi marta hukumatni boshqardi.



Uinston Cherchill.

Jamoa palatasida koʻpchilik oʻringa ega boʻlmagan bu partiya ham bir yildan kamroq hokimiyatda turdi, ammo ishsizlar va pensionerlar ahvolini yaxshilash borasida bir qator tadbirlarni amalga oshirdi.

1937—1940-yillari hukumatni konservatorlar yetakchisi Nevill Chemberlen boshqardi. **1938-yili Myunxen kelishuvining** imzolanishi natijasida Nevill Chemberlen 1940-yili hukumat boshligʻi lavozimidan iste'foga chiqishga majbur boʻldi. Hukumatni XX asr Buyuk Britaniya tarixida juda katta rol oʻynagan siyosatchi Uinston Cherchill boshqardi.

Mustamlaka va dominionlar bilan munosabat. Buyuk Britaniyaning hukmron doiralari mustamlakalardagi milliy-ozodlik harakatlarini qurol kuchi bilan shafqatsiz bostirdi. 1919-yili Hindistonning Armitsar shahrida ingliz qoʻshinlari tinch namoyishchilarni oʻqqa tutdi. Misrda inglizlarga qarshi qoʻzgʻolonni bostirish maqsadida jazo operatsiyasi oʻtkazildi. Shunga qaramasdan, 1922-yili inglizlar Misrning mustaqilligini tan olishga, Buyuk Britaniya Afgʻoniston va Eronning tashqi va ichki siyosatini nazorat qilishdan ham voz kechishga majbur boʻldi. Nihoyat, irlandlarning ozodlik uchun olib borgan yuz yillik kurashi muvaffaqiyatli yakunlandi. 1921-yil dekabrda Buyuk Britaniya dominion huquqiga ega boʻlgan «Ozod Irlandiya davlatini» tan oldi.



1919-yilda... 1924-yil yanvarda... 1926-yil mayda...

Bu davrda Buyuk Britaniya bilan uning dominionlari – Kanada, Avstraliya, Janubiy Afrika Ittifoqi, Yangi Zelandiya oʻrtasidagi munosabatlarni 1931-yili qabul qilingan Vestminster statuti deb nomlangan hujjat belgilab berdi. Statutga koʻra oʻz ichki mustaqilligiga ega boʻlgan dominionlar bilan metropoliya birgalikda Britaniya Millatlar Hamdoʻstligi nomli ittifoqni tashkil qildi.

**Tashqi siyosat.** 1930-yillarda oʻzining iqtisodiy, harbiy va ijtimoiy yutuqlarini namoyish qilayotgan Germaniyadan qoʻrqish hissi Buyuk Britaniya siyosatini belgilab berdi. Buyuk Britaniyada, umuman Yevropaning boshqa davlatlarida ham fashizmdan qoʻrqish hissi boʻlajak urushda fashistlarning kuchlari Sovet Ittifoqiga qarshi qaratiladi, degan umid bilan qoʻshilib ketgan edi. Shu umid tufayli ular fashist-

larning tajovuzkor siyosatiga faol qarshilik koʻrsatmadi. Bu siyosat tarixda **«tajovuzkorga yon berish» siyosati** nomini oldi.

Buvuk Britaniyada bu siyosat hokimiyatga kelgan 1937-yili bosh Nevill Chemberlen vazir nomi bogʻliq. Boshlanishi lan muqarrar boʻlib qolgan urushni sharqqa qarab yoʻnaltirish maqsadida Nevill Chemberlen Adolf Gitler, Benito Mussolini va Eduard Dalade bilan birgalikda 1938-yili Myunxen kelishuvini imzo-



N. Chemberlen, E. Dalad'e, A. Gitler va B. Mussolini Myunxen kelishuvini imzolagandan soʻng (chapdan).

ladi. Kelishuv natijasida Chexoslovakiyaning, asosan, nemis millatiga mansub aholi yashaydigan Sudet viloyati Germaniyaga berildi. Ammo Germaniya bu bilan cheklanmadi. U 1939-yil 1-sentabrda Polshaga bostirib kirdi va Ikkinchi jahon urushini boshlab berdi. 3-sentabr kuni Polshaning ittifoqchisi boʻlgan Buyuk Britaniya Germaniyaga qarshi urush e'lon qildi va shu tariqa boshlanib ketgan Ikkinchi jahon urushiga qoʻshildi.



Statut – asosan, Buyuk Britaniya huquqiy madaniyatiga xos boʻlgan bayoniy xarakterdagi huquqiy hujjat, qaror.

## Mustahkamlash uchun savol va topshiriqlar

- 1. Buyuk Britaniya Birinchi jahon urushidan qanday natijalar bilan chiqdi?
- 2. Buyuk Britaniya taraqqiyotidagi qanday muammolar 1926-yil maydagi eng yirik ish tashlashni keltirib chiqardi?
- 3. Bu davrda siyosiy rivojlanishdagi Buyuk Britaniyaga xos boʻlgan qanday asosiy jihatlarni ajratib koʻrsatish mumkin?
- 4. Buyuk Britaniyaning mustamlaka va dominionlar bilan munosabatida qanday oʻzgarishlar yuz berdi?
- 5. Ikkinchi jahon urushidan oldin Buyuk Britaniya tashqi siyosatining asosiy maqsadi nimadan iborat edi?

## Mustaqil ish



Xaritadan foydalanib, Buyuk Britaniya imperiyasiga tegishli hududlarni maqomiga koʻra tasniflang va izoh yozing.



1918—1939-yillardagi Buyuk Britaniya tarixiga oid asosiy tushunchalarni ingliz tiliga tarjima qiling va daftaringizga yozing.

#### 4-MAVZU. 1918-1939-YILLARDA FRANSIYA

**Iqtisodiy rivojlanish.** Birinchi jahon urushini Fransiya gʻalaba bilan yakunladi. U oʻzining ashaddiy dushmani boʻlgan Germaniyani tor-mor qildi, qit'ada boshqa jiddiy raqibi qolmadi. Ammo bu gʻalaba fransuz xalqiga juda qimmatga tushdi. Bevosita urush harakatlari boʻlib oʻtgan Fransiya hududining uchdan bir qismidagi sanoat korxonalari vayron qilindi. Pul keskin qadrsizlandi, Fransiya AQSHdan qarzdor boʻlib qoldi.

Urush qishloq xoʻjaligi, sanoat va kredit tizimiga jiddiy zarar yetkazdi, Fransiya dunyodagi kreditorlik pozitsiyasini qisman yoʻqotdi. Kapitalning katta qismi kredit sohasidan ishlab chiqarish sohasiga koʻchdi.

Versal shartnomasiga binoan Fransiya Elzas va Lotaringiyani qaytarib oldi, 15 yilga Saar koʻmir havzasini egalladi, Germaniya mustamlakalari hisobiga oʻz imperiyasini kengaytirib oldi. Germaniya Fransiyaga katta reparatsiya toʻladi.

Bularning hammasi 1920-yillari sanoatning oʻsishi uchun qulay sharoit yaratdi. Sanoatning avtomobilsozlik, samolyotsozlik, neftni qayta ishlash, kimyo sanoati kabi yangi turlari paydo boʻldi. Ayni paytda qishloq xoʻjaligi turgʻunlik holatini boshdan kechirayotgan boʻlib, mahsulot yetishtirish urushdan oldingi holatida edi.



Buyuk fransuz burjua inqilobining yuzaga kelish sabablari nimalardan iborat edi?



Fransiya xaritasi.

1929—1933-yillardagi jahon iqtisodiy inqirozi Fransiyada 1930-yili boshlandi. Shu yili ishlab chiqarishning oʻsish sur'atlari susayib, sanoat ishlab chiqarishi keskin pasayib ketdi. Metallurgiya, mashinasozlik, toʻqimachilik va oziq-ovqat sanoatida inqiroz yuz berdi. Ishlab chiqarishning pasayishi ishsizlar sonining oshishi va ish haqining kamayishiga olib keldi.

Inqirozdan aholining barcha qatlamlari jiddiy zarar koʻrdi. Shahar mayda burjuaziyasining daromadlari keskin tushib ketdi, yuz minglab mayda savdogarlar xonavayron boʻldi. Fransiyada sanoat ishlab chiqarishi 1930-yillar oxirida ham inqirozdan oldingi darajasiga yetmadi.

**Ichki siyosat va ijtimoiy muammolar.** Birinchi jahon urushidan keyingi ogʻir ahvolga qaramasdan, Fransiya hukmron doiralari «Biz



Parij koʻchalaridan biri. 1930-yillar.



Parijda fashistlar namoyishi bostirilgandan soʻng.

istaganimizning hammasiga, hatto undan ham koʻprogʻiga erishdik» deya, xalqni xotirjam qilishga urindi. Germaniya ustidan qozonilgan gʻalabadan so'ng mamlakatda shovinistik kayfiyat keng tarqaldi. 1919-yil novabrdagi saylov jarayoni millatchilik va «bolsheviklar xavfi» bilan qoʻrqitish ruhi ostida o'tdi. Burjua partiyalaridan iborat Milliy blok guruhi tuzildi. Milliy blok saylovlarda 2/3 qismdan koʻproq oldi. Bu Fransiyadagi ovoz

kuchlarning eng katta g'alabasi edi.

Ammo saylovlarda Milliy blok bergan va'dalar bajarilmadi, Fransiya 1930-yillarning oʻrtalarigacha ijtimoiy qonunchilik sohasida bir qadam ham olgʻa tashlamadi.

Shunday boʻlsa-da, 1926—1929-yillari hukumat pulning qadrsizlanishini toʻxtatishga, kun kechirishni arzonlashtirishga erishdi. Ijtimoiy faoliyatga e'tibor qaratildi: ishsizlik, keksalik, kasallik, nogironlik va homiladorlik uchun pensiyalar joriy qilindi. Shunday holatda boʻlib oʻtgan 1928-yilgi saylovlarda ham oʻng kuchlar gʻolib chiqdi.



1929 – 1933-yillar ... 1919-yil noyabr ... Elzas va Lotaringiya... 1928-yil...

Fransiyada iqtisodiy inqiroz 1930-yil oxirida boshlandi. Uchinchi respublika jiddiy qiyinchiliklarga duch keldi: 1929—1932-yillari bir nechta hukumat almashdi. Ammo ularning birortasi iqtisodiy inqirozni toʻxtata olmadi.

1934-yili hokimiyatga yana oʻnglar keldi. Fransiyada fashistik rejim oʻrnatilishi real xavfga aylandi. Mamlakatda fashistlar faollashgan bir paytda hukumat aralashmaslik siyosatini olib bordi. Faqat Xalq fronti fashistlarga qarshi faol harakat qildi. Ammo oʻnglar ularni Fransiyani «sovetlashtirish»da aybladi. Oʻnglar yetakchisi Pyer Laval: «Xalq frontidan koʻra Gitler ma'qul»,—deya bayonot berdi. Bu shiorni oʻsha

davr fransuz siyosiy elitasining katta qismi qabul qildi. Aynan shu hol Uchinchi respublikani halokatga olib kelgan asosiy omillardan biri boʻldi.

**Tashqi siyosat.** Versal shartnomasi shartlarining bajarilishi uchun kurash Fransiya tashqi siyosatida markaziy oʻrinni egallaydi.

1938-yil kuzida Eduard Dalad'e hukumati Buyuk Britaniya bilan birga Chexoslovakiyani fashistik Germaniyaga topshirgan Myunxen kelishuvini ma'qulladi. Amalda Myunxen kelishuvi yangi jahon urushiga yoʻl ochib berdi. Bu urushning birinchi qurbonlaridan biri Fransiyaning oʻzi boʻldi. 1940-yil 14-iyun kuni nemis qoʻshinlari Parijga kirib keldi. Oʻshanda koʻpchilik faqat Chexoslovakiyaga — Fransiyaning ishonchli, sodiq ittifoqchisiga nisbatan xoinlik boʻldi, deb oʻylagan edi. Ammo bu faqat Chexoslovakiyaga nisbatan emas, butun dunyoda tinchlikka nisbatan xoinlik boʻlib chiqdi. Bu xoin-



Eduard Dalad'e.

lik natijasida ilk jabr koʻrganlardan biri fransuz xalqi boʻldi.



1919-yil noyabrdagi saylovda Milliy blok deb ataluvchi burjua partiyalaridan iborat guruh tuzildi. 1940-yil 14-iyun kuni nemis qoʻshinlari Parijga kirib keldi.

O'z yetakchilarining kaltabin siyosati Uchinchi respublika uchun juda qimmatga tushdi: u nemis qo'shinlarining oyog'i ostida barbod bo'ldi.



**Shovinizm** – bir irqning boshqalardan ustunligini da'vo qiluvchi, millatlar oʻrtasida nizo urugʻini sochuvchi oʻta oʻng, ashaddiy millatchilik.

Oʻnglar – mavjud tuzumni keskin oʻzgartirmaslik, uni konstitutsiya doirasida rivojlantirish tarafdorlari.

**Soʻllar** – mavjud tuzumni oʻzgartirish, keskin islohotlar tarafdorlari.

## Mustahkamlash uchun savol va topshiriqlar

- 1. Birinchi jahon urushi Fransiya uchun qanday natijalarga olib keldi?
- 2. 1929–1933-yillardagi jahon iqtisodiy inqirozining Fransiyaga ta'siri haqida gapirib bering.
- 3. 1929–1933-yillardagi jahon iqtisodiy inqirozi Fransiya iqtisodi va siyosiy kuchlar muvozanatiga qanday ta'sir koʻrsatdi?
- 4. Jahon urushlari orasida Fransiya tashqi siyosatining asosi nimadan iborat edi?
  - 5. Oʻnglar yetakchisi Pyer Laval bayonoti nimadan iborat edi?

### Mustaqil ish



Xaritaga asoslanib, Birinchi jahon urushidan soʻnggi Fransiya hududini tahlil eting: hududlarning qaytarib olinishi va yoʻqotishlarni baholang.




Fransiya davlati misolida ijtimoiy himoyaga zaruriyatni yuzaga keltiruvchi omillarni aniqlashtiring va fikringizni asoslash uchun dalillarni daftaringizga qayd eting.



Internet vositasida 1918–1939-yillardagi Fransiya koʻ-chalariga virtual ekskursiya uyushtiring. Taassurotlaringizni daftaringizga qayd eting.

## 5-MAVZU. 1918–1939-YILLARDA AMERIKA QO'SHMA SHTATLARI

**Iqtisodiy rivojlanish va ijtimoiy muammolar.** Urushga boshqa davlatlardan keyin qoʻshilgan, harbiy harakatlardan uzoqda joylashgan AQSH ancha kam qoʻshin yoʻqotdi, ammo urushda ishtirok etish Amerika biznesi uchun juda katta foyda keltirdi.



Dunyo xaritasida Amerika Qoʻshma Shtatlari.

Urushdan oldin Yevropadan qarzdor boʻlgan AQSH endi uning kreditoriga aylandi. Urushdan keyin AQSH qashshoqlashgan va vayron boʻlgan Yevropadan olimlar va ilmiy kashfiyotlarni yigʻib oldi, yangi ixtirolarni ishlab chiqarishga joriy qildi, yangi texnika va texnologiyalarning ajoyib muvaffaqiyatini namoyish etdi.



1924—1929-yillari jadal rivojlangan AQSH iqtisodiy jihatdan dunyoning eng rivojlangan mamlakatiga aylandi. AQSHda iqtisodning eng yangi sohalari: elektrotexnika, kimyo, aviatsiya, neft sanoati, avtomobilsozlik, kino sanoati, radiotexnika jadal rivojlandi. Kir yuvish mashinalari, sovitkichlar, fotoapparatlar, patefon va radiopriyomniklar ommaviy ishlab chiqarila boshlandi. 1920-yillar oxiriga kelib har ikki amerikalikning bittasida radiopriyomnik bor edi. Shu yillari yoʻlovchi aviatsiyasi davri boshlandi.



Gerbert Guver.



Ishsizlar namoyishining bostirilishi. Vashington, 1932-yil.



Navbat kutib turgan ishsizlar. Nyu-York. 1933-yil.

Shunday sharoitda **1928-yili** kongresga boʻlib oʻtgan saylovlarda yana respublikachilar gʻalaba qozondi. Ular partiyasidan prezidentlikka nomzod **Gerbert Guver 1929-yil yanvarda** AQSHning navbatdagi prezidenti qilib saylandi.

Ammo Amerikacha gullab-yashnash va ilgʻor kapitalistik mamlakatlar iqtisodiyotining boʻsh tomoni ham boʻ-

lib, u doimiy yuz beradigan inqirozlarda namoyon boʻladi. **1929-yil 24-oktabrda** Nyu-York fond birjasida boshlangan inqiroz tufayli barqaror rivojlanish davri tugadi. AQSHning ortidan butun kapitalistik dunyo jahon iqtisodiy inqirozi girdobiga shoʻngʻidi. Bu inqiroz kapitalistik xoʻjalik shaklining XIX asr oxiri—XX asr boshlari uchun xos boʻlgan tarixiy evolutsiyasini yakunladi.

1930-yillarning boshiga kelib AQSH kapitalistik dunyoning tan olingan yetak-chisiga, texnik taraqqiyotning yalov-

bardoriga aylandi. Iqtisodiy inqirozning butun qudrati ham shu yerda namoyon boʻldi. Xoʻjalikning an'anaviy tipi oʻz imkoniyatlarini yakunladi. 1929–1932-yillari sanoat ishlab chiqarishi hajmi 50 % ga qisqardi, 13 mln.ga yaqin kishi oʻz ish joylaridan mahrum boʻldi.

AQSH prezidenti Gerbert Guver Amerikacha individualizm va liberalizm tamoyillarini himoya qilib, hech qanday ijtimoiy choralar koʻrishga rozi boʻlmadi.




1928-yilda ... G.Guver faoliyati ... 1929-yil 24-oktabr... 1929-1932-yillar...

1932-yil noyabrdagi saylovlarda Guverga qarshi demokratik partiyadan Franklin Ruzvelt nomzodi qoʻyildi. Oʻta shuhratparast boʻlgan bu shaxs oʻz umrini siyosiy faoliyatga bagʻishladi. U AQSH prezidentligiga qatorasiga toʻrt marta (1932, 1936, 1940, 1944) saylan-

gan yagona shaxs. Shuning oʻzi ham uning AQSH tarixidagi gʻoyat katta rolidan dalolat beradi.

Franklin Ruzvelt umumiy muhit talabidan kelib chiqib, nutqlaridan birida: «Men Amerika xalqiga yangi kurs va'da qilaman»,—dedi. «Yangi kurs» degan bu jozibador soʻz ommaviy shior va siyosatning nomiga aylandi. «Yangi kurs» Amerika kapitalizmining xarakterini oʻzgartirib yubordi. U AQSH iqtisodini yangi, buyuk davlatchilik intilishlari avj olgan davrga mosladi.



Franklin Delano Ruzvelt.

Shu tariqa 1930-yillarning ikkinchi yarmida AQSH va uning ortidan butun kapitalistik

dunyo iqtisodiy inqirozdan chiqib oldi. Ayni paytda ular boshqa bir, koʻproq tashqi siyosat bilan bogʻliq muammolarga duch keldi.



Yangi kurs... 1938-yil... 1932-yildagi saylov natijalari... 1929-yil yanvar...

**Tashqi** siyosat. 1920–1930-yillari AQSHning tashqi siyosatida juda muhim voqealar unchalik koʻp boʻlmadi. Ammo tashqi ingiroz siyosatga ham ta'sir koʻrsatdi. 1933-yili Sovet Ittifoqi lan diplomatik munosabatlar oʻrnatildi, villari neytralitet haqida shu hamda urushayotgan davlatlarga qurol yetkazib berish va kredit ajratishni taqiqlash toʻgʻrisida qonunlar qabul qilindi. Bu paytda Ispaniyada fuqarolar urushi ketayotgan edi va AQSH neytralitetga qat'iy



1929-yil 24-oktabrda Nyu-York fond birjasida inqirozning boshlanishi.

rioya qildi. Ikkinchi jahon urushi boshlanguncha izolatsionizm AQSH hukumatining ustuvor siyosati boʻlib qoldi. Faqat **1941-yil 7-dekabr** kuni Yaponiya floti Pyorl-Xarborga – AQSH flotining Tinch okeanidagi asosiy bazasiga hujum qilgandan soʻnggina AQSH Ikkinchi jahon urushiga qoʻshildi.

Keyinchalik Franklin Ruzvelt neytralitet haqidagi qonun va izolatsionizm siyosati xato boʻlganligini tan olgan edi.



**Patefon** – plastinkaga yozib olingan musiqa va qoʻshiqni qayta eshittiruvchi qurilma.

**Individualizm** – alohida shaxs manfaatlarini jamiyat manfaatlaridan ustun qoʻyishga qaratilgan nazariya.

**Liberalizm** – parlamentarizm, demokratik erkinliklar va xususiy tadbirkorlik tarafdorlarini birlashtirgan ijtimoiy-siyosiy oqim.

**Neytralitet** – davlatlar oʻrtasida olib borilayotgan urushga qoʻshilmaslik imkonini ta'minlovchi huquqiy maqom.

**Izolatsionizm** – biron-bir davlatning xalqaro muammolarni hal qilishda ishtirok etishdan bosh tortish siyosati. Koʻpincha, AQSHning ikkinchi jahon urushigacha boʻlgan siyosatiga nisbatan qoʻllaniladi.

### Mustahkamlash uchun savol va topshiriqlar

- 1. Birinchi jahon urushining natijalari AQSHning iqtisodiy rivojlanishi va jahon siyosatidagi oʻrniga qanday ta'sir koʻrsatdi?
- 2. 1929–1933-yillardagi iqtisodiy inqiroz AQSH iqtisodi va ijtimoiy siyosatida qanday iz qoldirdi?
  - 3. AQSH inqirozdan chiqishning qanday yoʻlini tanladi?
- 4. Inqirozdan soʻng AQSH tashqi siyosatida qanday oʻzgarishlar yuz berdi?

## Mustaqil ish



Birinchi jahon urushidan soʻnggi AQSH hududiga tavsif bering. Xaritadagi noaniqlikning sababini izohlang.



Franklin Ruzvelt haqidagi ma'lumotlarni topishga harakat qiling va tarixiy shaxsning faoliyatiga baho bering.

#### 6-MAVZU. 1918–1939-YILLARDA GERMANIYA

Germaniya inqilobi. Germaniya Birinchi jahon urushida magʻlubiyatga uchradi. Urushdan kevin bu yerda inqilobiy sodir boʻldi. Ingilob voqealar harbiy dengizchilarning Kil shahridagi qoʻzgʻolonidan boshlandi. 1918-vil novabrga kelib g'alayonlar Germaniyaning barcha virik shaharlarini qamrab oldi. Noyabr inqilobi gʻalaba qozonib, Germaniya respublika deb e'lon qilindi. Fridrix Ebert boshchiligida yangi hukumat tuzildi.

Ta'sis majlisiga oʻtkazilgan saylovlarda asosiy oʻrinlarni liberal va konservativ partiyalar vakillari egalladi.



Qoʻzgʻolon koʻtargan ishchilar va soldatlar. Berlin, 1919-yil.



Birinchi jahon urushida Germaniyaning umumiy yoʻqotishlari nimalardan iborat edi?

**1919-yil 31-iyul** kuni Veymar shahrida Ta'sis majlisi inqilobiy ommaning demokratik talablarini qoniqtiruvchi konstitutsiyani qabul qildi. Germaniya tarixida yangi — **Veymar respublikasi** davri boshlandi.

Rur inqirozi. 1923-yili fransuzlar Germaniyaning Rur viloyatiga bostirib kirdi. Rur inqirozi Germaniyaning oʻzida ham siyosiy noroziliklarni keltirib chiqardi. 1923-yil oxirida Yevropa mamlakatlari ichida eng qadrsiz pul Germaniyada edi.

Rur inqirozidan soʻng reparatsiya va Yevropa qarzlari muammosini hal qilishning yechimi sifatida **«Daues rejasi»** qaralayotgan edi. **1924-yili** amerikalik bankir Charlz Daues boshchiligidagi qoʻmita xalqaro moliya-kredit va savdo munosabatlarini tiklashning strategik rejasini qabul qildi. Bu reja kapitalistik dunyoda iqtisodiy va siyosiy barqarorlikni ta'minlash uchun asos boʻldi. Charlz Dauesga Nobel mukofoti berildi.

Germaniya fashizmining oʻziga xos jihatlari. Germaniyada Adolf Gitler boshchiligidagi



Charlz Daues.



Germaniyada fashizmning ommalashuvi. 1930-yillar.

Germaniya natsional-sotsialistik ishchi partiyasi 1919-yili paydo boʻldi. Aslida bu partiyaning Italiyada paydo boʻlgan fashizmga toʻgʻridan toʻgʻri aloqasi yoʻq. Aytish lozimki, fashizm soʻzi gitlerchilarga nisbatan faqat odat yuzasidan qoʻllaniladi. U dunyodagi deyarli barcha xalqlar tillariga kirgan. Ammo shuni inobatga olish lozimki, Germaniyada italyan tipidagi fashizm emas, natsizm shakllandi.

«Pivo isyoni». 1923-yil 8-noyabr

kuni Myunxendagi juda bahaybat pivoxonaga 3000 ga yaqin odam yigʻildi. Bundan foydalangan Gitler boshchiligidagi bir guruh natsistlar Bavariyada hokimiyatni egallab, Berlinga yurish uyushtirishga urinib koʻrdilar. Ammo politsiya ularning yoʻlini toʻsib, natsistlarni quvib yubordi, oʻnga yaqin natsist oʻldirildi. Gitler va boshqa tashkilotchilar turli muddatga qamoqqa tashlandi. Bu Germaniyada natsistlarning hokimiyatga kelish uchun birinchi urinishi edi. Muvaffaqiyatsizlik bilan tugashiga qaramasdan, aynan «pivo isyoni» natsistik partiyani umumgermaniya miqyosidagi siyosiy kuchga aylantirdi.



1919-yil 31-iyul.... «Daues rejasi»... Rur inqirozi... 1923-yil 8-noyabr...

1932-yil aprelda boʻlib oʻtgan prezidentlik saylovlarida Gindenburg gʻolib chiqdi, Gitler undan sal ortda qoldi. Reyxstagga boʻlib oʻtgan saylovlarda natsional-sotsialistlar gʻolib chiqib, eng yirik parlament partiyasiga aylandi.

**1933-yil 30-yanvarda** prezident Paul fon Gindenburg reyxstagda (parlament) eng katta fraksiyaga ega boʻlgan natsional-sotsialistlar yoʻlboshchisi Adolf Gitlerni reyxskansler (hukumat boshligʻi) lavozimiga tayinladi.

Veymar konstitutsiyasi bekor qilindi, **1934-yili** prezident Gindenburg vafot etgandan soʻng Gitler Germaniyaning fyureri (dohiysi) boʻlib oldi. Prezident lavozimi bekor qilindi, shu vaqtdan boshlab Veymar respublikasi amalda oʻz faoliyatini yakunladi.

Gitler totalitar rejimining asosiy maqsadi «noraso irqlarni» boʻysundirish, katta hududlarni egallash uchun Germaniyani urush-

ga tayyorlashdan iborat edi. 1936—1939-yillari Germaniya iqtisodiyoti toʻliq urush maqsadlariga boʻysundirildi, harbiy xarajatlar 10 barobar oshirildi, qoʻshinlar soni 1914-yil darajasiga yetkazildi, harbiy-dengiz floti isloh qilindi. **1935-yili** umumiy harbiy majburiyat toʻgʻrisidagi qonun kuchga kirdi. Germaniya katta urushga tayyorlana boshladi. Germaniyadagi totalitar rejimga Italiya va Yaponiyadagi shunday rejimlar ittifoqchi boʻldi.



1919-yilgi Versal tinchlik shartnomasi boʻyicha Yevropadagi hududiy oʻzgarishlar.



1937—1938-yillari iqtisodiy oʻsishda erishilgan yutuqlar va ijtimoiy siyosat gitlerchilar rahbariyatiga Germaniyada ichki holatni barqarorlashtirish imkonini berdi. Bu asosiy maqsad—natsional-sotsializm gʻoyalari ruhidagi yangi jahon tartibini oʻrnatish yoʻlidagi ilk qadam deb qaraldi. 1937—1938-yillari gitlerchilar rejimining asosiy siyosati Germaniyani total ravishda urushga tayyorlash, mavjud mehnat va moddiy resurslarni toʻliq safarbar qilish boʻlib qoldi. Harbiy kadrlarni tayyorlash jadallashtirildi, qurol ishlab chiqarish oshirildi. Ikkinchi jahon urushi arafasida Germaniya Yevropada eng katta armiyani shakllantirdi.

Germaniyaning tashqi siyosati ham borgan sari tajovuzkor xarakter kasb etib bordi. 1938-yili Avstriya anshlyus qilindi, 1939-yili Chexoslovakiya ham Germaniyaga qoʻshib olindi. «Polshadagi nemislarning taqdiri haqida gʻamxoʻrlik» Ikkinchi jahon urushining boshlanishi uchun bahona boʻldi.



Nemis qoʻshinlari Polsha chegarasini buzib oʻtmoqda. 1939-yil 1-sentabr.



1919-yil 31-iyul kuni Veymar shahrida konstitutsiya qabul qilindi.

1934-yili prezident Gindenburg vafot etgandan soʻng Gitler Germaniyaning fyureri (dohiysi) boʻlib oldi.

**1939-yil 1-sentabrda** Germaniya Polshaga bostirib kirdi. Ikkinchi jahon urushi boshlandi.



**Fraksiya** – biror-bir partiyaning parlamentdagi a'zolari yoki siyosiy partiya ichidagi alohida guruh.

Totalitarizm (umumiy, yalpi) – XX asr hodisasi boʻlib, butun siyosiy tizimning davlatga boʻysunishini, jamiyat hayoti va fuqarolar ustidan toʻliq davlat nazorati oʻrnatilishini nazarda tutadi.

## Mustahkamlash uchun savol va topshiriqlar

- 1. Birinchi jahon urushidagi magʻlubiyat Germaniyada qanday iqtisodiy va ijtimoiy muammolarni keltirib chiqardi?
- 2. Germaniyada fashistlarning birinchi chiqishi «Pivo isyoni» qanday natija bilan yakunlandi?
- 3. «Daues rejasi» qanday maqsadga qaratilgan edi? U kapitalistik dunyoda iqtisodiy va siyosiy barqarorlikni ta'minlashga olib keldimi?
- 4. Gitler boshchiligidagi natsional-sotsialistlar hokimiyatga kelgandan keyin qanday siyosiy-iqtisodiy tadbirlarni amalga oshirdi? Italyan fashizmi va German natsizmini taqqoslang.
- 5. Gitler totalitar rejimining asosiy maqsadi nimadan iborat edi? Germaniyadagi totalitar rejimga tavsif bering.

## Mustaqil ish



«1919-yilgi Versal tinchlik shartnomasidan soʻng Germaniya» xaritasini tahlil qiling va Germaniyaning chegaralarini aniqlashtiring.



Mavzu matnini «Insert» jadvali asosida tahlil qiling va ikki qismli kundalik tuzing.

#### 7-8-MAVZULAR. 1918-1939-YILLARDA SSSR

1917-yil noyabrda Vladimir Lenin boshchiligida bolsheviklar hukumati – Xalq komissarlari soveti tuzilgandan soʻng Rossiyaning boshqa hududlarida ham sovet hokimiyatini oʻrnatish boshlandi.



Rossiya tarixida Romanovlar sulolasi qachon hokimiyat tepasiga kelgan edi?

Joylarda mahalliy hokimiyatlar tarqatib yuborildi, boshqaruv toʻliq sovetlar qoʻliga oʻtdi. Yangi hokimiyatning muhim jihati shunda ediki, u partiyaviy rahbarlik asosida shakllandi va bolsheviklar partiyasining har qanday qarori sovet qarori sifatida qabul qilinishi mumkin boʻldi. Partiya va davlat tashkilotlarining birikib ketishi shakllanayotgan bolsheviklar totalitar tuzumining muhim belgisi edi.

1918-yil martida Brest-Litovsk shahrida Germaniya bilan sulh tuzildi. Sulh natijasida bolsheviklar vaqtincha nafasni rostlash imkoniyatiga ega boʻlsa-da, Rossiya 56 mln. kishi yashaydigan juda katta hududidan va Qora dengiz flotidan ayrildi, Germaniyaga katta kontributsiya toʻlash majburiyatini oldi. Tarixchilarning ta'kidlashicha, sulh Rossiyaning butun tarixi davomidagi eng sharmandali shartnoma boʻldi.



Bolsheviklar hokimiyatga kelgandan soʻng boshlangan tartibsizliklar fuqarolar urushiga olib keldi.

Fuqarolar urushi. Koʻpchilik tarixchilar Rossiyada Fuqarolar urushi 1917-yil oktabrda bolsheviklar hokimiyatga kelishi bilan boshlandi va 1922-yil kuzda Uzoq Sharqda «Oq gvardiya»ning tor-mor qilinishi bilan yakunlandi, deb hisoblaydi.

Fuqarolar urushining asosiy sabablari jamiyatni qayta qurishning ezgu maqsadlari bilan ularni amalga oshirishning radikal usullari oʻrtasidagi nomutanosiblikdan iborat edi. Bu urushda turli xil ijtimoiy sinflar va guruhlar

oʻzaro muammolar va ziddiyatlarni qurol kuchi bilan hal qildilar.

Fuqarolar urushi davrida chet el, avvalo, Antanta davlatlarining Rossiyaga qarshi bosqinchilik harakatlari ham boʻlib, u **chet el in-** tervensiyasi nomini oldi. Chet el qoʻshinlari bilan sovetlarning ichki dushmanlari birlashib, 1918-yili Rossiyaning Volgaboʻyi, Ural, Sibir, Uzoq Sharq hududlarida sovet hokimiyatini agʻdarib tashladi. Shunday holatda bolsheviklar juda katta tashkilotchilik ishlarini amalga oshirdi: qoʻshinlar soni 1 mln. kishidan oshdi; armiyada qat'iy tartib oʻrnatildi, Chor hukumatining koʻplab general va ofitserlari sovetlar tomoniga jalb qilindi; mamlakat «yagona harbiy lager» deb e'lon qilindi.



Brest-Litovsk shartnomasi... 1918-yil... Rossiyada Fuqarolar urushi oqibatlari... 1917-yil oktabr — 1922-yil kuz...

1918—1922-yillari Sovetlar respublikasida iqtisodni boshqarishning harbiy usuli—**«harbiy kommunizm»** siyosati oʻrnatildi. U fuqarolar urushida gʻalaba qozonish uchun mamlakat barcha resurslarini safarbar qilishning favqulodda tizimi edi. Bu siyosatning eng muhim jihatlari: xususiy mulkchilikni bekor qilish; pul-tovar munosabatlarini toʻxtatish va sanoatni milliylashtirish; teng taqsimlashga asoslangan davlat tizimini oʻrnatish; ish haqini oziq-ovqat mahsulotlari bilan toʻlash; shahar bilan qishloq oʻrtasida toʻgʻridan toʻgʻri mahsulot almashinuvini yoʻlga qoʻyish boʻldi. Dehqonlardan oshiqcha oziq-ovqat mahsulotlarini majburiy va tekin tortib olish—**oziq-ovqat razvyorst-kasi** joriy qilindi.

Siyosiy sohada «harbiy kommunizm» bir partiyaviy tizimning hukmronligi, ma'muriy-buyruqbozlik boshqaruv usulining joriy qilinishi va hurfikrlilikning qattiq ta'qib qilinishi bilan tavsiflanadi. Ma'naviy sohada hukmron mafkura va axloq normasi sifatida marksizm oʻrnatildi. Bu shafqatsiz usullar bilan bolsheviklar oʻz maqsadlariga erishdilar.

Fuqarolar urushining yakunlovchi bosqichi sobiq Rossiya imperiyasining chekka oʻlkalari – Kavkazorti, Oʻrta Osiyo va Uzoq Sharqda sovet hokimiyatining oʻrnatilishi bilan xarakterlanadi. **1922-yil noyabrda** Qizil armiya Vladivostok shahrini olib, Tinch okeaniga chiqishi bilan Rossiyada Fuqarolar urushi, asosan, yakunlandi.

**SSSRning tashkil topishi.** 1922-yili amalga oshirilgan muhim tadbirlardan biri SSSRning tashkil topishi boʻldi. Millatlarning oʻz huquqini oʻzi belgilash tamoyilidan kelib chiqib, barcha respublikalar

federativ davlatga teng huquqli a'zo boʻlib kirdilar. Natijada, **1922-yil 30-dekabr** kuni sobiq Rossiya imperiyasi hududida Sovet Sotsialistik Respublikalari Ittifoqi (SSSR) tashkil qilindi.



SSSRning tashkil topishi. 1922-yil 30-dekabr.

Bu yangi davlatda eski jamiyatning asoslari buzib tashlandi, «davlat sotsializmi» (davlatning iqtisodiyotga va ijtimoiy munosabatlarga aralashuvi) oʻrnatildi va iqtisod, jamiyat, davlat misli koʻrilmagan sur'atlarda isloh qilindi. Sovet tipidagi «davlat sotsializmi» jamiyatni industrlashtirishning kapitalistik usuliga muqobil yoʻl edi.

Dastlab SSSRga Rossiya, Ukraina, Belorusiya va Kavkazorti respublikalari kirdilar. 1924-yili davlatning birinchi konstitutsiyasi qabul qilindi. 1924-yili Kavkazorti va Oʻrta Osiyoda milliy-hududiy chegaralanish oʻtkazilib, milliy sovet respublikalari tashkil qilindi. Shu yillari SSSR Yevropa davlatlari tomonidan, **1933-yili** oxirgi yirik davlat – AQSH tomonidan tan olindi.

Yangi iqtisodiy siyosat. 1921-yili sovet davlati kuchli iqtisodiy va siyosiy inqirozni boshidan kechirdi. Mamlakat vayron boʻlgan, sanoat ishlab chiqarishi keskin pasayib ketgan edi. Yuz bergan dahshatli qurgʻoqchilik Ukraina, Kuban va butun Volgaboʻyini qamrab oldi. Bu hududlarda ocharchilik boshlanib, sovetlarga qarshi qoʻzgʻolonlar koʻtarildi. Mashhur norveg sayyohi Fritof Nansen ochlarga amaliy yordam koʻrsatishni tashkil qilganlardan biri boʻldi. Uning hurmati va qat'iy iltimosi tufayli Gʻarb davlatlari och Rossiyaga yordam koʻrsatdi, minglab odamlarni oʻlimdan qutqarib qoldi.



Fritof Nansen.

Mamlakatning ogʻir inqiroz holati bolsheviklarni «harbiy kommunizm» siyosatidan voz kechib, **yangi iqtisodiy siyosat** (ruscha NEP) deb nom olgan kursga oʻtishga majbur qildi. NEPning mohiyati bozor iqtisodiyotini qisman tiklash, uni iqtisodiy manfaatdorlik va xoʻjalik hisobi asosida rivojlantirishdan iborat edi. NEP majburiy va vaqtinchalik tadbir boʻlib, bolsheviklar inqiroz tugashi bilan uni bekor qilishni koʻzlagan edi.

NEP xususiy tadbirkorlikni ragʻbatlantirdi, iqtisodning oʻsishiga koʻmaklashdi. NEP mamlakat xalq xoʻjaligini tiklash, ishlab chiqarish va savdoni yoʻlga qoʻyish, ogʻir iqtisodiy holatdan chiqib olish imkonini berdi. Ammo NEP SSSRda «bozor sotsializmining» oʻrnatilishiga olib kelmadi. 1924-yili Vladimir Lenin vafot etgandan soʻng davlatda Iosif Stalin va uning safdoshlari asosiy rol oʻynay boshladi. Ular NEP oʻz rolini bajarib boʻldi, deb hisobladi va 1927—1929-yillarda

asta-sekin uni bekor qilish boshlandi. Iqtisodiy evolutsiya, iqtisodiy raqobat, iqtisodiyotga ta'sir qilishning iqtisodiy usullari oʻrniga jamiyatni boshqarishning ma'muriy-buyruqbozlik, favqulodda, noiqtisodiy usullari tanlandi. Stalin shaxsiga sigʻinish, uni cheksiz ulugʻlash jarayoni boshlanib, avval muxolifatchilar, keyin esa millionlab begunoh kishilar qatagʻon qilindi.

**Industrlashtirish.** 1920-yillar oxiri–1930-yillar boshida amalga oshi-



SSSRda industrlashtirish ogʻir mehnat evaziga amalga oshirilgan.

rilgan eng muhim tadbir mamlakatni industrlashtirish boʻldi. 1928–1932-yillarga moʻljallangan birinchi besh yillik sovet rejali iqtisodiyoti davrini boshlab berdi. Besh yillikning asosiy vazifasi SSSRni agrar mamlakatdan sanoati rivojlangan va kuchli harbiy davlatga aylantirish edi. Juda katta kuch va mablagʻ ogʻir sanoatni rivojlantirishga sarflandi. Shu yillari 1500 ta yirik sanoat korxonalari qurildi. Birinchi besh yillikda sovet ogʻir sanoatining asoslari yaratildi.



«Harbiy kommunizm»... 1922-yil 30-dekabr... Oziq-ovqat razvyorstkasi... 1933-yilda... Yangi iqtisodiy siyosat... 1928–1932-yillarda...

Kollektivlashtirish. 1928–1933-yillari SSSRda kollektivlashtirish deb nom olgan siyosat amalga oshirildi. Buning natijasida qishloqdagi oʻziga toʻq dehqonlar, yer egalarining barchasi mulkidan mahrum qilindi, koʻpchiligi quloq sifatida qamaldi, surgun qilindi, qatl etildi. Kollektivlashtirish oqibatida 15 mln. ga yaqin dehqon oʻz yerlaridan surgun qilinib, bir necha millioni halok boʻldi. Kollektivlashtirishning dahshatli oqibati shu boʻldiki, SSSR tarixining oxirigacha mamlakat oʻzini oʻzi oziq-ovqat bilan ta'minlay olmadi. 1933-yilgi dahshatli ocharchilikda Ukraina, Kuban, Volgaboʻyi, Qozogʻistonda 7 mln. dan ortiq kishi ochlikdan vafot etdi.

1933–1937-yillarni qamrab olgan ikkinchi besh yillikda sanoat gurkirab oʻsib, SSSR uning koʻrsatkichlari boʻyicha dunyoda AQSHdan keyin ikkinchi oʻringa chiqib oldi.

1938-yili boshlangan uchinchi besh yillikda, asosan, harbiy sanoat korxonalarini qurish rejalashtirildi.



Savodsizlikni tugatish maktablaridan birida dars jarayoni.

Madaniy inqilob. Savodsizlikni tugatish, yangi tipdagi sovet maktablari tizimini yaratish, xalq ziyolilari kadrlarini tayyorlash, bolsheviklar nazorati ostida va markscha-lenincha mafkura asosida fan, adabiyot va san'atni rivojlantirish, xalqning turmush madaniyatini oshirish tarixda «madaniy inqilob» nomini oldi. Madaniy inqilobni amalga oshirish jarayonida koʻplab milliy ziyolilar qatagʻon qilindi,

milliy madaniyatlar zarar koʻrdi, dinga qarshi kurash avj oldi. Ayni paytda, oʻzining barcha ziddiyatlariga qaramasdan, madaniy inqilob bir qancha jiddiy muammolarni hal qildi.

Aholining turmush madaniyatini oshirish sari muhim qadam tashlandi. Savodsizlikka qarshi kurashda katta muvaffaqiyatlarga erishildi. Ta'lim tizimi toʻliq isloh qilinib, **1930-yili** majburiy boshlangʻich ta'lim joriy qilindi.

**Tashqi siyosat.** 1920-yillarda sovetlar tashqi siyosatining asosiy vazifasi yangi hokimiyatning xalqaro miqyosda tan olinishiga erishish boʻldi.

1930-yillari jahonda yuz berayotgan jarayonlar SSSR xavfsizligiga katta tahdid solayotgan edi. 1931–1932-yillari Yaponiya Manchjuriyani bosib olib, ikki davlat oʻrtasida keskinlikni yuzaga keltirdi. 1938-yili Hasan koʻli atrofida yaponlar SSSR hududiga bostirib kirdi. Shiddatli janglardan soʻng yaponlar sovet chegarasidan uloqtirib tashlandi. 1939-yili yaponlar Moʻgʻulistonga bostirib kirgandan soʻng, uning ittifoqchisi boʻlgan SSSR ham Moʻgʻulistonga qoʻshin kiritdi. Xalxin-Gol daryosi yonidagi jangda yaponlar magʻlubiyatga uchradi. 1941-yil Moskvada oʻzaro hujum qilmaslik toʻgʻrisida sovet-yapon shartnomasi imzolandi.

Yevropa yoʻnalishida Germaniya solayotgan xavfni bartaraf etish maqsadida sovet hukumati Buyuk Britaniya, Fransiya va boshqa davlatlar orasida oʻziga ittifoqchilar izlay boshladi. **1934-yili** Sovet Ittifoqi Millatlar Ligasiga a'zo boʻldi. Ammo bu vaqtga kelib tinchlik va xalqaro tartibga xavf solayotgan Germaniya xalqaro munosabatlar va sovetlar tashqi siyosatining muhim omili boʻlib qoldi.

1922-yili imzolangan Rapallo shartnomasidan soʻng Sovet Ittifoqi bilan
Germaniya oʻrtasidagi munosabatlar yaxshilanib bordi. Natijada 1939-yil 23-avgust kuni Moskvada SSSR va Germaniya oʻrtasida oʻzaro hujum qilmaslik
toʻgʻrisidagi shartnoma (Molotov – Ribbentrop pakti) imzolandi. Shartnomaga
ilova qilingan maxfiy protokolda SSSRning geostrategik manfaatlari chegarasi
aniqlandi. Unga koʻra Finlandiya, Boltiq



Vyacheslav Molotov va Rudolf fon Ribbentrop (chapdan).

boʻyi davlatlari, Polshaning sharqiy qismi, Bessarabiya SSSR manfaatlari zonasi deb belgilandi. Ya'ni urush boshlanishi bilan SSSR shu hududlarni oʻziniki hisoblashi mumkin edi.



1933-yilda Sovet Ittifoqini AQSH tan oldi. 1931–1932-yillari Yaponiya Manchjuriyani bosib oldi.

Xullas, bolsheviklar oʻtkazgan juda katta miqyosdagi ijtimoiy tajriba jahon urushlari oraligʻida millionlab kishilarni halok qildi, oʻn millionlab kishilarning odatiy turmush tarzini buzib tashladi, butun boshli millatlar taqdiriga ta'sir koʻrsatdi. Ular juda katta qurbonlar evaziga, ommaviy safarbarlik va zoʻravonlik usuli bilan iqtisodiy va harbiy jihatdan qudratli davlatni barpo qildilar.



**Radikal** (tubdan) – keskin choralar va harakatlarga intilish tarafdorlari.

Intervensiya – bir yoki bir necha davlatning boshqa davlat ichki ishlariga zoʻravonlik bilan aralashuvi, uning suverenitetini buzishi.

«Harbiy kommunizm» — Sovet davlatining fuqarolar urushi sharoitidagi ijtimoiy-iqtisodiy siyosati. Unda tijorat taqiqlanadi, qishloq xoʻjalik mahsulotlarining ortiqchasini davlatga topshirish majburiy qilib qoʻyiladi.

Pakt - xalqaro kelishuv, xalqaro shartnoma turi.

Natsionalizatsiya – xususiy mulkning, yirik korxonalar, yer, xalq xoʻjaligi sohalarining davlat mulkiga aylantirilishi.

## Mustahkamlash uchun savol va topshiriqlar

- 1. 1917-yili Rossiyada bolsheviklar hokimiyatining oʻrnatilishiga mamlakatda vujudga kelgan qanday iqtisodiy va siyosiy holatlar sabab boʻldi?
- 2. SSSRdagi industrlashtirish va kollektivlashtirish siyosatlarining maqsadi nimadan iborat edi? Ular qanday oqibatlarga olib keldi?
- 3. Madaniy inqilob nima maqsadlarni oʻz oldiga qoʻydi va qanday natijalarga erishildi?
- 4. 1930-yillari sovetlar olib borgan tashqi siyosatning tajovuzkor jihatlari nimalarda namoyon boʻladi?

### Mustaqil ish



Xaritadan Sovet Sotsialistik Respublikalari Ittifoqi tarkibiga kirgan davlatlar roʻyxatini tuzing.



«Yangi iqtisodiy siyosat»ning ijobiy va salbiy jihatlarini T-chizma asosida tahlil qiling va daftaringizga yozing.

#### 9-MAVZU. 1918–1939-YILLARDA ITALIYA VA ISPANIYA

Italiya Birinchi jahon urushida uncha katta talafot koʻrmadi. Aksincha u Avstriya-Vengriya yerlarining bir qismini egallab, oʻz hududini ancha kengaytirib oldi. Ammo shunga qaramasdan, urushdan soʻng mamlakat ichki ziddiyatlar girdobida qoldi. Bu ziddiyatlarning asosini koʻp sonli ishsizlar va iqtisodiy inqiroz tashkil qildi. Oʻta dolzarb islohotlarni amalga oshirish uchun hukumat yetarli kuchga ega emasdi.

Fashistlarning hokimiyatga kelishi. Umumiy inqiroz sharoitida Benito Mussolini boshchiligida 1919-yilning mart oyida tuzilgan fashistlar partiyasi faollashib ketdi. 1921-yili fashistlar harakati bir qadar rasmiy tus olib, davlatning siyosiy qudratini mustahkamlashga qaratilgan millatchilik tashviqotini olib bordi. Ularni mamlakatdagi jiddiy kuchlar qoʻllab-quvvatladi, aholining ham katta qismi xayrixohlik bildirdi.

Fashistlar 1921-yilgi parlament saylovlarida 36 ta oʻringa ega boʻldi. **1922-yil oktabrda** fashistik guruhlarning mashhur **Rimga yurish**idan soʻng qirol Viktor Emmanuil III Mussolinini hukumat boshligʻi etib tayinladi.



1871-yilda Italiyada qanday qonun qabul qilindi? Parlament qachon vujudga kelgan va Buyuk Britaniyada XIX asrdagi parlament islohotlari nimalardan iborat?



Italiya va Ispaniya.



«Yosh fashistlar» jurnalining muqovasi. Italiya.

Fashistlar siyosati. Fashistlar hokimiyatda turgan dastlabki yillarda mamlakatda barqarorlashuv va igtisodiy oʻsishni ta'minladi. Mussolini dastlab mavjud siyosiy partiyalar va kasaba uyushmalarini taqiqlamadi. Parlament faoliyat yuritdi, partiyalarning gazetalari ham chiqib turdi. Iqtisodivotga toʻgʻridan toʻgʻri va har tomonlama yoʻli bilan İtaliya fashistik aralashish mamlakat rivojlanishi sur'atlarini keskin oshirishga erishdi. 1938-yili Mussolini irqiy qonunlar chiqardi, 1939-yil boshida esa Deputatlar palatasini tarqatib yuborib, uning oʻrniga Katta fashistik kengash tuzdi.

Italyan fashizmi maxsus totalitar diktatura sifatida totalitar va avtoritarlik belgilariga ega edi. Uning mafkuraviy tizimi katolitsizm,

an'anaviylik, sotsializm g'oyalari bilan toʻldirilgan millatchilik poydevoriga qurildi.



1919-yil mart... B. Mussolini ... 1921-yilda... Viktor Emmanuil III...

Fashistlar barcha totalitar tuzumlarga xos boʻlgan tajovuzkor siyosatni avj oldirdi. 1927-yili Albaniya Italiyaning protektoratiga aylantirildi, keyin esa bosib olindi. 1935—1936-yillardagi Italiya—Efiopiya urushi natijasida Efiopiya, unga qoʻshni joylashgan Eritreya va Somalining bir qismi Italiyaning mustamlakasiga aylantirildi. 1937-yil dekabrda Italiya Millatlar Ligasidan chiqdi. Italiya Germaniya va Yaponiya bilan ittifoqqa birlashib, oʻzining tajovuzkor siyosatini davom ettirdi va Ikkinchi jahon urushining sababchilaridan biriga aylandi.



1927-yilda Albaniya Italiyaning protektoratiga aylantirildi.

1939-yilda Mussolini Deputatlar palatasini tarqatib yuborib, uning oʻrniga Katta fashistik kengash

tuzdi.

1940-yil 10-iyunda Fransiyaga urush e'lon qilgan Italiya Ikkinchi jahon urushiga kirishdi.

Ispaniya. Bu yerda voqealar rivoji boshqacha yoʻldan bordi. Dastlab Ispaniya oʻzining Birinchi jahon urushidagi neytraliteti bilan boshqa Yevropa davlatlaridan keskin ajralib turdi. Shunga qaramasdan, Ispaniya urushdan keyin ham ancha vaqt Gʻarbiy Yevropaning eng qoloq davlatlaridan biri boʻlib qolaverdi. Dunyoni larzaga keltirgan Rossiyadagi inqilobiy voqealar bu davlatga ham ta'sir koʻrsatdi. Kataloniya va boshqa viloyatlarda boshlangan ish tashlashlar hukumatni islohotlar oʻtkazishga, 8 soatlik ish kuni, ijtimoiy sugʻurta, ish haqi va pensiyalarning oshirilishi toʻgʻrisida qonunlar qabul qilishga majbur qildi.

1923-yil sentabrda general Migel Primo de Rivera davlat toʻntarishi uyushtirdi. Barcha vazirlar va gubernatorlar harbiylardan tayinlandi, parlament tarqatib yuborildi, koʻplab partiyalar faoliyati taqiqlandi. De Rivera iqtisodiy islohot oʻtkazib, xuddi Italiyadagi



Ispaniya respublikachilari xalq lashkari fuqarolar urushi yillarida.



Fransisko Franko – Ispaniya diktatori.

fashistlar singari iqtisodga davlat aralashuvini kuchaytirishga harakat qildi. Ammo mamlakatda boshlangan tashlash harakati. moliyaviy ingiroz butun Ispaniya bo'ylab diktatorga qarshi norozilikning kuchayishiga olib keldi. 1930-yili de Rivera iste'foga maibur boʻldi. chiqishga Yangi kumat konstitutsiyani va burjua-demokratik erkinliklarini tikladi, ammo boshlanib ketgan jahon iqtisodiy inqirozi oldida bu hukumat ham ojizlik aildi.

**Ispaniva fashizmi.** Italiya fashistlaridan namuna olgan oʻng partiyalar ispan falangasini 1933-yili tashkil gildi. Shu davrdan boshlab bu falanga vujudga kelgan ispan fashizmining asosi boʻldi. 1934-yili fashistlarning bir necha vakillari hukumat tarkibiga kirdilar. Shunday sharoitda so'l kuchlar Xalq frontini tuzdi. Ular 1936vili korteslarga (parlament) o'tkazilgan gʻolib chiqdi. Mamlakat saylovlarda prezidenti va hukumat boshlig'i shu

front vakillaridan saylandi. Mamlakatda barcha siyosiy mahbuslar ozod qilindi, ilgari erishilgan barcha demokratik va ijtimoiy yutuqlar tiklandi. Ammo oʻng falanga xavfi bartaraf etilmadi. Ular davlat toʻntarishiga tayyorlanib, bunda asosiy rolni armiya va generallar oʻynadi.

1936-yil 18-iyul kuni falangachilar hamma joyda harbiy toʻntarishni boshlab yubordi. Ularga qarshi Xalq fronti jangga koʻtarildi. Shu tariqa Ispaniyada fuqarolar urushi boshlanib ketdi.



1923-yil sentabrda...

1933-yilda...

Ispaniyada fuqarolar urushi... Kortes – ... Shunday sharoitda Fransiya, Buyuk Britaniya va yana koʻplab davlatlar Ispaniyaga qurol yetkazib berishni toʻxtatdi va oʻzlarining fuqarolar urushiga aralashmasliklarini e'lon qildi. Dastlab bu kelishuvga qoʻshilgan SSSR keyin oʻz qarorini oʻzgartirib, respublikachilarga yordam bera boshladi. Xuddi shunday Germaniya va Italiya falangachilarga yordam koʻrsatdi. Ispaniyadagi fuqarolar urushi ikki yarim yil davom etdi. Unda deyarli 1 mln. ispanlar halok boʻldi. Falangachilar gʻolib chiqdi va 1939-yil 1-aprelda Ispaniyada general F. Franko diktaturasi batamom oʻrnatildi.



1933-yilda ispan falangasi tashkil qilindi. 1936-yil 18-iyul kuni Ispaniyada fuqarolar urushi boshlanib ketdi.

Ikkinchi jahon urushi boshlanishi bilan gitlerchilar diplomatiyasining harakatlariga qaramasdan, Franko urushga kirishga shoshilmadi va 1939-yil sentabrda neytralitet haqida dekretni imzoladi.

**Katolitsizm** – xristian dinining asosiy mazhablaridan biri.

Avtoritarizm – siyosiy rejim, unda jamiyat davlat va uning boshligʻiga boʻysundiriladi, hokimiyat tepasida turgan shaxs oʻzini oʻzi shu hokimiyatga haqli deb e'lon qiladi.

**Kortes** – Ispaniya va Portugaliyada parlamentning nomlanishi. **Dekret** (decretum – qaror, decernere – qaror qilish) – davlat organi yoki lavozimdagi shaxsning huquqiy akti, qarori.

# Mustahkamlash uchun savol va topshiriqlar

- 1. Nima uchun Italiyadagi siyosiy inqiroz fashistlarning hokimi-yatga kelishi bilan yakunlandi? Italyan fashizmining asosiy jihatlarini ta'riflang.
  - 2. B. Mussolini haqida nimalarni bilasiz?

- 3. Italyan fashistlarining militaristik va tajovuzkor tashqi siyosati nimalarda namoyon boʻldi?
- 4. Birinchi jahon urushidan keyin Ispaniyada ichki ijtimoiy-siyosiy ziddiyatlarning kuchayishiga nima sabab boʻldi? Nima uchun Primo de Rivera hokimiyatni oʻzida saqlab qola olmadi?
- 5. Ispaniyada Xalq fronti hukumatining inqiroziga nimalar sabab boʻldi?
- 6. Ispaniyada falangachilar gʻalabasining va Franko diktaturasi oʻrnatilishining sabablari nimada edi?

### Mustaqil ish



Xaritadan Italiya tomonidan mustamlakaga aylantirilgan davlatlarni toping va tarixiy voqelik bilan bogʻlab izoh yozing.



Venn diagrammasi yordamida Italiya va Ispaniya tashqi siyosatidagi umumiylik va farqli jihatlarni tahlil qiling va daftaringizga yozing.

## 10-MAVZU. 1918–1939-YILLARDA LOTIN AMERIKASI MAMLAKATLARI

Janubiy Amerikada va Shimoliy Amerikaning janubiy qismida joylashgan davlatlar, shuningdek, Karib dengizidagi orollar Lotin Amerikasi mamlakatlari deb ataladi. Bu nom yevropaliklar bosqinidan keyin mahalliy aholi lotin tilidan kelib chiqqan ispan, portugal, fransuz tillarida soʻzlasha boshlaganlari uchun berilgan.



Lotin Amerikasi xalqlari tarkibida mavjud boʻlgan metis va mulat atamalariga ta'rif bering.

Bugun xalqaro hujjatlarda bu hudud «Lotin Amerikasi va Karib havzasi mamlakatlari» deb yuritiladi.

1920-yillarda mintaqadagi holat. Birinchi jahon urushi Lotin Amerikasi mamlakatlarida kapitalizm rivojlanishi jarayonini yanada jadallashtirdi.

Yevropadan keladigan tovarlar kapital oqimi vaqtincha kamaydi. hon bozorida mintaga mamlakatlarida ishlab chiqarilgan oziq-ovqat va xom ashyo mahsulotlarining narxi, xususan, Kuba shakarining narxi 11 marta oshdi. Bu kapitalning jamg'arilishi, mahalliy ishlab chiqarishning rivojlanishi, igtisodning nisbatan bargaror sur'atlar bilan o'sishi uchun imkoniyat yaratdi. Agroeksport, tog'-kon va yengil sanoat rivojlandi. tarmoglari iadal Ammo



Lotin Amerikasi mamlakatlari.

1920-yillar oxiriga kelib ekstensiv asosda iqtisodni samarali rivojlantirishning imkoniyatlari tugadi.

1920-yillarda Lotin Amerikasi mamlakatlari siyosiy jihatdan faqat nomigagina respublika edi. Aholining katta, ayniqsa, yirik iqtisodiy va madaniy markazlardan uzoqda joylashgan koʻpchilik qismi savodsiz yoki kamsavod boʻlib, saylovlarda qatnashmasdi va demokratik tuzum uchun ijtimoiy asos boʻla olmasdi.

1920-yillardagi liberal islohotchilik ancha oyoqqa Amerikasida turgan mahalliy burjuaziyaning, shuningdek, aholining keng gatlami manfaatlarini aks ettirardi. Shu sababli islohotchi hukumatlar ijtimoiy siyosatga katta ahamiyat qaratdi. Argentinada Ipolito Irigoven hukumatining faoliyati bu davr siyosatiga liberal-islohotchilik vorgin misol boʻlishi mumkin. Uning hukumati milliy sanoatning rivojlanishini ragʻbatlantirdi, neft sanoatini shakllantirdi. Qishloqda kuchli shakllandi. iiarachilarning gatlami ahvoli yaxshilandi. Irigoyen 8 soatlik ish kuni toʻgʻrisida qonun qabul qilinishiga erishdi. Ish haqi oshirildi, ishchi va xizmatchilarning katta qismi uchun pensiya belgilandi, o'smirlar



Ipolito Irigoyen.

va ayollar mehnati cheklandi. Irigoyen Argentinaning milliy suverenitetini qat'iy himoya qildi.

1930-yillarda Lotin Amerikasi. Igtisodda davlat rolining oshishi. 1929-1933-yillardagi jahon iqtisodiy inqirozi Lotin Amerikasi mamlakatlarida qaror topgan ijtimoiy-iqtisodiy tizimlarning salbiy tomonlarini, iqtisodning tashqi bozorga haddan tashqari qaramligining ogʻir oqibatlarini ochib tashladi. Inqiroz yillari Lotin Amerikasi mamlakatlarining an'anaviy mahsulotlariga jahon bozorida talab kamayib ketdi. Minglab plantatsiyalar, zavod va fabrikalar toʻxtab qoldi. O'z xaridorini topmagan millionlab tonna qahva, g'alla va boshqa qishloq xoʻjalik mahsulotlari yoʻq qilindi. Koʻplab ishlab chiqaruvchilar xonavayron boʻldi. Yuz minglab kishilar ishsiz qoldi. Mehnatkashlar, aholi oʻrta qatlamining umumiy yashash darajasi yomonlashdi. Iqtisodiy inqiroz mintaqadagi hukmron rejimlarni jamiyatdagi tayanchidan mahrum qildi, ijtimoiy beqarorlikning oʻsishiga, jiddiy siyosiy oʻzgarishlarga olib keldi. Ayni paytda, har bir mamlakatda voqealar turlicha rivojlandi.



Lotin Amerikasi mamlakatlari bu...
1920-yillar oxiri...
Argentinada Ipolito Irigoyen hukumatining faoli-yati...

Masalan, aynan shunday holat tufayli Argentinada 1930-yili harbiy toʻntarish amalga oshirilib, Ipolito Irigoyenning ikkinchi hukumati agʻdarib tashlandi, hokimiyatga konservator guruhlar qaytdi.

Braziliyada aksincha, inqiroz bu yerda hukmronlik qilayotgan «qahva oligarxiyasi»ning pozitsiyasini susaytirdi va bundan muxolifatchi burjua-millatchi doiralar foydalanib qoldi. 1930-yilgi burjua inqilobi oligarxiya rejimini agʻdarib tashladi.

Kolumbiyada ham shu yili konservativ oligarxiya rejimi oʻrniga liberal-islohotchilar keldi. Chili va Kubada ommaviy inqilobiy chiqishlar natijasida inqirozdan sal oldin hokimiyatga kelgan diktatorlik rejimlari agʻdarib tashlandi.



1929 – 1933-yillarda ... Braziliyada ... 1930-yilda ... Kolumbiyada ... Shu tariqa, 1930-yillarda Lotin Amerikasining siyosiy xaritasida koʻpincha bir-birini almashtirgan turli siyosiy rejimlar — boshqaruv shakli boʻyicha diktatorlik va konstitutsion, ijtimoiy mazmuni boʻyicha konservativ, liberalislohotchi, millatchi va soʻl kuchlar hukmronlik qilishda davom etdilar.

Bu davrda davlatning iqtisodiy faollashuvi Lotin Amerikasida kapitalistik taraqqiyot yoʻlidan ancha oldinlab ketgan Argentina, Meksika, Braziliya, Chili va Urugvay kabi davlatlar uchun xos jarayon edi. 1930-yillarda Lotin Amerikasi davlatlari iqtisodiy siyosatida yuz bergan oʻzgarishlar mahalliy ishlab chiqarishning oʻsishi va milliy kapitalning kuchayishiga olib keldi.

Lotin Amerikasi va AQSH munosabatlari. Jahon urushlari oraligʻida Lotin Amerikasi davlatlari uchun



Ishchilar qahvani okeanga tashlamoqda. Braziliya, 1932-yil.

muhim muammo ularning AQSH bilan munosabatlari boʻldi. Birinchi jahon urushi yillarida Lotin Amerikasiga Yevropa davlatlari e'tiborining susayishidan foydalangan AQSH kapitali Markaziy va Janubiy Amerikaga kirib keldi. AQSHga qarshi kayfiyatlarning avj olishidan xavfsirab va mintaqada oʻzining ta'sirini oshirish maqsadida 1933-yili AQSH prezidenti Franklin Ruzvelt oʻz hukumatining Lotin Amerikasi davlatlariga intervensiya uyushtirmasligini va boshqa koʻrinishda bu davlatlarning ichki ishlariga aralashmasligini hamda ular bilan «yaxshi qoʻshnichilik» munosabatlari oʻrnatishini e'lon qildi.

Lotin Amerikasi mamlakatlarida 1920-yillar oxiriga kelib iqtisodni ekstensiv asosda samarali rivojlantirishning imkoniyatlari tugadi.

1933-yilda AQSH prezidenti F. Ruzvelt oʻz hukumatining Lotin Amerikasi davlatlariga «yaxshi qoʻshnichilik» munosabatlari oʻrnatishini e'lon qildi.

Bu Lotin Amerikasiga nisbatan AQSH siyosatining oʻzgarganligini, ekspansiyaning yumshoqroq shakliga oʻtilganligini anglatdi va Amerika qit'asi davlatlari oʻrtasida oʻzaro munosabatlarning yaxshilanishida ijobiy qadam boʻldi.

**Plantatsiya** – maxsus qishloq xoʻjalik ekinlari yetishtiriladigan katta xoʻjalik.

**Diktatura** – hech qanday cheklovlarsiz, hukmron sinfning kuchiga tayanib ish yurituvchi hokimiyat.

**Ekspansiya** – bir davlatning oʻzga mamlakatlar hududi va bozorini egallab olish maqsadida oʻz siyosiy va iqtisodiy ta'sirini yoyishga qaratilgan siyosati.

# Mustahkamlash uchun savol va topshiriqlar

- 1. Birinchi jahon urushi Lotin Amerikasi mamlakatlari rivojiga qanday ta'sir koʻrsatdi?
- 2. 1920-yillarda Lotin Amerikasi mamlakatlarida qanday siyosiy tuzumlar shakllandi? Jamiyatda avtoritar va diktatorlik rejimlari uchun qanday asoslar mavjud edi?
- 3. 1920-yillarda Lotin Amerikasi mamlakatlarida oʻtkazilgan islohotchilik qanday yoʻnalishlarda olib borildi? Argentinadagi I. Irigoyen faoliyatiga baho bering.
- 4. 1929–1933-yillardagi jahon iqtisodiy inqirozi Lotin Amerikasi mamlakatlariga qanday ta'sir koʻrsatdi?
- 5. 1930-yillarda AQSHning Lotin Amerikasi mamlakatlariga nisbatan munosabatida qanday oʻzgarishlar yuz berdi?

# Mustaqil ish



Xaritadan foydalanib «Lotin Amerikasi va Karib havzasi mamlakatlari» nomlarini daftaringizga yozing hamda matnda mazkur davlatlar bilan bogʻliq voqelik mavjud boʻlsa izoh bering.



Konseptual jadval asosida Lotin Amerikasi mamlakatlarining rivojlanishidagi oʻziga xosliklarni tahlil eting.

#### 11-MAVZU. 1918–1939-YILLARDA YAPONIYA

**Iqtisodiy va siyosiy rivojlanishi.** XX asr boshlarida Yaponiya jahonning yetakchi davlatlariga qaram boʻlib qolmagan, nisbatan yuqori darajadagi iqtisodiy va harbiy rivojlanishga erishgan Osiyo mintaqasidagi yagona davlat edi.



Yaponiyada Meydzi islohoti qachon boʻlib oʻtdi?

Birinchi jahon urushining yakunlanishi Yaponiyada qator iqtisodiy muammolarni keltirib chiqardi. Bu muammolar, ayniqsa, oziq-ovqat mahsulotlarining qimmatlashuvi, oddiy kishilarning hayotiga katta ta'sir koʻrsatdi. Natijada norozilik kuchayib bordi.

1920-yillar oʻrtalariga kelib mamlakatda sanoat toʻntarishi yuz berdi. 1925-yili sanoat mahsulotlari ishlab chiqarish darajasi 1919-yilgi darajasidan oshib ketdi. Ishlab chiqarishni konsentratsiyalash jarayoni davom etdi. Monopolistik kapital xalq xoʻjaligining muhim sohalarini egallab ola boshladi. Ogʻir sanoatda «Mitsubisi» va «Sumitomo» konsernlari oʻz pozitsiyasini mustahkamlab oldi.

1929–1933-yillardagi jahon iqtisodiy inqirozi yapon iqtisodiyotiga katta zarar keltirdi: u tinchlik sharoitida rivojlanishga moslashmagan, hali juda kuchsiz edi. Ish haqining pastligi tufayli ichki bozor juda sust, tashqi bozorda esa yapon mahsulotlari sifatining pastligi tufayli ular raqobatbardosh emasdi.

Yaponiya hukumati inqirozdan chiqishning yoʻli sifatida iqtisodni militarizatsiyalash va tajovuzkorlikni tanladi. Yaponiya Xitoyni, Uzoq Sharqni, keyin esa butun Osiyoni bosib olishni, Tinch okeani havzasida oʻz hukmronligini oʻrnatishni rejalashtirayotgan edi.



Yaponiya.



Giiti Tanaka.

Ichki siyosiy munosabatlar 1920-yillarda yangi siyosiy partiyalarning paydo boʻlishi hamda saylovchilar sonini asta-sekin oshirib borgan qator islohotlar bilan xarakterlanadi. 1925-yildan sovet-vapon munosabatlari yoʻlga goʻyilib, bu iqtisodiy hamkorlikning rivojlanishida va vapon qo'shinlarining Shimoliy Saxalindan olib chiqib ketilishida aks etdi. 1920-yillar oxiriga kelib hukumatda harbiylarning roli kuchaydi va soʻl kuchlar quvgʻin ostiga olindi. Mamlakatda harbiylar, ayniqsa, «Yosh ofitserlar» deb ataluvchi radikal

kayfiyatdagi guruhlar ta'siri keskin kuchaydi. Ular ko'ppartiyali parlament tizimidan yoz kechishni, mamlakatda diktatura oʻrnatishni, tashqi siyosiy ekspansiyani kuchaytirishni talab qildilar. Hukumat boshlig'i **general Giti Tanaka** ham ular tomonida bo'ldi va bu 1920-yillar oxiri 1930-yillar boshlarida «Yosh ofitserlar» tomonidan bir qator siyosiy terrorlar amalga oshirilishiga va, hatto, 1932-yil mayda isyon koʻtarilishiga olib keldi. Isyon muvaffaqiyat qozonmadi, ammo Yaponiya «Yosh ofitserlar» ta'siri ostida bosqinchilik yoʻlidan jadal ketdi.



1925-yildan...

1920-yillar oʻrtalari... «Mitsubisi» va «Sumitomo»... 1932-yil may...

Yaponiyada shakllangan totalitar tizim oʻziga xos avtoritar-monarxistik shaklga ega edi. Osiyoda hukmronlik qilish uchun keng miqyosli urush sharoitida bu avtoritar-monarxistik rejim yangi jihatlar kasb etdi. Mamlakatning hukmron doiralari yangi siyosiy va iqtisodiy tizim yaratish siyosatini e'lon qildilar. «Yangi siyosiy tizim» deganda, jamiyat ustidan harbiy-davlat byurokratiyasining qattiq siyosiy nazorati tushunilar edi.

Shu tariqa, Yaponiyadagi hukmron rejim asta-sekin totalitar xarakter kasb etib bordi: parlament demokratiyasi belgilari bekor qilindi, iqtisod toʻliq davlat nazorati ostiga oʻtdi, yapon millatining buyukligi toʻgʻrisidagi gʻoyalar rejimning mafkuraviy tayanchi boʻlib xizmat qildi, aholining qoʻllab-quvvatlashini ta'minladi.

Tashqi siyosat. Yaponiyada shakllangan militaristik totalitar reiim uning tajovuzkor tashqi siyosatini belgilab berdi. Bu siyosat 1931-yili Xitoyning Manchjuriya provinsiyasining bosib olinishiga va bu veryaponlar tomonidan Manchiouda Go qoʻgʻirchoq davlatining tuzilishiga olib keldi. Millatlar Ligasi bu qoʻpol bosqinchilikka keskin qarshi chiqqanligi uchun Yaponiya 1933-yili bu



Yaponiya qoʻshinlarining Xitoyga bostirib kirishi.

tashkilotdan chiqdi. 1936-yil noyabrda Yaponiya va Germaniya antikomintern pakti deb ataluvchi hujjatni imzoladi va 1937-yili unga Italiya ham qoʻshildi. Shu tariqa **«Berlin – Rim – Tokio»** uchburchagi deb ataluvchi tajovuzkor davlatlar ittifoqi vujudga keldi. 1937-yil yozida yaponlar Xitoyga qarshi keng miqyosdagi urush harakatlarini boshlab yubordi. **1938-yili** general Fumimaro Konoe hukumati mamlakatning vazifasi Sharqiy Osiyoda yangi tartib oʻrnatish ekanligini e'lon qildi.



«Yangi siyosiy tizim»... 1931-yil... 1936-yil noyabrda... «Berlin-Rim-Tokio»...

1938-yil iyul—avgust oylarida SSSRning Uzoq Sharqdagi Hasan koʻli atrofida sovet-yapon chegara mojarosi keng koʻlamli urush harakatlariga aylanib ketdi. Shiddatli janglardan soʻng yaponlar SSSR hududidan quvib chiqarildi. 1939-yil mayda yaponlar Xalxin-Gol daryosi yonida Moʻgʻuliston hududiga bostirib kirdi. Sovet qoʻshinlari qoʻshni moʻgʻullarga yordamga keldi. 1939-yil sentabrgacha davom etgan urush miqyosi boʻyicha Hasan koʻli atrofidagi janglardan ancha yirik edi. Bu urush ham yaponlarning magʻlubiyati bilan tugadi. Shundan soʻng, 1941-yil 5-aprelda Yaponiya SSSR bilan neytralitet haqida paktni imzoladi.

Militarizatsiya – jamiyatning iqtisodiy, siyosiy va ijtimoiy hayotini harbiy maqsadlarga boʻysundirish.

Byurokratiya – xalqdan ajralib qolgan, hukmron guruh manfaatlarini himoya qiluvchi ma'muriyatchilik boshqaruv tizimi.

## Mustahkamlash uchun savol va topshiriqlar

- 1. Birinchi jahon urushi Yaponiya uchun qanday natijalar bilan yakunlandi?
- 2. Yaponiyadagi «Yosh ofitserlar» isyoni siyosiy rejim va tashqi siyosatda qanday oʻzgarishlarga olib keldi?
- 3. Yaponiyadagi totalitar rejimning oʻziga xos jihatlari nimalardan iborat edi?

- 4. Birinchi jahon urushi Yaponiyaning iqtisodiy rivojlanishiga, urushdan keyingi iqtisodiy inqirozga va 1920-yillar oʻrtalaridagi sanoat toʻntarishiga qanday ta'sir koʻrsatdi?
- 5. Nima uchun Yaponiya tashqi siyosatda tajovuzkorlik va Yevropadagi fashistik davlatlar bilan yaqinlashish yoʻlidan bordi?

# Mustaqil ish



Xaritadan Yaponiyaning Xitoyga qoʻshin kiritish yoʻnalishini aniqlang va izoh yozing.



Internet vositasida Yaponiyaga virtual sayohat uyushtiring va mavzuda oʻrganilgan materiallar asosida tarixiy voqeliklarni tahlil qiling.

#### 12-MAVZU. 1918–1939-YILLARDA XITOY VA HINDISTON

**Xitoy.** Birinchi jahon urushi yillarida Xitoy amalda Yaponiyaga toʻliq qaram boʻlib qoldi.

1919-yil Parij konferensiyasida Xitoy oʻz talablari bilan ishtirok etdi. Bu talablar yapon qoʻshinlari tomonidan Xitoy hududini bosib olishni toʻxtatish, Shandun orolini ozod qilish, Xitoyning suvereniteti va hududiy yaxlitligini tan olishdan iborat edi. Talablar Xitoy ilgari Gʻarb davlatlari bilan imzolashga majbur boʻlgan shartnomalarning ham bekor qilinishini nazarda tutardi. Gʻarb davlatlari bunga rozi boʻlmadi va Xitoyga rasman rad javobi berildi.



«Ixetuan» qoʻzgʻoloni qachon boʻlib oʻtgan va qanday shior ostida koʻtarilgan edi?

Bundan gʻazablangan xitoylik talabalar **1919-yil 4-may** kuni Pekinda namoyish boshladilar. Talabalar harakati butun Xitoyni larzaga soldi va juda katta ijobiy natijalarga olib keldi.



Sun Yatsen.

1920-yil iyulda Pekindagi hukumat agʻdarilib, hokimiyatga Buyuk Britaniya va AQSH tomonidan qoʻllab-quvvatlangan U Peyfu keldi. Natijada, 1921—1922-yillari Vashingtonda boʻlib oʻtgan konferensiyada barcha ishtirokchi davlatlar Xitoyning suvereniteti va hududiy yaxlitligini kafolatladi. Yakkalanib qolgan Yaponiya Shandun viloyatini Xitoyga qaytarishga majbur boʻldi. Umuman konferensiya Xitoyning xalqaro obroʻsi oshayotganligidan dalolat berdi.



Xitoy va Hindiston.

Xitoy inqilobini tashkil qilishda **Sun Yatsen**ning roli beqiyos. 1921-yili u Xitoy Respublikasi prezidenti lavozimiga saylandi. Biroq mamlakat shimoli va chet el davlatlari Sun Yatsenning hukumatini tan olmadilar. **1925-yil martda** Sun Yatsen vafot etgandan soʻng mamlakatni tinch yoʻl bilan birlashtirish imkoniyati yoʻqqa chiqdi.

1920-yillardagi «Buyuk milliy inqilob». 1925-yil bahorda shanxaylik burjuaziya, talabalar va ishchilar vakillari mamlakatdagi inglizlarga qarshi harakat boshladi. ingliz katga talabalarning tinch namoyishi politsiyachilari tomonidan oʻqqa tutilishi sabab bo'ldi. Bu vatanparvarlik harakati «30may harakati» nomini oldi va Xitovning suverenitetini tiklash shiori ostida o'tdi. Inqilobga **Gomindan** partiyasi (Milliy partiya) rahbarlik qildi. 1926-yili general **Chan** Kayshi boshchiligidagi Gomindan milliy hukumati Milliy inqilobiy armiyaning Shimolga vurishini boshladi. Bu vurish davrida Markaziy Xitoyning koʻplab provinsiyalari,



Chan Kayshi.

jumladan, Uxan, Nankin, Nanchan, Shanxay kabi yirik shaharlari gomindanchilar qoʻliga oʻtdi.



1919-yil 4 may... 1925-yil martda... 1920-vil ivulda... «30-may harakati»...

Shu davrda gomindanchilar bilan kommunistlar oʻrtasida lish yuz berdi. Mamlakatda real hokimiyatni qoʻlga olgan gomindanchilar inqilobni yakunlangan deb hisobladi, kommunistlar esa sotsializm qurish rejasini ilgari surdi. Ular 1931-vili Xitoyda Xitoy Sovet Respublikasini e'lon qildi va Mao Szedun uning raisi etib saylandi. Gomindan bilan kommunistlar oʻrtasidagi kurash yigirma yil davom etgan fuqarolar urushiga aylanib ketdi.

Yaponiya bosqini. Yaponlar 1931-yil sentabrda Xitoyga qarashli Manchjuriyaga bostirib kirdi, bir kunda barcha yirik shaharlarini egalladi. Bu hududni himoya qilgan Gomindan armiyasi mamlakat ichkarisiga uloqtirib tashlandi. Chan Kayshi hukumati Yaponiya ustidan shikoyat qilib Millatlar Ligasiga murojaat qildi, ammo xalqaro hamjamiyatning e'tibori uncha kuchli bo'lmadi. Birorta yirik davlat Yaponiya bilan janjallashishni istamadi.

1932-yil 1-martda yaponlar Manchjuriyada Manchjou-Go davlati tuzilganligini e'lon qildi.



1919-yil 4-mayda xitoylik talabalar Pekinda namoyish boshladilar.

1921-yilda Sun Yatsen Xitoy Respublikasi prezidenti lavozimiga saylandi.

1926-yilda general Chan Kayshi boshchiligidagi Gomindan milliy hukumati Milliy inqilobiy armiyaning Shimolga yurishini boshladi.

**Hindiston.** Inglizlarning mustamlaka hukumati Birinchi jahon urushi yillarida Hindistonga oʻzini oʻzi boshqarish huquqini va'da qilgan edi. Ammo hind xalqining umidi roʻyobga chiqmadi, Hindistonning maqomi oʻzgarmadi. Bu hol mustamlakachilikka qarshi kurashning yangi davrini boshlab berdi.



Hindiston Milliy Kongressi qachon tashkil qilingan edi?



Maxatma Gandi.

Shaharlarda zamonaviy madaniyat va sanoat jadal rivojlanayotgan boʻlsa-da, hind qishlogʻida kasta tizimi, qabilachilik va tabaqalarga boʻlish hukmron edi. Shunga qaramasdan, jahon urushlari oraligʻida Hindiston milliy ozodlik harakatining asosiy kuchini hind dehqonlari tashkil qildi. 1920—1940-yillarda hindlarning zoʻravonliklarsiz ommaviy chiqishlarini tashkil qilishda hind xalqining buyuk farzandi **Maxatma Gandining** roli beqiyos boʻldi. Jahon urushlari oraligʻida Gandi Hindiston Milliy kongressi (HMK) partiya-

sining gʻoyaviy rahbari, xalq harakatining yetakchisiga aylandi. U ishlab chiqqan zoʻravonliklarsiz qarshilik koʻrsatish taktikasi qurolli toʻqnashuvlardan, millionlab kishilarni oʻlimdan saqlab qoldi.

Milliy ozodlik kurashining, zoʻravonliklarsiz qarshilik koʻrsatishning «**Gandizm**» deb nomlangan bu usuli Hindiston an'analarini va dehqonlar psixologiyasini chuqur bilishga asoslangan. Bu usulda sabrtoqat va norozilik, konservatizm va inqilobchilik ajoyib bir tarzda uygʻunlashib ketgan edi. Gandizm dehqonlarni, hunarmandlarni, milliy

burjuaziyani birlashtirdi va qon to'kiladigan qurolli kurashlarsiz mustamlakachilarning Hindistonni tark etishini talab qildi.



Hind zodagoni oilasi. 1930-yillar.



Gandizm...

1920–1940-yillarda... Maxatma Gandi... Hindiston Milliy kongressi...

1939-yili Ikkinchi jahon urushi boshlanishi va Buyuk Britaniya Germaniyaga urush e'lon qilishi bilan Hindiston vitse-qiroli mamlakatni urush holatida deb e'lon gildi.



1920–1940-yillarda hindlarning zo'ravonliklarsiz ommaviy chiqishlarini tashkil qilishda hind xalqining buyuk farzandi Maxatma Gandining roli beaivos boʻldi.

1939-yili Ikkinchi jahon urushi boshlanishi va Buyuk Britaniya Germaniyaga urush e'lon qilishi bilan Hindiston vitse-giroli mamlakatni urush holatida deb e'lon gildi.



**Suverenitet** – davlatning ichki ishlar va tashqi siyosatdagi toʻliq mustaqilligi.

 ${f Provinsiya}$  — ba'zi davlatlarda ma'muriy birlik, viloyat.

**Konservatizm** – an'anaviy qadriyatlar, urf-odatlar, ijtimoiy va diniy tartiblar tarafdori boʻlgan siyosiy oqim.

# Mustahkamlash uchun savol va topshiriqlar

- 1. Birinchi jahon urushidan soʻng Xitoyda boshlangan talabalar harakatining sabablari nimada edi va u qanday natijalarga olib keldi?
- 2. 1920-yillardagi «Buyuk milliy inqilob»ning xarakteri va oʻziga xos jihatlarini ta'riflab bering.
- 3. Xitoyda fuqarolar urushining sabablari nimada edi? Nima uchun XX asrning birinchi yarmidagi Xitoy tarixi toʻxtovsiz urushlar davri deb ataladi?
- 4. Birinchi jahon urushidan soʻng Hindistonda mustamlakachilikka qarshi kurashning yangi davri boshlanishiga nima sabab boʻldi?
- 5. Zoʻravonliklarsiz mustaqillik uchun kurash va mustamlaka hukumati bilan hamkorlik qilmaslik harakati natijasida qanday natijalarga erishildi?
- 6. HMK Hindiston mustaqilligi uchun kurashda qanday yoʻnalishni egalladi?

# Mustaqil ish



Xaritadan 1918–1939-yillarda Xitoy tarixida asosiy oʻrin egallagan viloyatlarni toping va izoh yozing.

Maxatma Gandi tomonidan aytilgan quyidagi fikrni tahlil qiling va u qanday voqelikka munosabat bildirganini izohlang: «Men uyimning darvoza va eshiklarini mahkam berkitib oʻtira olmayman. Chunki unga toza havo kirib turishi kerak. Va shu barobarida, eshik va derazalarimdan kirayotgan havo dovul boʻlib, xonadonimni agʻdartoʻntar qilib, oʻzimni yiqitib tashlashini ham xohlamayman».

## 13-MAVZU. 1918-1939-YILLARDA TURKIYA VA ERON

Usmoniylar imperiyasi Germaniya va uning ittifoqchilari safida turib Birinchi jahon urushida qatnashdi va magʻlubiyatga uchradi. Imperiya hududi okkupatsiya qilindi. Antanta mamlakatlari Usmoniylar imperiyasiga qarashli yerlarni boʻlib olish rejasini tuza boshladilar. Imperiyaning oʻz hududidan tashqaridagi barcha yerlari anneksiya qilindi va 1919-yili Parij konferensiyasi qaroriga koʻra Millatlar Ligasining mandati ostiga oʻtdi. Gʻarb davlatlari Turkiyaning hududiga koʻz tika boshladi. 1920-yilgi Sevr shartnomasiga koʻra Turkiya hududi bir guruh Yevropa davlatlari oʻrtasida boʻlib olinishi koʻzda tutildi. Ularning surbetlarcha harakati turk xalqining gʻazabini oshirdi. Mamlakatda qarshilik harakati boshlandi. Harakatga **general Mustafo Kamol posho** rahbarlik qildi.



# Saljuqiylar davlati qaysi hududlarni oʻz ichiga oladi?

Gʻarb davlatlari tomonidan qoʻllab-quvatlangan Gretsiya armiyasi Turkiya hududiga kiritildi. Shu tariqa Turkiya-Gretsiya urushi boshlandi. Uzoq davom etgan janglardan soʻng **1922-yil oktabrga** kelib M. Kamol qoʻshinlari butun Turkiya hududini ozod qildi.

1922-yil 1-noyabr kuni Turkiya Buyuk Millat majlisi sulton hokimiyatini bekor qilish toʻgʻrisida qaror qabul qildi. Sulton Mexmed VI taxtdan agʻdarildi va mamlakatni tark etdi. 1923-yili Lozannada Buyuk Britaniya, Fransiya va boshqa bir qator davlatlar bilan M. Kamol hukumati imzolagan yakuniy shartnomaga koʻra, Turkiya oʻz suvereniteti va hududiy yaxlitligini saqlab qoldi.

1923-yil 29-oktabrda Turkiya respublika deb e'lon qilindi, M.Kamol respublika prezidenti etib saylandi. Mamlakatda uzoqni koʻzlab amalga oshirilgan islohotlar boshlandi.



Mustafo Kamol Otaturk.

Islohotlarning bosh maqsadi — mamlakatni modernizatsiya qilish deb e'lon qilindi. Bu Yevropa sivilizatsiyasining barcha taraqqiyparvar jihatlarini qabul qilish va ularni Turkiya sharoitiga moslashtirishni anglatar edi. Islohotlarning birinchi tamoyili dunyoviy-

lik, dinni davlatdan ajratish boʻldi. Arab alifbosidan voz kechib, lotin alifbosi joriy qilindi. Yevropacha nasab (familiya) kiritilib, Buyuk millat majlisi M. Kamolga rasman «**Otaturk**» (turklar otasi) degan nasabni berdi.



1920-yilgi Sevr shartnomasiga koʻra Turkiyaning taqsimlanishi.

1920-yillari iqtisodiy siyosatning asosiy yoʻnalishini chet ellik mulk-dorlardan sanoat korxonalari, infratuzilma obyektlari, temir yoʻllarni sotib olish, milliy sanoatni yaratish tashkil qildi.



**Tashqi siyosat.** Otaturk tashqi siyosatining asosiy vazifasi Turkiyaning xalqaro obroʻsini oshirishga qaratildi. **1932-yili** Millatlar Ligasi-

ga a'zo bo'lgan Turkiya barcha davlatlar bilan do'stona munosabatlar o'rnatishga harakat qildi.

M. Kamol Germaniya bilan munosabatlarga alohida e'tibor qaratdi. Turkiya tashqi savdosining katta qismi Germaniya hissasiga to'g'ri kelardi. **1941-yili** Germaniya bilan do'stlik shartnomasi imzolandi. Turkiya Ikkinchi jahon urushida rasman betaraf qolgan bo'lsa-da, hukmron doiralarning katta qismi Germaniyaga xayrixoh edi.

**Eron.** 1918-yil avgustga kelib ingliz qoʻshinlari butun Eronni oʻz nazoratiga oldi. 1919-yil imzolangan Angliya-Eron shartnomasiga binoan Eron amalda Buyuk Britaniyaning protektoratiga aylantirildi. Bu eronliklarning gʻazabini keltirdi. Butun mamlakatda tartibsizlik va qoʻzgʻolonlar boshlanib ketdi. Voqealarga armiya aralashib, 1921-yil fevralda kazaklar polki sardori polkovnik Rizoxon hukumatni agʻdarib tashladi. **1925-yilning dekabr** oyida chaqirilgan Ta'sis majlisi Rizoxonni **Pahlaviylar sulolasi**ning shohi deb e'lon qildi.



Turkmanchoy shartnomasi qachon imzolangan va uning mohiyati nimadan iborat?

M. Kamoldan oʻrnak olib shoh Eronda 1928-yildan yevropacha libos joriy qildi, feodal unvon va murojaat shakllari bekor qilindi, nasab joriy qilindi. 1935-yildan mamlakatning nomi oʻzgartirildi: ilgarigi Fors oʻrniga Eron deb ataladigan boʻldi. Xotin-qizlarning huquqlari toʻgʻrisida qonun qabul qilindi, ular maktablarda, oliy oʻquv yurtlarida oʻqish, davlat tashkilotlarida ishlash huquqiga ega boʻldi. 1935-yili chodra oʻrab yurishni bekor qilish toʻgʻrisida qonun qabul qilindi.

Ta'lim sohasida katta oʻzgarishlar yuz berdi. 1927—1934-yillardagi islohotlar davrida bepul majburiy boshlangʻich ta'lim hamda pullik oʻrta va oliy ta'lim toʻgʻrisida qonunlar qabul qilindi. Yangi maktablar qurilib, oʻquvchilar soni bir necha barobar oshdi. Oliy oʻquv yurtlarining butun boshli tizimi yaratildi, jumladan, Tehron universiteti ochildi. Yuzlab eronlik yoshlar har yili chet ellarga, dunyoning eng yaxshi universitetlariga oʻqishga joʻnatildi.

Agrar siyosatda Rizo shoh keskin oʻzgarishlar qilmadi. Qabila boshliqlari va boshqa yer egalaridan yer-mulklari, jumladan, vaqf yerlari tortib olinib, mulozimlar va zobitlarga boʻlib berildi. Ammo dehqonlarning ahvoli oʻzgarmadi, ular avvalgiday juda yuqori ijara haqi toʻlayverdi.



Eron. 1930-yillar.



1928-yilda... Tehron universiteti... 1935-yilda... 1927–1934-yillarda...

Hukumat sanoat sektorining rivojlanishini ham ragʻbatlantirdi. Mamlakatga mashina va uskunalarni litsenziyasiz olib kelishga ruxsat etildi, boj soligʻida imtiyozlar berildi. Mamlakatda inglizlarning ta'sirini kamaytirish maqsadida shoh Germaniya bilan hamkorlikni kuchaytirdi. Eronga koʻplab nemis mutaxassislari va texnikasi kirib keldi.

**Tashqi siyosat.** Shoh tashqi siyosati SSSR bilan Gʻarb davlatlari oʻrtasidagi ziddiyatlarni hisobga olib, ustalik bilan oʻz manfaatlarini saqlab qolishga qaratildi.



1923-yil 29-oktabrda Turkiya Respublika deb e'lon qilindi.

1922-yil oktabrga kelib M. Kamol qoʻshinlari butun Turkiya hududini ozod qildi.

Eronda 1927–1934-yillardagi islohotlar davrida bepul majburiy boshlangʻich ta'lim hamda pullik oʻrta va oliy ta'lim toʻgʻrisida qonunlar qabul qilindi.

SSSR Ikkinchi jahon urushiga qoʻshilgandan soʻng 1941-yil avgustda sovet va ingliz qoʻshinlari Eronga kiritildi. Taxtga kelgan Muhammad Rizo Pahlaviy 1942-yili SSSR va Buyuk Britaniya bilan shartnoma imzoladi. Butun mamlakat hududi urush davrida sovetlar va inglizlar ixtiyoriga oʻtdi.



**Anneksiya** – bir davlat hududining yoki bir qismining boshqa davlatga zoʻrlik bilan qoʻshib olinishi.

Modernizatsiya – ishlab chiqarish, texnika, texnologik jarayon kabilarni zamonaviy talablarga moslash, yangilash jarayoni.

**Infratuzilma** – jamiyat yoki uning biron-bir sohasi faoliyatini ta'minlovchi muassasa, boshqaruv tizimi, aloqa vositalari va shu kabilar majmuyi.

**Polk** – harbiy qism.

**Chodra** – bir qator musulmon mamlakatlarida ayollar yopinib yuradigan diniy libos.

**Sektor** – iqtisodiyotning umumiy tavsifi, maqsadlari va vazifalari bir-biriga yaqin sohalardan iborat boʻlgan yirik qismi.

**Litsenziya** — ma'lum muddatga belgilangan faoliyat turi bilan shugʻullanish uchun beriladigan huquqni tasdiqlovchi rasmiy hujjat.

# Mustahkamlash uchun savol va topshiriqlar

- 1. Birinchi jahon urushining yakuni Turkiya uchun qanday oqibatlarga olib keldi?
- 2. Mustafo Kamolning hokimiyatga kelishi Turkiyaning tarixiy taqdirida qanday rol oʻynadi?
- 3. Mustafo Kamol Otaturk islohotlarining asosiy maqsadi nimadan iborat edi? Otaturk tashqi siyosatda qanday asosiy maqsadlarni koʻzlab harakat qildi?
- 4. Shoh Rizo Pahlaviy islohotlari Eronni zamonaviy davlatga aylantirishda qanday rol oʻynadi?
- 5. Eronning tashqi siyosatida SSSR bilan munosabatlar qanday oʻrin egallaydi?
- 6. Turkiya va Eronda amalga oshirilgan islohotlar haqida gapirib bering.

### Mustaqil ish



Xaritadan foydalanib 1918–1939-yillarda Turkiya va Eron tarixidagi voqealar xronologiyasini tuzing.



Turkiya va Eronda amalga oshirilgan islohotlar bilan 1930-yillarda Oʻzbekistonda oʻtkazilgan islohotlarni taqqoslang. Oʻxshash va farqli jihatlarini Venn diagrammasida aks ettiring.

#### 14-MAVZU. 1918-1939-YILLARDA AFRIKA MAMLAKATLARI

Afrika qit'asini keng ma'noda ikkita mintaqaga bo'lish mumkin: Shimoliy va Tropik Afrika. Afrika qit'asining shimoliy qismi arabislom sivilizatsiyasining bir qismiga aylandi. Bu hudud doim Yaqin Sharqqa intilib yashaydi va shu bilan Afrikaning qolgan qismidan farq qiladi. Shimoliy Afrikada Misr, Jazoir, Tunis, Marokash, Liviya joylashgan.



Afrikada joylashgan qaysi qadimgi davlatlarni bilasiz?

**Misr.** 1922-yili Buyuk Britaniya Misr ustidan oʻz protektoratini bekor qilib, uning toʻliq mustaqilligini tan oldi. **1923-yili** qabul qilingan konstitutsiyaga koʻra, Misr monarxiya deb e'lon qilindi.

1941-yili Misr hududiga Germaniya va İtaliya qoʻshinlari kiritildi. Jazoir, Tunis va Marokash Fransiyaning mustamlakalari boʻlib, Birinchi jahon urushidan keyin ham shu holat saqlanib qoldi. Jahon urushlari oraligʻida Jazoirda — Farhod Abbos, Tunisda — Habib Burgʻiba, Marokashda — Abdul Karim boshchiligida milliy-ozodlik harakatlari avj oldi. Bu harakatlar gʻalaba qozonmagan boʻlsa-da, mintaqadagi arab xalqlari milliy va siyosiy ongining oʻsishida katta rol oʻynadi.



Shimoliy Afrika va Yaqin Sharq xaritasi.

Ikkinchi jahon urushi yillarida koʻplab musulmonlar Fransiyani qoʻllab-quvvatladi, fransuz armiyasi safiga kirdi. 1940-yili Fransiya magʻlubiyatga uchragandan soʻng Jazoir va Tunis Germaniya va Italiyaning xomashyo bazasiga aylantirildi.

Liviya. Birinchi jahon urushidan keyin Italiya Liviyaga koʻp ming kishilik qoʻshin kiritdi. Liviya qarshilik harakati otryadlari Italiya qoʻshinlariga qarshi kurash olib bordi. 1931-yili qarshilik harakati bostirilib, uning rahbarlari qatl qilindi. Liviya Italiyaning mustamlakasiga aylantirildi.

Ikkinchi jahon urushi yillari Italiya Liviyaning qulay strategik joylashuvidan foydalandi: portlar, aerodromlar, yoʻllar qurildi. Mamlakat hududi urush harakatlari maydoniga aylandi.



1922-yil fevralda... 1931-yil Liviyada... Milliy-ozodlik harakatlari yetakchilari...

**Tropik Afrika.** Yaqingacha koʻpchilik yevropaliklar Afrika tarixini nazar-pisand qilmasdan, bu tarix umuman boʻlmagan deb hisoblardi. XX asrning boshlarigacha Afrika tarixi yevropaliklar nazarida faqat qul savdosi va iqtisodiy talonchilik bilan bogʻliq edi. **1926-yili** Millatlar Ligasi tomonidan qabul qilingan **«Qullik haqida»** konvensiyada qullik va qul savdosiga ta'rif berilib, ular qoralandi.



Afrikaning Yevropa davlatlari tomonidan boʻlib olinishi.

Birinchi jahon urushidan soʻng Afrikaning janubiy va markaziy qismida joylashgan hududlar Buyuk Britaniyaga qarashli boʻlib, uning mustamlakalarida Afrika umumiy aholisining katta qismi istiqomat qilardi.

Fransiya Afrika qit'asining katta hududini egallab olgan boʻlsada, Fransiya mustamlakalarining asosiy qismi Gʻarbiy va Ekvatorial Afrikada joylashgan va ancha qismi Sahroyi Kabirga toʻgʻri kelardi.

Qolgan hududlarni Belgiya, Portugaliya, Ispaniya va Italiya oʻzaro boʻlishib olgandilar.

Afrikada metropoliyalar siyosatining oʻziga xos tomonlari. Birinchi jahon urushidan soʻng Afrikada infratuzilma obyektlari: temiryoʻllar, bandargohlar, aloqa tizimi, shuningdek, Yevropa tipidagi ma'muriy tashkilotlar, maktablar, kasalxonalar qurildi. Missionerlik faoliyati orqali xristian dini tarqaldi. Natijada Afrikani modernizatsiyalash uchun intilishlar paydo boʻldi, an'anaviy jamiyatga yevropacha unsurlar kirib bordi.

Iqtisodda aholining katta qismi avvalgiday an'anaviy usulda kun kechirish bilan band edi, qishloq xo'jaligi ibtidoiy usulda olib borilardi, bir qism aholi hunarmandchilik, ovchilik bilan band bo'lib, muntazam mehnat qilish malakasiga ega emasdi.

Ijtimoiy sohada eski tuzum (katta oila, urugʻ, jamoa, qabila), qabila va jamoa boshliqlarining avvalgi Iyerarxiyasi, urugʻlar va qabilalar oʻrtasidagi munosabatlarning murakkab tizimi, qulchilik saqlanib qoldi. Jamiyatda mahalliy tabib va kohinlarning obroʻsi hali ham juda yuqori edi.

Siyosiy sohada, hatto, yangi siyosiy institutlar paydo boʻlgan joylarda ham ular eski siyosiy tizim asosiga qurildi, ularda qabila boshliqlari, kohinlar va shu kabilar asosiy rol oʻynadi.

Madaniy sohadagi muvaffaqiyatlar koʻpincha faqat tashqi koʻrinish edi, xolos: xristianlik rasmiyat uchun qabul qilindi, mahalliy aholining ongi va xulqida avvalgiday an'anaviy madaniyat va ibtidoiy tasavvurlar hukmron boʻlib qolaverdi.



# 1926-yilda... 1940-yilda... Afrikada infratuzilma obyektlari...

1920-yili Afrikada birinchi siyosiy partiya — Afrika Milliy kongressi (AMK) tashkil topdi. Shundan soʻng qit'aning barcha hududlarida partiyalar va kasaba uyushmalariga oʻxshash tashkilotlar paydo boʻladi.

Afrika xalqlarining siyosiy faollashuvida Panafrika kongresslari katta rol oʻynadi. Panafrika harakati mahalliy aholining irqiy kamsitilishiga chek qoʻyish, tan jazosini va majburiy mehnatni bekor qilish kabi talablarni ilgari surdilar. Bu davrda Panafrika harakatining koʻzga koʻringan arboblari, panafrikanizmning «ota»lari Uilyam Dyubua va Markus Garvi edi.



Uilyam Dyubua.



1926-yili Millatlar Ligasi tomonidan «Qullik haqida» konvensiya qabul qilindi.

1920-yili Afrika Milliy kongressi (AMK) tashkil topdi.



Markus Garvi.

1930-yillarning ikkinchi yarmidan Afrikada iqtisodiy rivojlanish sur'atlari jadallashdi. Ayni paytda mahalliy aholini majburiy mehnatga jalb qilish tartibga solindi.

1939-yili Ikkinchi jahon urushi boshlanishi bilan urush ishtirokchilarining rejalarida Afrika muhim strategik ahamiyat kasb etdi. Yuz minglab afrikaliklar Shimoliy Afrika, Gʻarbiy Yevropa va boshqa hududlardagi urush harakatla-

rida qatnashdi. Afrikaliklardan tashkil qilingan milliy harbiy qismlar keyinchalik mustaqillik uchun kurashda muhim rol oʻynadi.



**Sivilizatsiya** – ijtimoiy taraqqiyot va moddiy madaniyat darajasining ma'lum bir ijtimoiy-siyosiy tizimga xos boʻlgan bosqichi.

**Konvensiya** – alohida masala boʻyicha xalqaro kelishuv, xalqaro shartnoma turi.

**Missionerlik** – oʻzga din vakillari orasida xristian dinini targʻib qilishga yoʻnaltirilgan faoliyat.

**Iyerarxiya** – pastdan yuqoriga qarab amal pillapoyasi boʻyicha boʻysunish tartibi.

# Mustahkamlash uchun savol va topshiriqlar

- 1. XX asr boshlarida Afrika xalqlari tarixi haqida nimalarni bilasiz?
- 2. 1926-yili Millatlar Ligasi tomonidan qanday mazmundagi konvensiya qabul qilingan?

- 3. Birinchi jahon urushi arafasida Afrika qit'asi, asosan, qaysi davlatlar oʻrtasida boʻlib olingan edi?
- 4. Yevropaliklar kirib kelishi bilan Afrikada modernizatsiyalash tendensiyalarining paydo boʻlishi nimalarda namoyon boʻldi?
- 5. Aholi orasida an'anaviylik qoldiqlarining kuchliligi iqtisodiy, ijtimoiy va siyosiy sohalarda qanday namoyon boʻldi?
- 6. Afrika Milliy kongressi va Panafrika harakati haqida nimalar bilasiz?

## Mustaqil ish



Xaritadan foydalanib Afrikaning Yevropa davlatlari tomonidan bosib olinishini tahlil qiling va ma'lumotlarni daftaringizga qayd eting.



Mavzu matnini oʻqish jarayonida Sizga notanish boʻlgan soʻzlarni daftaringizga yozing hamda lugʻatlar yordamida tushunchalarni tahlil qiling.

## 15–16-MAVZULAR. IKKINCHI JAHON URUSHI VA UNING YAKUNLARI

Germaniyada fashistlarning hokimiyatga kelishi va xalqaro munosabatlar. 1933-yil yanvarda Germaniyada A. Gitler boshchiligidagi natsional-sotsialistik ishchi partiyasi hokimiyatga keldi. U Germaniyaning Birinchi jahon urushidagi magʻlubiyati uchun oʻch olishni oʻz oldiga maqsad qilib qoʻygan urush partiyasi edi.



Birinchi va Ikkinchi jahon urushlarini keltirib chiqargan umumiy jihatlar nimalardan iborat?

1938-yilgi Myunxen kelishuvi. Avstriya anshlyus qilingandan soʻng Germaniya Chexoslovakiyani bosib olishga tayyorlana boshladi. Chexoslovakiyaning Sudet viloyati aholisining koʻpchiligini nemis mil-

latiga mansub kishilar tashkil qilardi. Gitler bu viloyatning Chexoslovakiyadan Germaniyaga oʻtkazilishini talab qildi.

Buyuk Britaniya va Fransiya bosimi ostida Chexoslovakiya hukumati Germaniyaning talabini bajarishga majbur boʻldi. Chexoslovakiyaning kapitulatsiyasi **1938-yil 29-sentabr** kuni Myunxenda rasmiylashtirildi.



Yevropa davlatlari chegarasi. 1939-yil 1-sentabr holati.

Myunxen kelishuvidan keyin ikkita frontda urush olib borishni istamagan SSSR bilan Germaniya manfaatlari vaqtincha mos tushdi. Bu **1939-yil 23-avgustda** 10 yil muddatga oʻzaro urush qilmaslik

toʻgʻrisida Sovet-German paktining (Molotov-Ribbentrop pakti) imzolanishiga olib keldi.

**Ikkinchi jahon urushining boshlanishi. 1939-yil 1-sentabr** kuni Germaniyaning Polshaga bostirib kirishi bilan Ikkinchi jahon urushi boshlandi va **1945-yil 2-sentabrgacha** davom etdi. Polshaga yordam berishni va'da qilgan Buyuk Britaniya va Fransiya 3-sentabr kuni Germaniyaga urush e'lon qildi.

Sovet rahbarlari paytdan foydalanib qoldi. **1939-yil 17-sentabr** kuni Polshaga sovet qoʻshinlari kiritildi. Germaniya bilan SSSR oʻrtasida doʻstlik shartnomasi imzolanib, unda Polsha davlati siyosiy xaritadan butunlay oʻchirib tashlandi.

1939–1940-yillarda sovet – fin urushi boʻlib oʻtdi. Sovetlar juda katta yoʻqotishlar evaziga Kareliyani Viborg shahri bilan birga SSSR tarkibiga qoʻshib oldi. Ammo tezkor gʻalaba qi-



Nemis bombardimonidan yashiringan sovet bolalari. 1941-yil, iyul.

lish va Finlandiyani qaram davlatga aylantirish rejasi amalga oshmadi. SSSR tajovuzkor davlat sifatida Millatlar Ligasi tarkibidan chiqarildi. **1940-yil martda** SSSR Finlandiya bilan sulh tuzishga majbur boʻldi.

**1940-yil sentabrda** Germaniya, Yaponiya va Italiya oʻrtasida harbiy hamkorlik toʻgʻrisida kelishuv—Uchlar pakti imzolandi. Tez orada bu paktga Vengriya, Ruminiya, Slovakiya va Bolgariya ham qoʻshildi.

Germaniyaning SSSRga bostirib kirishi. Germaniya bilan SSSR oʻrtasidagi urush muqarrar boʻlib, Gʻarbiy Yevropaning egallanishini

Gitler oʻzining asosiy rejasi — Sharqqa yurish uchun tayyorgarlik sifatida qarayotgan edi. Gitler SSSRni shiddat bilan tor-mor qilishni koʻzda tutgan «Barbarossa» rejasini tasdiqladi.

1941-yili 22-iyunda Germaniya SSSRga bostirib kirdi. Germaniyaning hujumi SSSR uchun kutilmaganda yuz berganligi I. Stalinning eng yirik xatolaridan biri boʻldi.

Urushning toʻsatdan boshlanishi shunga olib keldiki, sovet aviatsiya-



Antigitler koalitsiya. Urush davri plakati.

sining katta qismi havoga koʻtarilishga ulgurmasdan aerodromlarda yoʻq qilindi, qoʻshinni boshqarish va ta'minlash tizimi izdan chiqdi.



Ikkinchi jahon urushining sabablari va bahonalari...
1933-yil yanvarda...
1938-yil 29-sentabr...
1939-yil 23-avgustda...
1939-jil 1-sentabr...
1940-yil martda...
1940-yil sentabrda...
1941-yil 22-iyunda...

Antigitler koalitsiyaning tuzilishi. Germaniya SSSRga hujum boshlashi bilan Buyuk Britaniya bosh vaziri U. Cherchill va AQSH prezidenti F.D. Ruzvelt sovetlar bilan birdamligini e'lon qildi.

1941-yil avgustda AQSH va Buyuk Britaniya urush payti va undan keyingi hamkorlik tamoyillari toʻgʻrisida deklaratsiyani — **Atlantik xartiyani** imzoladi. Bu hujjatni imzolagan tomonlar hududiy va boshqa boyliklarni egallab olishga intilmaslik, xalqlarning oʻz boshqaruv shaklini erkin tanlash huquqini hurmat qilish, zoʻravonlik yoʻli bilan suverenitetidan mahrum qilingan xalqlarning oʻz huquqlarini tiklashga intilishini qoʻllab-quvvatlash majburiyatini oʻz zimmasiga oldilar. **1941-yil sentabrda** SSSR Atlantik xartiyaning asosiy tamoyillarini qabul qildi.

Tinch okeanida Yaponiya boshlagan jangovar harakatlar AQSHning urushga qoʻshilishini va antigitler koalitsiyaning batamom shakllanishini tezlashtirdi.

1941-yil dekabrda AQSHning urushga qoʻshilishi bilan antifashistik koalitsiya tashkiliy jihatdan rasmiylashtirildi. Koalitsiya a'zolari va Uchlar ittifoqiga qarshi urushayotgan boshqa davlatlar hukumatlari Deklaratsiya imzoladilar. Unda dushman ustidan gʻalabaga erishish uchun



Frontga kuzatish. Rossiya.

barcha imkoniyatlarni safarbar qilish, separat sulh tuzmaslik majburiyatlari yuklandi, urushdan keyin dunyo tartibi Atlantik xartiya tamoyillari asosida oʻrnatilishi belgilab qoʻyildi.

**Urushning borishi.** AQSH urushga qoʻshilishi bilan antigitler koalitsiya davlatlari moddiy va insoniy resurslarda soʻzsiz ustunlikka erishdi. Biroq, urushning borishida burilish birdaniga

yuz bermadi. 1941-yil dekabrda nemis qoʻshinlari Moskva ostonalarida jangni boy berdi va urushdagi dastlabki jiddiy magʻlubiyatga uchradilar. Ammo ularning hujumkorlik ruhi hali sindirilmagan edi. **1942-yil bahor-kuzida** nemis qoʻshinlari Volga daryosiga va Shimoliy Kavkazga chiqdilar. Afrikada German — Italyan qoʻshinlari hamon Misrga xavf solib turardi, Yaponiya Malayziya, Birma, Filippin, Indoneziyani bosib oldi, yapon qoʻshinlari Hindiston va Avstraliya boʻsagʻasida turardi.

1942-yil noyabrda sovet qoʻshinlari Stalingrad ostonalarida qarshi hujumga oʻtib, Volgaga chiqqan German qoʻshinlarining katta guruhi — 22 ta diviziyasini qurshab oldi va tor-mor qildi. 1943-yil fevralda qurshovdagi nemis qoʻshinlari taslim boʻldi.



U. Cherchill, F. Ruzvelt, I. Stalin. Qrim (Yalta) konferensiyasida. 1945-yil, fevral (chapdan).

Stalingrad ostonalaridagi magʻlubiyat Uchlar ittifoqi davlatlari uchun halokatli boʻldi. Germaniya oʻz armiyasining jangovar qobiliyatini tik-

lash uchun yalpi safarbarlik e'lon qildi. Germaniyaning zaxiradagi barcha qoʻshinlari Sharqiy frontga jalb qilindi, natijada ittifoqchilar 1943-yil may oyida Italyan – German qoʻshinlarini Afrikadan toʻliq quvib chiqishga erishdilar.

1944-yili Sovet Ittifoqi oʻz hududini toʻliq ozod qildi, sovet qoʻshinlari Sharqiy Yevropaga kirib keldi. 1944-yili ittifoqchilar Fransiyaning shimoli-gʻarbiga qoʻshin tushirib, Fransiya va Belgiyani ozod qildi. Urush Germaniyaning oʻz hududlariga yetib keldi.

Fashizmga qarshi kurashda Italyan — German qoʻshinlari tomonidan zabt etilgan hududlardagi milliy-vatanparvar kuchlari — general de Goll boshchiligidagi «Ozod Fransiya» Qarshilik harakati, **I.B. Tito** boshchiligidagi Yugoslaviyaning ozodlik harakati katta rol oʻynadi.

Urush yillari gitlerchilarga qarshi koalitsiya davlatlarining oʻzaro munosabatlariga oid asosiy masalalar SSSR, AQSH va Buyuk Britaniya liderlarining uchrashuvlarida hal qilindi. Urush davomida shunday uchrashuvlar uchta—Tehronda (1943), Qrim (Yalta)da (1945-yil, fevral), Potsdamda (1945-yil, iyul-avgust) boʻlib oʻtdi.

Germaniyaning taslim boʻlishi. 1945-yil 16-apreldan 2-maygacha Berlin operatsiyasi amalga oshirilib, shu vaqt ichida Uchinchi reyxning poytaxti oʻrab olindi va shturm bilan zabt etildi. Reyxstag ustida sovetlarning qizil bayrogʻi oʻrnatildi.

1945-yil 8-may kuni Oliy bosh qoʻmondon oʻrinbosari G.K. Jukov Sovet Ittifoqi nomidan Germaniyaning soʻzsiz taslim boʻlganligi toʻgʻrisidagi aktni imzoladi. **9-may SSSRda «Gʻalaba kuni»** deb e'lon qilindi.

Urush yillari SSSR tarkibida boʻlgan Oʻzbekiston ham fashizmga qarshi kurashda faol ishtirok etdi. Harbiy xizmatga chaqirilganlarning bir qismi halok boʻldi, oʻn minglab kishilar bedarak yoʻqoldi, nogiron boʻlib qaytdi. Frontda qahramonlik koʻrsatgan yuzlab oʻzbekistonliklar Sovet Ittifoqi Qahramoni unvoniga, orden va medallarga sazovor boʻldilar. Urush yillari front oldi hududlaridan 1 mln. dan oshiq kishi Oʻzbekistonga evakuatsiya qilindi, shundan 200 mingdan oshigʻi bolalar edi. Ular oʻzbek oilalarida boshpana va mehr topdi. Bundan tashqari, SSSRning frontga yaqin hududlaridan bir qancha sanoat korxonalari Oʻzbekistonga koʻchirib keltirildi. Ular front uchun harbiy mahsulotlar yetkazib berdi. Urush yillari oʻzbek xalqi juda katta matonat namunasini koʻrsatdi.



Atlantik xartiya... 1941-yil dekabrda... 1942-yil bahor-kuzida... 1943-yil may... 1945-yil 16-apreldan 2-maygacha... 1945-yil 8-may...

Yaponiyaning tor-mor qilinishi. 1945-yil 6 avgust kuni AQSH Yaponiyaning Xirosima va 9 avgust kuni Nagasaki shaharlariga atom bombalarini tashladi. Atom bombalari portlashi natijasida, asosan, tinch aholi halok boʻldi.

1945-yil Sovet Ittifoqi Yaponiyaga qarshi urushga kirdi. **1945-yil 2-sentabr** kuni Yaponiya soʻzsiz taslim boʻlish toʻgʻrisidagi paktni imzoladi. **Ikkinchi jahon urushi tugadi.** Asosini fashistik Germaniya, Italiya va militaristik Yaponiya tashkil qilgan tajovuzkor davlatlar bloki tor-mor qilindi.

**Ikkinchi jahon urushining oqibatlari.** Ikkinchi jahon urushi qariyb olti yil davom etdi va insoniyatga juda katta kulfatlar keltirdi. 110 mln. kishi urushga safarbar qilindi. 60–65 mln. kishi halok boʻldi, ular orasida harbiy xizmatchilar bilan birga millionlab tinch aholi ham bor edi.



Fashist jinoyatchilari Nyurnberg sud jarayonida.

Birlashgan Millatlar Tashkilotining tuzilishi. Antifashist koalitsiya davlatlari urushdan keyingi dunyo tuzilishi tamoyillari toʻgʻrisidagi oʻz qarashlarini Birlashgan Millatlar Tashkiloti (BMT) Ustavida bayon qildilar. BMT Ustavi koʻplab xalqlar kurashining mazmuniga aylangan va Yer yuzidagi barcha xalqlarning tinchlik va tenglikda yashash tamoyillari boʻlgan umuminsoniy qadriyatlarni e'lon qildi.

Nyurnberg va Tokio sud jarayonlari. Germaniyaning Nyurnberg shahrida 1945-yil noyabrdan 1946-yil oktabrgacha fashist rahbarlari ustidan sud jarayoni boʻlib oʻtdi. Unda Germaniyaning asosiy siyosiy va harbiy rahbarlari jazoga hukm qilindi. Tribunal natsistlar partiyasining rahbariyatini, SS, SD kabi hujumkor otryadlarni va gestaponi (siyosiy politsiya) jinoyatchi tashkilotlar deb e'lon qildi.

1946-yil maydan 1948-yil noyabrgacha Yaponiya poytaxti Tokio shahrida yapon agressiyasidan aziyat chekkan davlatlar vakillaridan tashkil topgan Xalqaro harbiy tribunal urushda aybdor deb topilgan yapon harbiy jinoyatchilari ustidan hukm chiqardi.

1940-yil sentabrda Germaniya, Yaponiya va Italiya oʻrtasida harbiy hamkorlik toʻgʻrisida kelishuv – Uchlar pakti imzolandi.

1945-yil 2-sentabr kuni Yaponiyaning soʻzsiz taslim boʻlish toʻgʻrisidagi paktni imzolanishi bilan Ikkinchi jahon urushi tugadi.

Germaniyaning Nyurnberg shahrida 1945-yil noyabrdan 1946-yil oktabrgacha fashist rahbarlari ustidan sud jarayoni boʻlib oʻtdi.

Nyurnberg va Tokio sud jarayonlari tajovuzkorlik, urushlar hamda tinchlik va insoniylikka qarshi boshqa jinoyatlarda aybdor boʻlgan bosh harbiy jinoyatchilar ustidan oʻtkazilgan tarixda birinchi sud jarayoni boʻldi. Tajovuzni, harbiy jinoyatlarni, tinch aholiga nisbatan terrorni qoralagan sud qarorlari faqat bosh harbiy jinoyatchilarni jazolab qolmasdan, xalqaro huquqning ham muhim manbayiga aylandi. Tarixda birinchi marta davlat, hukumat yoki armiya boshligʻi maqomi kishilarni jinoiy javobgarlikdan ozod qilmasligi xalqaro miqyosda tan olindi.



**Kapitulatsiya** – urushayotgan tomonlardan birining urush harakatlarini, qurolli qarshilik koʻrsatishni davom ettirishdan voz kechishi.

**Koalitsiya** – umumiy maqsadga erishish uchun ayrim shaxslar, siyosiy partiyalar, davlatlar oʻrtasida tuziladigan ittifoq.

**Xartiya** – majburiy kuchga ega boʻlmagan xalqaro aktning umumiy qoidalari va maqsadlarini ifodalaydigan hujjat.

**Deklaratsiya** – qandaydir muhim ma'lumotlar bayon qilingan ayrim rasmiy hujjatlarning nomlanishi.

Diviziya – yirik harbiy qism.

**Evakuatsiya** – urush harakatlari boʻlayotgan hududdan odamlar, muassasalar, korxonalar va boshqalarning urush boʻlmayotgan xavfsiz hududlarga koʻchirilishi.

**Gestapo** – davlat maxfiy politsiyasi; fashistlar Germaniyasida oʻzgacha fikrlovchilarga qarshi kurashish uchun tuzilgan kuch ishlatuvchi tashkilot.

Tribunal – favqulodda, koʻpchilik hollarda harbiy sud.

**Anshlyus** – qoʻshib olish, ittifoq. Avstriyaning Germaniya tarkibiga qoʻshib olinishiga nisbatan qoʻllaniladi.

## Mustahkamlash uchun savol va topshiriqlar

- 1. Fashistlar Germaniyasining tor-mor qilinishida dunyo davlatlarining oʻrni qanday?
- 2. SSSRning Yaponiyaga qarshi urushga qoʻshilishi Ikkinchi jahon urushining yakunlanishida qanday rol oʻynadi? Xirosima va Nagasaki shaharlariga tashlangan atom bombalari urushning yakuniga hal qiluvchi ta'sir koʻrsatdimi?
- 3. Ikkinchi jahon urushining asosiy natijalari haqida gapirib bering.
- 4. Urush natijalari undan keyingi oʻn yillar jahon taraqqiyotining qanday yoʻnalishini belgilab berdi?
- 5. BMTning tuzilishi urushdan keyin dunyoda tinchlikni saqlashda qanday rol oʻynadi?
- 6. Nyurnberg va Tokio xalqaro sudlarining qarorlari qanday siyosiy va tarixiy ahamiyatga ega boʻldi?

#### Mustaqil ish



Xaritadan Ikkinchi jahon urushi boshlanishi arafasida Yevropa davlatlari hududi haqida sharh yozing.



O'tkir Hoshimovning «Daftar hoshiyasidagi bitiklar» kitobidan olingan quyidagi qatrani oʻqing va daftaringizga mayzu bilan bogʻlagan holda esse yozing: «Urushda gʻolib va baxtli podshoh, gʻolib va baxtli qoʻshin, gʻolib va baxtli davlat, gʻolib va baxtli tuzum boʻlishi mumkin. Ammo gʻolib va baxtli odam boʻlmaydi. Negaki, urush odamni odam oʻldirishga majbur qiladi. Odam oʻldirgan odam esa hech qachon baxtli boʻlmaydi».



Said Ahmadning «Ufq» romanining «Hijron kunlarida» deb nomlangan qismini oʻqing va «Davr bilan dialog» mavzusida insho yozing.

# 17-MAVZU. IKKINCHI JAHON URUSHIDAN KEYINGI XALQARO MUNOSABATLAR: «SOVUQ URUSH»NING **BOSHLANISHI**

Antigitler koalitsiya a'zolari urushda g'alaba qozonib, insoniyat sivilizatsiyasi tarixida yangi sahifani ochganlarida, bu sahifaga nimalar yoziladi-yu, uning mazmuni qanday boʻlishini hali hech kim ayta olmasdi. Ammo bor-yoʻgʻi 30 yil ichida insoniyat tarixidagi eng dahshatli ikkita urushga bevosita guvoh boʻlgan dunyo xalqlarini tinch-totuv yashash istagi, tinch rivojlanish orzusi birlashtirib turardi.



Birinchi jahon urushidan keyin xalqaro munosabatlar qaysi shartnomalar asosida tartibga solingan edi?

«Sovuq urush»ning boshlanishi. Dunyoni hududiy qayta boʻlish uchun olib borilgan ikkita jahon urushlaridan soʻng dunyodagi kuchlar nisbatida katta oʻzgarishlar yuz berdi. Gʻarbning liberal-demokratik davlatlari bilan SSSR oʻrtasida ziddiyatlar kuchayib bordi. Urushdan soʻng AQSH sovet – Amerika munosabatlari tarixida birinchi marta SSSRga qarshi yadro qurolini qoʻllashi mumkinligi bilan tahdid qildi. Iste'foda boʻlsa-da, urush yillari katta obroʻ orttirgan U. Cherchill 1946-yil martda AQSHning Fulton shahrida Vestminster kolleji tinglovchilari oldida soʻzga chiqib, AQSHga «tinchliksevar xalqlarning sovet tajovuziga» qarshi kurashiga boshchilik qilishni taklif qildi. U. Cherchill ushbu nutqida qoʻllagan «temir parda» iborasi uzoq vaqt Gʻarb bilan Sharq oʻrtasidagi ramziy chegara boʻlib qoldi.

1947-yil iyun oyida AQSH davlat kotibi J. Marshall Yevropa mamlakatlariga urush oqibatlarini bartaraf qilishda yordam koʻrsatish gʻoyasini ilgari surdi. Sovet diplomatiyasi «Marshall rejasi»ni rad etdi. Sovetlar «Marshall rejasi»ni SSSRning Sharqiy Yevropadagi ta'siriga navbatdagi xavf, Amerika kapitalining Yevropani egallash uchun urinishi, deb baholadi. Voqealarning keyingi rivoji bu baho uncha toʻgʻri emasligini koʻrsatdi. Yevropaning ikki guruhga, bir tomondan, «Marshall rejasi»ni qabul qilgan va AQSH bilan yaqinlashuv yoʻlini tanlagan davlatlar, ikkinchi tomondan, taraqqiyotning sotsialistik yoʻlini va SSSR bilan hamkorlikni tanlagan davlatlarga boʻlinishi ancha uzoq davom etgan qarama-qarshilikni boshlab berdi. Yevropa qit'asida, keyin esa butun dunyo miqyosida bir-biriga qarama-qarshi turgan harbiy-siyosiy va iqtisodiy ittifoqlar tizimi shakllandi. Dunyoning eng katta davlatlari – AQSH va SSSR bu ittifoqlarning markazlariga aylandi.

1949-yil yanvarda SSŠR va Sharqiy Yevropaning koʻpchilik davlatlari iqtisodiy ittifoq—Oʻzaro Iqtisodiy Yordam Kengashi (OʻIYK) tuzilganligini e'lon qildilar. Oʻz navbatida Gʻarb davlatlari 1949-yil aprelda Shimoliy Atlantika Shartnomasi tashkiloti (NATO) deb ataluvchi harbiy-siyosiy tashkilotni tuzdilar. NATOga javob tariqasida 1955-yili SSSR va Sharqiy Yevropa davlatlarining harbiy-siyosiy ittifoqi—Varshava Shartnomasi Tashkiloti tuzildi.



U. Cherchill nutqining tub mohiyati...
«Marshall rejasi»... 1949-yil yanvarda...
1949-yil aprelda... 1955-yilda...




AQSH va SSSR: dunyoni boʻlish uchun kurash. Karikatura.

Mustamlaka tizimining qulashi. Mustamlaka tizimining qulashi va yangi, mustaqil davlatlarning tashkil topishi jahon taraqqiyotidagi ikki qutbli tizimga berilgan kuchli zarba boʻldi. 1950-yillardayoq bu mamlakatlar oʻziga xos taraqqiyot yoʻlini tanlash uchun xalqaro maydonga chiqdilar va keyinchalik «uchinchi dunyo mamlakatlari» nomini oldi. Bu hol qoʻshilmaslik harakati paydo boʻlishi uchun zamin yaratdi.

Yangi davlatlarning koʻpchiligi oʻz taraqqiyot yoʻlini na SSSR va na AQSH bilan qattiq bogʻlashni istamadilar. Keyin bu tendensiya yanada rivojlandi: Iosif Broz Tito, Javoharlal Neru, Jamol Abdul Nosir tashabbusiga koʻra mustamlakachilikdan ozod boʻlgan mamlakatlar 1961-yili Qoʻshilmaslik harakatini tashkil qildilar.

1970–1980-yillardagi xalqaro munosabatlar. 1970-yillari xalqaro munosabatlardagi keskinlik biroz yumshadi. 1972-yili SSSR bilan AQSH oʻrtasida strategik qurollarni cheklash boʻyicha birinchi shartnoma (SQCH-1) va 1975-yili Yevropada Xavfsizlik va hamkorlik kengashining Yakunlovchi akti imzolandi. Bu hujjat shartnoma emasdi, ammo katta axloqiy-siyosiy ahamiyatga ega boʻldi, zotan u xalqaro munosabatlarda yangi taraqqiyparvar normalarni oʻrnatdi. Shunday holatda 1979-yili SSSR va AQSH oʻrtasida SQCH-2 shartnomasi imzolandi.

1979-yil dekabrda Afgʻonistonga sovet qoʻshinlari kiritildi va xalqaro munosabatlarda yana keskinlik boshlandi. Bu keskinlikni yumshatish, ikki tomonni ham qanoatlantiradigan munosabatlar shaklini topish uchun ilk harakatlar SSSR va AQSH liderlari M.S. Gorbachev va R. Reyganning 1980-yillari Jeneva va Reykyavikdagi uchrashuvlarida boshlandi. Bu uchrashuvlar biron-bir shartnoma imzolanishi bilan yakunlanmagan boʻlsa-da, ikkala tomonning ham insoniyatni yadro urushi xavfidan xalos qilishga boʻlgan intilishini namoyon qildi.



Dunyoning kapitalistik va sotsialistik mamlakatlarga boʻlinishi. XX asrning 80-yillari.

1949-yil yanvarda Oʻzaro Iqtisodiy Yordam Kengashi (OʻIYK) tuzildi.

1949-yil aprelda Shimoliy Atlantika Shartnomasi tashkiloti (NATO) deb ataluvchi harbiy-siyosiy ittifoq tashkil etildi.

1955-yili SSSR va Sharqiy Yevropa davlatlarining harbiysiyosiy ittifoqi – Varshava Shartnomasi Tashkiloti tuzildi. 1980-yillarning ikkinchi yarmidan boshlab 1990-yillarning boshlarigacha xalqaro munosabatlarda faollik va iliqlik davri boʻldi.



**Marshall rejasi** – Ikkinchi jahon urushidan soʻng AQSH Davlat kotibi Jorj Marshall tomonidan Yevropa mamlakatlarini tiklash boʻyicha taklif qilingan reja.

NATO – Shimoliy Atlantika shartnomasi tashkiloti. Ayrim Yevropa va Shimoliy Amerika davlatlari tomonidan Ikkinchi jahon urushidan soʻng tuzilgan harbiy-siyosiy ittifoq.

Varshava Shartnomasi Tashkiloti – Ikkinchi jahon urushidan soʻng SSSR va Sharqiy Yevropadagi sotsialistik davlatlar tomonidan tuzilgan harbiy-siyosiy ittifoq.

#### Mustahkamlash uchun savol va topshiriqlar

- 1. Urushdan soʻng SSSR va AQSH oʻrtasidagi asosiy ziddiyatlar nimalardan iborat edi?
- 2. «Marshall rejasi» va AQSH bilan SSSRning Yevropadagi iqti-sodiy raqobati qanday natijalarga olib keldi?
- 3. 1970–1980-yillarda xalqaro munosabatlardagi asosiy voqealar nimalardan iborat edi? AQSH va SSSR oʻrtasida imzolangan shartnomalar jahonda tinchlikni saqlashda qanday rol oʻynadi?
- 4. «Sovuq urush»ga xotima yasagan yangicha siyosiy tafakkurning asosiy prinsiplari nimalardan iborat edi?

## Mustagil ish



Xaritadan dunyoning kapitalistik va sotsialistik lagerlariga mansub davlatlar roʻyxatini tuzing va izoh yozing.



O'tkir Hoshimovning «Daftar hoshiyasidagi bitiklar» kitobidan olingan «Urush bilan besh kunda gan muammo tinchlik bilan besh yilda bitsa, ikkinchi yoʻlni tanlash kerak!» degan jumlani diqqat bilan oʻqing va daftaringizga mavzu bilan bogʻlagan holda asoslangan esse vozing.



n.ziyouz.com saytidan Ernest Xemingueyning «Alvido, qurol!» romanini koʻchirib oling, oʻqing va mustaqil ravishda «Tinchlik» mavzusida besh qatordan iborat she'r (sinkveyn) tuzing.

# 18-MAVZU. 1946–1991-YILLARDA AMERIKA **QO'SHMA SHTATLARI**

Ikkinchi jahon urushidan keyin boshqa rivojlangan mamlakatlarga nisbatan AOSH uchun juda qulay sharoit vujudga keldi. Paydo boʻlgan qulay imkoniyatlardan foydalangan AOSH yangi bozorlarni egallab oldi. Tovarlar eksport qilishni, undan ham koʻproq ilmiytexnik imkoniyatini oshirdi. AQSH Gʻarb dunyosining siyosiy, iqtisodiy va harbiy yetakchisiga aylandi.




Birinchi jahon urushidan keyingi xalqaro munosabatlarda AQSH qay tariqa muhim o'rin tuta boshladi?

Iqtisodiy rivojlanish. Urushdan keyingi yillarda ilk bor AQSHda harbiy ishlab chiqarishning konversiyasi amalga oshirildi. 1940-yillarning oxiridan boshlab barqaror va to'xtovsiz o'sish AQSH iqtisodiy tizimining oʻziga xos jihati boʻlib qoldi. 1950-yillarda AQSH iqtisodiyoti boshqa Gʻarb davlatlari iqtisodiyotiga nisbatan sekin oʻsganligiga barcha koʻrsatkichlar bo'yicha haqiqiy garamasdan. u iatisodiv yetakchi boʻlib qolaverdi.

1960-yillari prezidentlar Jon Kennedi va Lindon Jonson ma'muriyatlari iqtisodiy oʻsishni jadallashtirish sari yoʻl tutdilar. İshlab



Jon Kennedi.



chiqarishni ommaviy avtomatlashtirish amalga oshirildi. Iqtisodning energetika, elektronika va kimyo sanoati, avtomatlashtirish va alo-

1980-yilgi prezidentlik saylovlarida gʻalaba qozongan Ronald Revgan ma'muriyati inqi-

nisbatan AQSHda ancha ogʻir kechdi.

rozdan chiqish yoʻllarini topishga urinib, davlatning iqtisodga aralashuvini chekladi, sarmoya kiritish uchun katta soliq imtiyozlari joriy qildi. Xususiy tashabbus ragʻbatlantirildi. Bu va boshqa bir qator tadbirlar «Reyganomika» nomini oldi. «Reyganomika» AQSH uchun yaxshi natijalarga olib keldi. Inflatsiya pasaydi, ishsizlik kamaydi, iste'mol buyumlariga talab



Ronald Reygan.

ortdi. Chet el kapitalining kirib kelishi ancha kuchaydi.



1940-yillarning oxiridan... 1960-yillari prezidentlar J. Kennedi va L. Jonson... 1980-yil...

**1990-yillar** boshida AQSH iqtisodiyotida qisqa muddatli retsessiya kuzatildi. Oʻsish sur'atlarining pasayishi xoʻjalikning hamma jabhalarini qamrab oldi.

**Siyosiy rivojlanish.** 1940-yillar oxiri—1950-yillar boshi AQSHda siyosiy reaksiyaning avj olishi bilan xarakterlanadi. Bu koʻp jihatdan boshlangan «sovuq urush» bilan bogʻliq edi. **1952-yilgi** saylovlarda respublikachilar partiyasidan nomzod **Duayt Eyzenxauer** gʻolib chiqdi. AQSH hukumatini u boshqargan dastlabki yillarda reaksiya yanada kuchaydi. Mamlakatda **makkartizm** avj oldi. Senator Jozef Makkarti

davlat organlarida josuslar va kommunistlarni aniqlash uchun tekshiruvlar olib bordi. J. Makkarti faoliyatini koʻpgina reaksion tashkilotlar qoʻllab-quvvatladi.



Amerikaning xaritasi.



Martin Lyuter King.

1960-yillari fuqarolar tengligi uchun harakat oʻzining eng yuqori nuqtasiga yetdi. Koʻplab joylarda qora tanlilarning gʻalayonlari boʻlib oʻtdi. Bunga qarshi oʻta oʻng harakat vakillari siyosiy qotilliklarni amalga oshira boshladilar. 1963-yili AQSH prezidenti Jon Kennedi, 1968-yili qora tanlilar tengligi uchun harakatning eng mashhur arbobi, Nobel tinchlik mukofoti

sovrindori, ruhoniy **Martin Lyuter King** oʻldirildi. 1960-yillardagi fuqarolar huquqlari uchun harakatning oʻziga xos tomoni shundaki, u ommaviy ijtimoiy norozilik harakatlari bilan bir paytga toʻgʻri keldi. Bu harakat vakillari, ayniqsa, AQSH Vyetnamda olib borayotgan urushga qarshi keskin norozilik namoyishlarini uyushtirdi. Shunday qilib, 1960-yillar ijtimoiy-siyosiy burilishlar davri boʻldi.



1952-yilda... 1963-yil... J. Makkarti faoliyati... Martin Lyuter King...

Respublikachilarning hokimiyatga qaytishi Amerika jamiyatiga toʻliq barqarorlik olib kelmadi. Demokratlar partiyasining Uotergeyt mehmonxonasidagi saylovoldi shtabiga respublikachilar vakillari tomonidan xufiya eshitish vositalarining oʻrnatilishi «Uotergeyt ishi» nomli siyosiy janjalga aylanib, prezident Richard Niksonning impichmentiga (iste'fosiga) olib keldi. Hokimiyatning yuqori qatlamida korrupsiya hollari koʻpaydi. Bularning hammasi ijro va qonunchilik hokimiyatiga amerikaliklarning ishonchini soʻndirdi.

1980-yillar—1990-yillarning boshlari **neokonservatizm** gʻoyasi tantanasi davri boʻldi. Bu yillarda AQSH ichki taraqqiyotda ham, xalqaro maydonda ham katta muvaffaqiyatlarga erishdi.

Tashqi siyosat. Jahonda yetakchilik mavqeyini egallab olgan AQSH Ikkinchi jahon urushidan keyingi dastlabki yillarda ikkita tamoyilning uygʻunligiga asoslangan faol tashqi siyosat olib bordi. Birinchidan, AQSH kuch yordamida oʻzlariga ma'qul boʻlmagan oʻzgarishlarga qarshilik qildi. Ikkinchidan, qarshilik qilish mumkin boʻlmagan hollarda ularga moslashib, bu oʻzgarishlardan saboq olishga intildi. Jahonda

oʻz gegemonligini oʻrnatishga uringan AQSH, yer yuzining barcha mintaqalarida xalqaro munosabatlarga faol aralashdi. Koʻp marta oʻz manfaatlarini ta'minlash uchun Gʻarb demokratiyasini himoya qilish bahonasida boshqa davlatlarga qarshi harbiy kuchdan foydalandi. Masalan, 1965–1973-yillari AQSH Vyetnamda faol urush harakatlarini olib bordi.



1968-yil Memfisda Martin Lyuter King oʻldirildi.

1952-yil AQSHda prezident saylovlarida respublikachilar partiyasidan nomzod D. Eyzenxauer gʻolib

chiqdi.

1990-yillar boshida AQSH iqtisodiyotida qisqa muddatli retsessiya kuzatildi.

SSSRni oʻzining asosiy mafkuraviy, siyosiy va harbiy raqibi deb hisoblagan AQSH «sovuq urush» yillarida uzoq vaqt SSSRga va uning ittifoqchilariga qarshi harakat qilib, koʻplab iqtisodiy, siyosiy va harbiy ittifoqlarni tashkil qildi.

SSSRda M.S. Gorbachyov boshchiligida yangi siyosiy rahbariyatning hokimiyatga kelishi bilan sovet – Amerika munosabatlarida jiddiy ijobiy oʻzgarishlar boshlandi. Ayniqsa, Strategik hujum qurollarini cheklash va qisqartirish toʻgʻrisidagi shartnoma muhim ahamiyatga ega boʻldi. Boshqa koʻplab sohalarda ham sovet – Amerika munosabatlari yaxshilandi. Shunday holat 1991-yil SSSR tarqalib ketgunga qadar davom etdi.



Inflatsiya – qogʻoz pulning qadrsizlanishi.

**Retsessiya** (chekinish) – bu atama iqtisodiyotda ishlab chiqarishning nisbatan moʻtadil pasayishini yoki iqtisodiy oʻsish sur'atlarining sekinlashuvini bildiradi.

**Gegemon** (rahbarlik, hukmronlik) – hukmron boʻlishga, boshqa davlatlar va xalqlar ustidan hukmronlik qilish uchun intilishga asoslangan siyosat.

**Konversiya** (aylantirmoq, oʻzgartirmoq) — harbiy sanoat kompleksi korxonalarini xalq iste'mol tovarlari ishlab chiqarishga oʻtkazish. Urushdan keyin sanoatni tinchlik davriga moslab qayta qurish.

# Mustahkamlash uchun savol va topshiriqlar

- 1. Urushdan keyin AQSH iqtisodiy rivojlanishining oʻziga xos tomonlari toʻgʻrisida gapirib bering.
  - 2. AQSHda makkartizm siyosati nimaga qaratilgan edi?
  - 3. Prezident R. Nikson qanday islohotlarni amalga oshirdi?
- 4. «Reyganomika» nima va R. Reygan davridagi iqtisodiy oʻsishning sabablari nimada edi?
- 5. Ikkinchi jahon urushidan soʻng AQSH tashqi siyosati qanday asosiy prinsiplarga tayandi?
- 6. XX asrning 80-yillarida Sovet Ittifoqi va AQSH munosabatlari haqida nimalar bilasiz?

## Mustaqil ish



Amerika Qoʻshma Shtatlarining siyosiy xaritasi bilan tanishing va tarixiy voqeliklar bilan bogʻliqlikda sharh yozing.



Mavzuga doir asosiy tushunchalarni lugʻat yordamida ingliz tiliga tarjima qiling va daftaringizga yozing.



n.ziyouz.com saytidan Teodor Drayzerning «Amerika fojeasi» romanini koʻchirib oling va oʻqing hamda mustaqil ravishda «Amerika» mavzusida besh qatorli she'r (sinkveyn) tuzing.

# 19-20-MAVZULAR. 1946-1991-YILLARDA SOVET ITTIFOQI

**Urushdan keyin SSSRda totalitar tuzumning kuchayishi.** Sovet xalqlariga juda katta kulfat olib kelgan Ikkinchi jahon urushi yakunlandi. Urushda 27 mln. sovet fuqarolari halok boʻldi, 12,5 mln. kishi nogiron boʻlib qoldi, mamlakat juda katta moddiy zarar koʻrdi.

Xalqaro miqyosda SSSRning roli keskin oshganligiga, u dunyoning qudratli davlatlaridan biriga aylanganiga qaramasdan, urush sovet xalqi uchun juda qimmatga tushdi. Shunchalar koʻp hudud vayron qilindiki, ularni tiklash bir necha oʻn yillarga choʻzilishi mumkin edi. Deyarli har bir sovet oilasi yaqin kishisidan ayrildi.



Birinchi jahon urushidan keyin Sovet Ittifoqi mamlakat ichki siyosiy hayotida qanday islohotlarni amalga oshirdi?

«Marshall rejasi» boʻyicha AQSHdan yordam olgan Gʻarb davlatlaridan farqli ravishda SSSR iqtisodiyotni toʻliq ichki resurslar hisobiga, oʻz kuchi bilan tikladi. Sovet kishilarining matonatli mehnati tufayli vayron boʻlgan zavodlar, shaharlar qayta qurildi, infratuzilma tiklandi. Xalqning mehnat ishtiyoqi chin dildan boʻlib, ular farzandlari uchun tinch va farovon hayotni ta'minlash yoʻlida turmush qiyinchiliklariga ham tayyor edi.

Juda katta siyosiy-ma'muriy bosim, yengil sanoat va qishloq xoʻjaligini talash hisobiga hamda mehnatkash ommaning tashabbusini mafkuraviy ragʻbatlantirish tufayli 1950-yili sanoat ishlab chiqarishi hajmi urushdan oldingi darajasidan oshib ketdi.

«Iliqlik» davri. 1953-yil 5-mart kuni I. Stalin vafot etdi. Stalinning oʻlimidan soʻng hokimiyat uchun kurashda Nikita Xrushchyov gʻolib chiqdi.

N. Xrushchyov hokimiyatda turgan yillar (1953–1964) tarixda **«iliqlik»** davri degan nom olgan. Bu davrda sovet total-



Nikita Xrushchyov.

itar tuzumini isloh qilish boʻyicha bir qator ishlar amalga oshirildi. Iqtisodiy sohada sovet davlati tarixida birinchi marta yengil sanoatning, xalq iste'moli mollari ishlab chiqarishning ustuvorligi belgilandi. Xalq iste'mol buyumlari ishlab chiqarish koʻpaydi, uy-joylar qurilishi jadallashdi, maoshlar oshirildi. Oziq-ovqat muammosini hal qilish uchun qishloq xoʻjaligi soligʻini pasaytirish, boqimanda qarzlardan voz kechish, kolxozchilarning tomorqalarini kengaytirish, qishloq xoʻjalik mahsulotlariga davlat xarid narxlarini va kolxoz bozori imkoniyatlarini oshirish, shuningdek, qishloqqa texnika yetkazib berish uchun kapital mablagʻlarni koʻpaytirish koʻzda tutildi. Qozogʻiston, Sibir va Volga boʻyidagi qoʻriq va boʻz yerlarni oʻzlashtirish gʻalla yetishtirishni tez koʻpaytirishning muhim omili sifatida qaraldi. Natijada 1950-yillarning ikkinchi yarmida qishloq xoʻjaligi mahsulotlarini ishlab chiqarish keskin oʻsib, kolxozlarning pul daromadlari 3 martadan koʻproqqa oshdi.

Jamiyatni siyosiy liberallashtirish ham boshlandi. 1956-yil fevralda KPSS XX syezdida N. Xrushchyov «Shaxsga sigʻinish va uning oqibatlari toʻgʻrisida» nutq bilan chiqdi. Bu nutq oʻzining barcha kamchiliklariga qaramasdan, sovet totalitar davlatining xarakterini, Stalin va uning sheriklari amalga oshirgan jinoyatlarni ochib tashladi, shaxsga sigʻinishning mohiyati va koʻlamini anglash jarayonini boshlab berdi. Jamiyatda oʻta ochiq boʻlmasa-da, bu muammolar keng miqyosda muhokama qilina boshlandi. Stalin davrida qatagʻon qilinganlarni oqlash jarayoni ommaviy tus oldi. Ayni paytda, XX syezd xalqaro kommunistik harakatning inqirozini boshlab berdi va sotsialistik tizim oxirigacha bu inqirozdan chiqa olmadi.

Shu tariqa, 1950-yillar oʻrtalariga kelib mamlakatda mavjud totalitar tuzum bir qadar liberallashtirildi. Ammo bu harakatlar oʻtish davriga xos xarakterga ega edi.

1958-yil martda N. Xrushchyov KPSS MK Birinchi sekretari lavozimiga SSSR Ministrlar Sovetining Raisi lavozimini ham qoʻshib oldi. Shu tariqa N. Xrushchyov mamlakatda yagona liderga aylanib qoldi. I. Stalin oʻlimidan soʻng boshlangan mamlakat hayotini demokratizatsiyalash jarayoni ham vaqtincha toʻxtatildi.

1950-yillar oxiridan qishloq xoʻjalik mahsulotlarini ishlab chiqarishning oʻsish sur'atlari ancha susaydi. Oqibatda oziq-ovqat mahsulotlarining taqchilligi yuzaga kelib, SSSR borgan sari chetdan koʻproq gʻalla sotib olishga majbur boʻldi. Qishloq aholisi, birinchi navbatda yoshlarning shaharlarga koʻchib ketishi kuchaydi.



«Iliqlik» davri yoshlari.

Global inqiroz yoʻlida: SSSR 1964–1985-yillarda. Mamlakatdagi ahvol N. Xrushchyovning mavqeyini tushirdi. 1964-yili oktabrda boʻlib oʻtgan KPSS MK Plenumi uni bir qator xato va kamchiliklarda ayblab, lavozimlaridan ozod qildi. N. Xrushchyov oʻrniga KPSS MK Birinchi kotibi qilib Leonid Brejnev, SSSR Ministrlar Soveti Raisi etib Aleksey Kosigin saylandi.

L. Brejnev hokimiyatda turgan yillar (1964–1982)ning dastlabki oʻn yili iqtisodiy islohotlarni davom ettirish va jadal rivojlanish yillari boʻldi. Ammo 1970-yillarning ikkinchi yarmidan jamiyatda boshlangan inqiroz sovet davlati tarixida **«turgʻunlik» davri** nomini olgan.



Sovet Ittifoqi uchun Ikkinchi jahon urushi yoʻqotishlari...

1953-yil 5-mart...

1956-yil fevralda...

N. Xrushchyovdan farqli ravishda L. Brejnev oʻz hokimiyatidan juda ehtiyotkorlik bilan foydalandi. U murakkab muammga duch kelganda yaxshisi hech narsa qilmaslikni ma'qul koʻrardi. Unda boshqalarning



Leonid Brejnev.

xushomadiga, turli xil unvonlar va ordenlarni yigʻishga moyillik kuchli edi. Uni maqtash, ulugʻlash jarayoni 1970-yillardan boshlandi va keyingi yillari borgan sari kulgili tus olib bordi. Ayniqsa, uning tushunib boʻlmaydigan nutqlari aholining keng qatlami orasida kulgi aralash nafrat, buyuk mamlakat uchun achinish va uyat hissini uygʻotdi.

1980-yillarga SSSR jamiyatning chuqur inqirozi holatida kirib keldi. N.S. Xrushchyovning 1980-yillarda kommunizm qurish toʻgʻrisidagi rejasi barbod boʻlgan, odamlar endi kommunizm safsatasiga deyarli ishonmay qoʻygan edi. Shunday holatda 1982-yil 10-noyabrda L. Brejnev vafot etdi. Undan keyin hokimiyatga kelgan Yuriy Andropov va Konstantin Chernenko keksa, kasalmand kishilar boʻlib, ularning hokimiyatga kelishi tugab borayotgan sovet tuzumining ramzi edi.

Qayta qurish. 1985-yil martda KPSS MK Plenumi Mixail Gorbachyovni Bosh kotib qilib sayladi. KPSS MKning 1985-yil aprel Plenumida mamlakatni ijtimoiy-iqtisodiy rivojlantirishni jadallashtirish kursi yangi rahbariyat va butun sovet jamiyatining maqsadi deb e'lon qilindi. Ilmiy-texnik taraqqiyot, mashinasozlikni texnik qayta qurollantirish va inson omilini faollashtirish, ya'ni mehnat intizomini va ishchilarning tashabbuskorligini oshirish bu kursning asosiy harakatga keltiruvchi kuchi sifatida qaraldi.



Mixail Gorbachyov.

1987-yili M. Gorbachyov e'lon qilgan «qayta qurish», ijtimoiy hayotni demokratizatsiyalash va «oshkoralik» siyosati ommaning siyosiy gini keskin oshirdi. Oshkoralik fayli o'zgarishlarning muhim omiliga, orzularning ifodachisiga gʻovalar va aylangan matbuot jamiyatning ma'naviy ozod boʻlishida, oʻtmishni va yuz berayotgan hodisalarni anglashida juda

katta rol oʻynadi. Ayni paytda, bu hodisalar sovet xalqlarining milliy oʻzlikni anglash, milliy mustaqillikka intilish jarayonini jadallashtirdi, SSSRning tarqalib ketishini tezlashtirdi.

**Tashqi siyosat.** Ikkinchi jahon urushidagi gʻalaba SSSRga juda katta xalqaro obroʻ keltirdi. SSSR boshchiligida sotsialistik tizim vujudga keldi. Bu davrdagi sovet tashqi siyosatining asosini AQSH bilan dunyoda gegemonlik uchun kurash tashkil qildi.

1959-yili inqilob natijasida Kubada hokimiyatga kelgan F. Kastro rejimiga qarshi AQSH olib borgan tajovuzkor siyosat va bunga SSSRning aralashuvi ikki buyuk davlatlar oʻrtasida yadro urushi xavfini keltirib chiqardi. Bu xavf «Karib inqirozi» nomini oldi va faqat AQSH prezidenti J. Kennedi bilan sovet rahbari N. Xrushchyov oʻrtasidagi kelishuv dunyoni yadro urushi halokatidan asrab qoldi.

«Iliqlik» davrida kapitalistik mamlakatlar bilan tinch-totuv yashash tamoyili ilgari surilib, bu SSSR bilan kapitalistik mamlakatlar, avvalo, AQSH oʻrtasida munosabatlarning ham iliqlashuviga olib keldi.

«Turgʻunlik» davrida ham kapitalistik mamlakatlar bilan tinch musobaqa davom ettirilib, bu jarayon 1979-yili Afgʻonistonga sovet qoʻshinlari kiritilgunga qadar davom etdi.

«Qayta qurish» davrida M. Gorbachyov ilgari surgan «yangicha siyosiy tafakkur» tashabbusi SSSRning AQSH va butun kapitalistik dunyo bilan munosabatlarida keskin ijobiy oʻzgarishlarga olib keldi.



1960-yillarning oxiridan... 1987-yili M. Gorbachyov... 1984-yil martda... 1991-yil 19-avgust...

Avgust inqirozi. SSSRning tarqalishi. 1991-yil 19-avgustga oʻtar kechasi Favqulodda holat davlat komiteti (GKCHP) tuzilganligi toʻgʻrisida e'lon qilinib, unga SSSRning vitse-prezidenti, bosh vaziri kabi yuqori lavozimli kishilar kirdi. GKCHP mamlakatning bir qator hududlarida favqulodda holat e'lon qildi, 1977-yilgi konstitutsiyaga xilof ravishda faoliyat yuritayotgan hokimiyat tizimlari tarqatib yuborildi, muxolifatdagi partiya va harakatlar faoliyati toʻxtatildi, ommaviy axborot vositalari ustidan qat'iy nazorat oʻrnatildi, Moskvaga qoʻshin kiritildi.

GKCHPga qarshi harakatga demokratik kuchlar yetakchilik qildi. Ular 19-avgust kuni Rossiya fuqarolariga murojaat qilib, GKCHP harakatlari gʻayrikonstitutsion toʻntarish, uning qarorlari noqonuniy, deb e'lon qilindi. 19-avgust kuni minglab moskvaliklar Rossiya Oliy Soveti binosini himoya qilishga kirishdi. Tanklarda kelayotgan qoʻshinni toʻxtatishga harakat qilgan bir necha yoshlar halok boʻldi.



SSSRning parchalanishi.

21-avgust kuni Rossiya Oliy Sovetining favqulodda sessiyasi ochildi. 22-avgust kuni GKCHP a'zolari qamoqqa olindi. Avgust voqealaridan keyin obroʻsi tushib ketgan KPSSning faoliyati toʻxtatildi. Uning mulki natsionalizatsiya qilindi.



1953-yil 5-mart kuni I. Stalin vafot etdi. 1979-yilda Afgʻonistonga sovet qoʻshinlari kiritildi.

Avgust davlat toʻntarishidan keyin barcha respublikalar birin-ketin oʻz mustaqilligini e'lon qildi. **1991-yil 8-dekabr** kuni Minsk shahrida Rossiya, Ukraina, Belorussiya rahbarlari 1922-yilgi Ittifoq shartnomasini bekor qilib, Mustaqil Davlatlar Hamdoʻstligi (MDH) tuzilganligini e'lon qildi. Unga Gruziya, Latviya, Litva va Estoniyadan boshqa barcha sobiq sovet respublikalari a'zo boʻldi. Shu tariqa SSSR tarqalib ketdi.



**Syezd** – tashkilotlar, partiyalar, aholining ma'lum guruhlar vakillarining yigʻilishi, anjuman.

Plenum – biror tashkilotga saylangan rahbar organlari yoki sud a'zolarining yigʻilishi. Masalan, Oʻzbekiston Respublikasi Oliy sudi plenumi.

**Korrupsiya** – mansabdor shaxs tomonidan oʻz lavozimini, vakolatlarini suiiste'mol qilish yoki oʻz lavozimidan davlat va jamiyat manfaatlariga zid ravishda foydalanish, pora olish va berish.

## Mustahkamlash uchun savol va topshiriqlar

- 1. Ikkinchi jahon urushi SSSR uchun qanday yakunlandi?
- 2. KPSSning XX syezdida Stalin shaxsiga sigʻinishning fosh etilishi ijtimoiy ongga qanday ta'sir koʻrsatdi?
- 3. «Iliqlik» davrida SSSR iqtisodiy rivojlanishida qanday yangi tendensiyalar paydo boʻldi?
- 4. «Turgʻunlik» davrining sovet davlati tarixidagi rolini qanday baholash mumkin?
  - 5. Sovet rahbariyatini qayta qurishni boshlashga nima majbur qildi?
- 6. Nima uchun sovet jamiyatini demokratlashtirish SSSRning parchalanishiga olib keldi?

## Mustaqil ish



«SSSRning parchalanishi» xaritasi asosida mustaqillikni e'lon qilgan sanasiga mos ravishda davlatlar roʻyxatini tuzing.



«Yadro urushi» va «Psixologik urush» tushunchalarini qiyosiy tahlil qilish asosida hozirgi kundagi axborot xurujlarini chizma koʻrinishida daftaringizga yozing.



Shuhrat Ergashevning «Erk istar koʻngil» kitobining «Turgʻunlik va taraqqiyot» deb nomlangan boʻlimini oʻqing va matn asosida ikki qismlik kundalik tuzing.

### 21-MAVZU. 1946–1991-YILLARDA BUYUK BRITANIYA VA FRANSIYA

Buyuk Britaniya. Buyuk Britaniya iqtisodiy va siyosiy jihatdan kuchsizlangan holda urushdan chiqdi. Savdo flotining katta qismi yoʻqotildi, mustamlaka va dominionlardagi obroʻsiga ham putur yetdi. Mamlakatning AQSHga qaramligi asta-sekin ortib bordi. Keng ijtimoiy oʻzgarishlar dasturini e'lon qilgan leyboristlar partiyasi urushdan keyingi dastlabki saylovlarda gʻolib chiqdi. Oʻz dasturini hayotga tatbiq qilib, hukumat iqtisodda va ijtimoiy sohada qator islohotlarni amalga oshirdi. Biroq leyboristlar islohoti kutilgan natijalarni bermadi. Davlatning moliyaviy ahvoli ogʻirligicha qoldi. Shunday iqtisodiy va moliyaviy ogʻir sharoitda mamlakat «Marshall rejasi»da ishtirok etishga qaror qildi. 1949-yil Buyuk Britaniya NATOga a'zo boʻldi.



Ikkinchi jahon urushi Buyuk Britaniya uchun qanday natijalar bilan tugadi?



Margaret Tetcher.

1951-yili oʻtkazilgan saylovlarda konservatorlar gʻalaba qozondi. U. Cherchill yana bosh vazir lavozimini egalladi. Konservatorlar Buyuk Britaniyani 13 yil boshqardi. Bu davrda iqtisodning barqaror oʻsish sur'atlariga erishishning iloji boʻlmadi.

Natijada 1964-yili hokimiyatga kelgan leyboristlar bir qator islohotlarni amalga oshirdi. Bu aholining turmush sharoitiga salbiy ta'sir koʻrsatdi. 1970-yillarga Buyuk Britaniya iqtisodiy holatning keskinlashuvi bilan kirib keldi. Jahon iqtisodiyotida uning roli pasayishda davom etdi.

1979-yilgi parlament saylovlari keskin siyosiy kurashlar ostida oʻtdi. Saylovchilar konservatorlarga ovoz berdi. **Margaret Tetcher** bosh vazir boʻldi. Ichki siyosatda asosiy e'tibor xususiy tadbirkorlikni rivojlantirishga qaratildi. Iqtisodga davlat aralashuvini kamaytirish sari dadil qadamlar tashlandi. Soliqlar kamaytirildi. Inflatsiyaga qarshi kurash bosh vazifa qilib belgilandi.



1949-yil... 1979-yil... 1951-yil... Margaret Tetcher...

1979—1990-yillar Buyuk Britaniya tarixida **«Tetcher davri»** nomini oldi. Bu davrda M. Tetcher hukumati Yevropada eng koʻp ish oʻrinlari yaratdi. Umuman 1980-yillar Britaniya iqtisodiyotida chuqur tizim oʻzgarishlari yuz berdi. Davlat sektori qisqartirildi, uning samaradorligi oshirildi.

1990-yili M. Tetcher bosh vazir lavozimidan iste'foga chiqdi. Uning o'rniga ilgari moliya vaziri lavozimida bo'lgan J. Meyjor keldi. J. Meyjor hukumatning neokonservatizm siyosatini davom ettirdi.



1951-yili oʻtkazilgan saylovlarda konservatorlar gʻalaba qozondi. U. Cherchill yana bosh vazir lavozimini egalladi.

1990-yili M. Tetcher bosh vazir lavozimidan iste'foga chiqdi.

Tashqi siyosatda. Buyuk Britaniya AQSHga tayandi, oʻzining NATOdagi ishtirokini faollashtirdi, AQSHning Hindixitoydagi tajovuzkor siyosatini, Janubiy Afrika va Janubiy Rodeziyadagi irqchilik rejimlarini qoʻllab-quvvatladi. 1969-yili Shimoliy Irlandiya muammosi yana keskinlashdi va Buyuk Britaniya u yerga qoʻshin kiritdi. Britaniya imperiyasining qoldiqlarini saqlab qolishga intilib, 1982-yili Folklend orollari uchun Argentina bilan urush olib bordi. Bu urushda «imperiyachilik tafakkur»ini namoyon qilgan Buyuk Britaniya gʻalaba qozondi.

**Fransiya.** Ikkinchi jahon urushi Fransiyaga nihoyatda katta zarar yetkazdi. 1945-yili sanoat va qishloq xoʻjalik mahsulotlari ishlab chiqarish hajmi urushdan oldingi darajasining yarmiga ham yetmadi. Moliya tizimi izdan chiqqan edi. Aholi asosiy qismining moddiy ahvoli keskin yomonlashdi.



Janubiy Atlantikadagi Folklend orollari.



Ikkinchi jahon urushi Fransiya uchun qanday natijalar bilan yakunlangan edi?

**Toʻrtinchi respublika.** 1946-yili Fransiyaning yangi konstitutsiyasi kuchga kirdi. Bu Yevropadagi eng demokratik konstitutsiyalardan biri boʻldi.

Boshqa Gʻarb davlatlari singari Fransiya ham «Marshall rejasi»ga qoʻshildi. Xoʻjalik katta tezlik bilan tiklandi. 1950-yillari iqtisodiy oʻsish boshlandi. Toʻrtinchi respublika yillarida sanoatning zamonaviy sohalari paydo boʻldi. Ammo ichki siyosiy va iqtisodiy rivojlanishning murakkabligi siyosiy va ijtimoiy holatning keskinlashuviga olib keldi. 1958-yili Fransiyada navbatdagi siyosiy inqiroz boshlandi. Hokimiyatga kelgan Sharl de Goll Milliy majlisni tarqatib yubordi. Toʻrtinchi respublika barham topdi.

**Beshinchi respublika.** 1958-yil sentabrda referendum oʻtkazilib, unda fransuzlar Sh. de Goll boshchiligida ishlab chiqilgan konstitutsiyani ma'qulladilar. **1958-yil 21-dekabrda** Sh. de Goll Fransiya prezidenti qilib saylandi.

Fransiyaning buyukligini tiklashga intilgan Sh. de Goll kuchli iqtisod va mustaqil tashqi siyosatga ega boʻlgan davlatni shakllantirishga kirishdi. Mustamlakachilik endi oʻtmish ekanligini tushungan prezident 1960-yili Fransiyaning Afrikadagi deyarli barcha mustamlakalariga mustaqillik berdi.



Sharl de Goll.

1960-yillar oxirida Fransiya iqtisodiyotini modernizatsiya qilish davom etdi. Fransiya sanoat va qishloq xoʻjalik mahsulotlarining yirik eksport qiluvchisiga aylandi. Fransuz mehnatkashlarining moddiy farovonligi ham ancha yaxshilandi.

Ammo 1960-yillar oxirida Beshinchi respublikada inqiroz boshlandi. Davlatning qat'iy tartibga solish siyosati fransuz jamiyatining koʻplab qatlamlarini norozi qildi. 1968-yil mayda Parij talabalarining namoyishi boshlandi. Prezident tashabbusi bilan oʻtkazilgan referendumda saylovchilarning koʻpchiligi prezidentni qoʻllamadi. Sh. de Goll iste'foga chiqishga majbur boʻldi.



1958-yili Fransiyada navbatdagi siyosiy inqiroz boshlandi. 1968-yil mayda Parij talabalarining namoyishi boshlandi.

1970-yillarning oxirida Fransiya iqtisodiyoti juda murakkab holatda edi. Shundan soʻng sotsialist **Fransua Mitteran** Fransiya prezidenti etib saylandi. Soʻl kuchlarning hamkorlikdagi dasturida koʻpchilik fransuzlar

manfaatiga mos boʻlgan muhim ijtimoiy-iqtisodiy islohotlar koʻzda tutildi. Biroq inflatsiyani toʻxtatishning iloji boʻlmadi. Ishsizlik ham oshib bordi. Bu siyosat kichik oʻzgarishlar bilan 1992-yilgacha saqlab qolindi.

Tashqi siyosat. Xalqaro munosabatlarda Fransiya Sh. de Goll tomonidan belgilab berilgan tashqi siyosiy kursni davom ettirdi. Fransiya Yevropada xavfsizlik va hamkorlik boʻyicha Xelsinki kengashini oʻtkazishda katta rol oʻynadi. YIH (Yevropa iqtisodiy hamjamiyati) doirasida Gʻarbiy Yevropa mamlakatlari bilan faol hamkorlik qildi. Atlantika yoʻnalishidagi an'analar kuchaydi. AQSH bilan aloqalar ancha faollashdi.



**Neokonservatizm** – AQSHning harbiy va iqtisodiy qudratidan dushman rejimlarga qarshi va ularda demokratik tizimni oʻrnatish uchun foydalanish tarafdor-

lari boʻlgan bir qism konservativ siyosatchilar mafkurasi. **Eksport** – mahsulot, xizmat voki kapitalni oʻz mamlakati

**Eksport** – mahsulot, xizmat yoki kapitalni oʻz mamlakatidan tashqariga chiqarish.

**Referendum** – umumxalq soʻrovi, davlat ahamiyatidagi muhim masalani hal qilish boʻyicha oʻtkaziladigan umumxalq ovoz berishi.

# Mustahkamlash uchun savol va topshiriqlar

- 1. Ikkinchi jahon urushi Buyuk Britaniya uchun qanday natijalar bilan tugadi?
- 2. 1970-yillarda Buyuk Britaniya iqtisodiyotidagi pasayish nimalarda namoyon boʻldi?
- 3. Buyuk Britaniyada hukumatni konservatorlar boshqargan yillarda qanday ijtimoiy-iqtisodiy oʻzgarishlar yuz berdi?
- 4. Fransiyaning urushdan keyingi ahvoli va rivojlanish yoʻnalishlari toʻgʻrisida gapirib bering.
- 5. Fransiyada Toʻrtinchi respublikaning tarqalib ketishiga qanday holatlar sabab boʻldi?
- 6. Fransiyada Beshinchi respublikaning paydo boʻlishi va mamlakat iqtisodiy hamda siyosiy holatining barqarorlashuvida Sh. de Gollning yetakchilik roli qanday ahamiyatga ega boʻldi?
- 7. XX asrning 80–90-yillarida Fransiya tashqi siyosati haqida nimalarni bilasiz?

#### Mustaqil ish



«Janubiy Atlantikadagi Folklend orollari» xaritasiga tarixiy voqelik bilan bogʻliqlikda sharh yozing.



Internet vositasida Folklend orollariga virtual sayohat uyushtiring va mavzuda oʻrganilgan materiallar asosida tarixiy voqeliklarni tahlil qiling.



kutubxona.com. saytidan Chingiz Aytmatov va Muxtor Shoxonovning «Choʻqqida qolgan ovchining ohi-zori» kitobining 2-qismini oʻqing hamda Margaret Tetcher tomonidan aytilgan fikrlarni ajratib daftaringizga yozing.

### 22-MAVZU. 1946–1991-YILLARDA GERMANIYA VA ITALIYA

**Germaniya Federativ Respublikasi.** Ikkinchi jahon urushi nemis xalqiga juda katta musibat keltirdi. Germaniya mustaqil davlat sifatida mavjud boʻlmay qoldi.

Germaniya urushdan oldingi hududining bir qismidan ayrildi, okkupatsiya zonalariga boʻlib tashlandi.


1949-yil mayda AQSH, Buyuk Britaniya va Fransiya okkupatsiya zonalarida Germaniya Federativ Respublikasi (GFR) tashkil qilindi. U Gʻarbiy Germaniyani demokratik, federativ davlat deb e'lon qildi. Germaniyaning koʻzga koʻringan siyosiy arbobi Konrad Adenauer kansler qilib saylandi. U Germaniya Federativ Respublikasi tuzilganligini e'lon qildi.

**1949-yil 7-oktabrda** sovetlar okkupatsiya zonasi boʻlgan sharqiy qismida Germaniya



Konrad Adenauer.

Demokratik Respublikasi (GDR) tashkil qilindi. Sharqiy Berlin bu davlatning poytaxti deb e'lon qilindi. Germaniyaning ikkita davlatga bo'linishi qariyb yarim asr davom etdi.



Germaniyaning okkupatsiya zonalariga boʻlinishi.

GFRda 1950–1960-yillari iqtisod jadal sur'atlar bilan rivojlandi. Harbiy xarajatlarning kamligi, «Marshall rejasi» boʻyicha Amerikaning moʻl-koʻl yordami, arzon chet el ishchi kuchidan unumli foydalanish, yangi uskunalarning keltirilishi mamlakat xoʻjaligining jadal sur'atlar bilan tiklanishini ta'minladi. GFR barcha qarzlaridan qutulib, ancha katta oltin-valuta zaxirasini ham yaratdi.

GFR siyosiy raqiblarining qarama-qarshiliklarini yengib, **1955-yili** NATOga a'zo boʻldi, Parij ahdlashuvining kuchga kirishi tufayli GFR uchun okkupatsiya davri tugadi.





Germaniya Federativ Respublikasi xaritasi.

Sharqdan koʻchib kelayotganlar oqimi va kansler K. Adenauerning qulay iqtisodiy siyosati GFR «Marshall rejasi» doirasida olgan salmoqli moliyaviy «darmon» bilan qoʻshilib shunga olib keldiki, 1955-yildayoq misli koʻrilmagan taraqqiyotga erishildi. Germaniya eng qisqa tarixiy muddatda urush qoldirgan yaralarni tuzata oldi. Butun 1960—1970-yillar iqtisodning jadal oʻsish davri boʻlib, **«nemis iqtisodiy moʻjizasi»** nomini oldi.

1980-yillar boshida siyosiy kuchlarda oʻzgarish yuz berdi. 1982-yili xristian-demokrat **Gelmut Kol** GFR kansleri qilib saylandi. Uning davrida soliqlar qisqartirildi va davlat xarajatlari tartibga solindi, davlatning biznesga aralashuvini kamaytirish, raqobatni ragʻbatlantirish boʻyicha tadbirlar amalga oshirildi.

1989-yili GDRda inqilob boshlanib ketdi, ikki davlatni ajratib turgan, «sovuq urush» ramzi boʻlgan Berlin devori buzib tashlandi. Germaniyaning ikki qismini birlashtirish boʻyicha muzokaralar muvaffaqiyatli yakunlandi. **1990-yil 3-oktabr** kuni yagona Germaniya davlati tashkil topganligi e'lon qilindi. 1990-yil dekabrda boʻlib oʻtgan navbatdan tashqari saylovlarda yana G. Kol boshchiligidagi koalitsiya gʻalaba qozondi.



1982-yilda xristian-demokrat Gelmut Kol GFR kansleri qilib saylandi.

1989-yilda GDRda inqilob boshlanib, Berlin devori buzib tashlandi.

Italiya Respublikasi. Fashistik rejim va Ikkinchi jahon urushi italyan xalqiga juda katta musibatlar keltirdi. Yuz minglab kishilar halok boʻldi, millionlab odamlar boshpanasiz qoldi. Pulning qadrsizlanishi oʻta yuqori darajaga yetdi.



Ikkinchi jahon urushi Italiya uchun qanday natijalar bilan yakunlangan edi?

1948-yil 1-yanvardan Italiyaning yangi konstitutsiyasi kuchga kirdi. Hukumat Gʻarbning yetakchi davlatlari bilan ittifoqchi boʻlishga intildi. Italiya «Marshall rejasi»ga qoʻshildi, NATOga a'zo boʻldi, uning hududida AQSHning harbiy bazalari joylashtirildi. Italiya huku-

mati Yevropa integratsiyasi gʻoyasini faol hayotga tatbiq qilib bordi. **1957-yili** Yevropa iqtisodiy hamkorligini (YIH) tuzish toʻgʻrisida Rim shartnomasi imzolandi.

Urushdan keyingi oʻn yillikda Italiya Gʻarbning boshqa davlatlari singari jadal iqtisodiy oʻsish davrini boshdan kechirdi. Ammo bu jarayon uzoq davom etmadi.

1950—1960-yillardagi jadal rivojlanishga qaramasdan, ishchilar harakati avvalgi darajasida qoldi, ba'zan hatto faollashdi ham. Ish tashlash harakati boʻyicha Italiya boshqa mamlakatlardan ancha oldinlab ketdi.

1974-yili İtaliyada chuqur iqtisodiy inqiroz boshlandi. İshlab chiqarishning oʻsishi deyarli toʻliq toʻxtadi, ishsizlar soni koʻpaydi, tashqi savdoda defitsit oshib ketdi. Narx-navo koʻtirilib bordi. Bularning barchasi, ayniqsa, aholining kam daromadli qismi uchun juda ogʻir boʻldi.



1948-yil 1-yanvar... 1950–1960-yillarda... 1957-yilda... 1974-yilda...

1980-yillarga kelib koalitsion hukumat shakllandi. Biroq u barqaror emasdi va hukumatning tez-tez almashishi Italiyaning oʻziga xos an'anasiga aylanib qoldi. Italiyada davlat institutlarining chuqur inqirozi, shuningdek, mafiya tizimlarining faoliyati bilan ham bogʻliq edi. Davlat tizimidagi korrupsiyalashgan unsurlar bilan qoʻshilib ketgan mafiya Italiyada katta kuchga aylandi. Mafiya aholiga dahshat soladi, uni qoʻrqitadi, talonchilik va qotillik qiladi, pul undiradi, doimiy pul toʻlab turgan boylarning daxlsizligini ta'minlaydi. Kim mafiya bilan kelishmasa uni doimiy ta'qib qiladi, oʻldiradi. 1980–1990-yillar boshlari Italiyada mafiyaga qarshi kurash davri boʻldi.



1957-yili Yevropa iqtisodiy hamkorligini (YIH) tuzish toʻgʻrisida Rim shartnomasi imzolandi.
1980-yillarga kelib Italiyada koalitsion hukumat shakllandi.

**Kansler** – Germaniya va Avstriyada hukumat boshligʻi, bosh vazir shunday ataladi.

**Defitsit** – taqchillik, biron-bir narsaning yetish-masligi. Masalan, chetga tovar sotish – eksportga nisbatan chetdan tovar olib kirish – importning oshib ketishi tashqi saydo defitsiti deb ataladi.

**Mafiya** – zoʻrlik, qoʻrqitish, terror, qotillik, igʻvogarlik usullari bilan iqtisodiy va siyosiy maqsadlarga erishish uchun tuziladigan maxfiy uyushma; uyushgan jinoyatchilik tashkiloti.

#### Mustahkamlash uchun savol va topshiriqlar

- 1. Urushdan keyingi Germaniyaning ahvoli toʻgʻrisida gapirib bering.
- 2. GFRda K. Adenauer siyosati va «Marshall rejasi» mamlakat iqtisodiyotining tiklanishi va oʻsishida qanday rol oʻynadi?
- 3. Berlin devorining qulashi va Germaniyaning birlashishi haqida nimalar bilasiz?
- 4. 1950–1960-yillardagi Italiya taraqqiyoti toʻgʻrisida gapirib bering. Bu davrda Italiyaning rivojlanishi Germaniyaning shu davrdagi rivojlanishidan nimasi bilan farq qiladi?
  - 5. 1970-yillarda İtaliyadagi siyosiy beqarorlikning sabablari nimada edi?
- 6. XX asr oxiri-XXI asr boshlarida Italiya taraqqiyotining oʻziga xos jihatlari nimalardan iborat?

## Mustagil ish



Xaritadan foydanalib Germaniya Federativ Respublikasi va Germaniya Demokratik Respublikasi hududiga kiruvchi yerlarni daftaringizga yozing.



«Berlin devorining qulashi» mavzusida kichik oʻquv loyihasini tayyorlang va toʻgarak mashgʻulotida taqdimot qilishga tayyorgarlik koʻring.



facebook.com saytidan Zarif Sultonning «Berlin devoriga chizgilar» («Tugamagan qoʻshiq») she'rini koʻchirib oling, oʻqing hamda «Insert» chizmasi yordamida she'r matnini tahlil qiling.

## 23-MAVZU. 1946–1991-YILLARDA YAPONIYA VA OSIYONING YANGI INDUSTRIAL MAMLAKATLARI

Ikkinchi jahon urushida Yaponiya magʻlubiyatga uchradi. Urushda 6,5 mln. yaponlar halok boʻldi, Yaponiya oʻzining barcha mustamlakalaridan ayrildi. Mamlakat AQSH tomonidan okkupatsiya qilinib, hokimiyat general **Duglas Makartur** boshchiligidagi AQSH okkupatsion qoʻshinlari shtabiga oʻtdi. 1952-yilgacha Yaponiya hukumati shu shtab tomonidan nazorat qilindi, mamlakatni modernizatsiya qilish boʻyicha reja va tashabbuslar ham shu shtabga tegishli edi.



Ikkinchi jahon urushi Yaponiya uchun qanday natijalar bilan yakunlangan edi?

Yaponiyada demokratik jarayonlarni boshlagan amerikaliklar ikkita maqsadni: **birinchidan,** Yaponiyaning demokratik davlatga aylanishi va hech qachon boshqalarga xavf solmasligini; **ikkinchidan,** yaponlarda oʻzining ming yillik jangchilik an'analariga ega boʻlgan jangovarlik ruhini sindirishni koʻzlagan edilar.



«Yaponcha milliy ruh» tushunchasiga ta'rif bering.

Shu yillari AQSHning iqtisodiy yordami ham toʻxtovsiz oshib bordi. Yaponiyada mehnat munosabatlarini demokratlashtirish maqsadida **1946-yil** kasaba uyushmalari toʻgʻrisida qonun qabul qilindi. Osiyocha tafakkur, mehnat an'analariga ega boʻlgan yaponlarni

gʻarbcha mehnat usullariga koʻniktirish oson kechmadi. Amerikaliklar yaponlarni eng zamonaviy biznes usullari bilan tanishtirib bordi. **1950-yildan** kadrlar tayyorlashning amerikacha standartlari joriy qilindi. Yapon mahsulotlarining sifatini oshirishga katta e'tibor qaratildi. **Edvards Deming** va boshqa amerikalik mashhur iqtisodchilar ma'ruzalar bilan chiqdi. Yaponiya iqtisodini boshqarish davlat tizimi yaratildi. Bu tadbirlar 1950–1960-yillarda Yaponiyaning toʻliq iqtisodiy tiklanishiga olib keldi.

Yaponiyada demokratiyaning shakllanishi. Ayni paytda demokratik islohotlar ham olib borildi. Siyosiy va diniy erkinliklar toʻgʻrisida direktiva qabul qilindi. Matbuotda senzura bekor qilindi, barcha siyosiy mahbuslar ozod etildi, ilgarigi militaristik jamoat tashkilotlari tarqatib yuborildi. Siyosiy partiyalarni qayta tuzish jarayoni boshlandi. Amerikaliklar yaponlarni demokratiya sharoitida yashashga oʻrgatdi.

Yaponiya iqtisodiy moʻjizasi. Butun dunyoda «yapon iqtisodiy moʻjizasi» deb iqtisodning nihoyatda jadal—yiliga 11 % dan rivojlanish davriga aytiladi. Bu davr 1956—1970-yillarni oʻz ichiga oladi. Unda ayniqsa, sanoatning oʻsish sur'atlari juda yuqori boʻlib, bu, asosan, ogʻir sanoat va kimyo ishlab chiqarishini rivojlantirish hisobiga yuz berdi. 1960-yillarning oxiriga kelib Yaponiya yalpi ichki mahsulotning hajmi boʻyicha dunyoda AQSHdan keyin ikkinchi oʻringa chiqib oldi. Yaponiya oʻz yutuqlarini Tokioda boʻlib oʻtgan «EKSPO—70» koʻrgazmasida muvaffaqiyatli namoyish qildi.

Postindustrial modelning shakllanishi. Yapon «iqtisodiy moʻjizasi» arzon neftga asoslangan boʻlib, 1970-yillardagi neft inqirozi Yaponiyani oʻz iqtisodiy tizimini keskin oʻzgartirishga majbur qildi. Sanoatda ilmtalab ishlab chiqarish sohalariga asosiy e'tibor qaratildi. Mahsulot qiymatining asosiy qismini ilmiy yangiliklar, xodimlar ning texnik malakasi, dizayn, nou-xau va shu kabilar tashkil qildi. 1980-yillardan Yaponiyada 26 ta texnopolislar tashkil qilindi. Shu yillari Yaponiya jahon bozoriga yangi turdagi mahsulotlar — mikroprotsessorlar, personal kompyuterlar, sanoat robotlari va tez oʻzgaruvchan ishlab chiqarish tizimlari bilan chiqdi. Mamlakatda postindustrial iqtisodiy model shakllandi va u postindustrial sivilizatsiyaga asos boʻldi.

Osiyoning yangi industrial mamlakatlari. XX asrning 60-80-yillarida Osiyoning bir qator mamlakatlari jadal modernizatsiyalashni amalga oshirish orqali taraqqiyotning yuksak sur'atlarini ta'minlashga

erishdi. Masalan, Janubiy Koreya, Tayvan, Singapur, Gonkong kabi davlatlarni «Osiyo yoʻlbarslari», «yangi industrial davlatlar» deb atay boshladilar.



1956–1970-yillar ... 1970-yillarda ... 1946-yilda ... 1980-yillardan ...

XX asrning ikkinchi yarmida «yangi industrial davlatlar» Osiyo qit'asida barqaror ijtimoiy-iqtisodiy taraqqiyotning timsoliga aylandi. Bitta avlodning koʻz oʻngida mamlakat qoloqlikdan taraqqiyotning yuqori darajasiga erishdi. Bunga Janubiy Koreya yaqqol misol boʻlishi mumkin.

Juda kambagʻal boʻlgan Janubiy Koreyada 1970-yillardan ogʻir sanoat, avvalo, metallurgiya, mashinasozlik,



Koreya Respublikasi.


kimyo sanoati rivojlantirildi. Elektronika sanoati jadal taraqqiy etdi. Dastlab lampali radiopriyomniklar, oq-qora televizorlardan boshlagan Janubiy Koreya, keyin magnitofonlar, rangli televizorlar, kompyuterlar, mikrosxemalar, soʻngra videomagnitofonlar, lazerli proigrivatellar, mikrotoʻlqinli pechlar va nihoyat personal IBMlar ishlab chiqarishga oʻtdi.

Tashqi savdoda ham shunga mos oʻzgarishlar yuz berdi. Janubiy Koreya poʻlat, dengiz kemalari, avtomobillar, uy-roʻzgʻor elektronikasi va boshqa shu kabi mahsulotlarni eksport qilish boʻyicha dunyo liderlari safidan oʻrin egalladi.

1990-yillarga kelib Janubiy Koreya iqtisodiy rivojlangan industrial davlat sifatida shakllandi va postindustrial taraqqiyot elementlariga ega boʻlib, jahon iqtisodiyotida muhim oʻrin egalladi.

1946-yilda Yaponiyada mehnat munosabatlarini demokratlashtirish maqsadida kasaba uyushmalari toʻgʻrisida qonun qabul qilindi.

1970-yillardan Janubiy Koreyada ogʻir sanoat, avvalo, metallurgiya, mashinasozlik, kimyo sanoati rivojlantirildi.



Koreya respublikasi.

**Tayland, Malayziya, Indoneziya, Filippin** Yaponiya modeli asosida kapitalistik taraqqiyot yoʻlidan rivojlanayotgan va bunda yuqori natijalarga erishayotgan ikkinchi toʻlqin davlatlari hisoblanadi.

Osiyodagi yangi industrial davlatlarning barchasini parlament demokratiyasi va koʻppartiyaviylik tizimi, xususiy mulkka asoslangan tadbirkorlikni va erkin bozorni taraqqiy ettirish, rivojlangan mamlakatlarning yordamiga tayanish va tashqi investitsiyalar uchun qulay sharoit yaratish kabi umumiy jihatlar birlashtirib turadi.

**Direktiva** – yuqori tashkilotning unga boʻysunuvchi tashkilotlarga beradigan koʻrsatmasi, bajarilishi lozim boʻlgan hujjat.

**Militarizm** – jamiyatda harbiylar qatlami va harbiy ruhning ustuvorligiga, harbiy kuchga tayanuvchi siyosiy tizim. Bu tizimda davlat xarajatlarining katta qismi harbiy maqsadlarga yoʻnaltiriladi.

**Texnopolis** – texnologik yangiliklarni samarali qoʻllash maqsadida tashkil qilingan erkin iqtisodiy hudud. Faoliyatining asosini ilmiy tadqiqotlar tashkil qiladi.

**Investitsiya** – iqtisodiyotning biron-bir sohasiga uzoq muddatli kapital kiritish.

**Dizayn** – loyihalash, chizish, oʻylab topish. Dizayn – bu loyihalash tafakkuri va ijodning uygʻunligiga asoslangan faoliyat turi.

Nou-xau – biron turdagi ishlab chiqarishni tashkil qilish uchun zarur boʻlgan texnik, tijorat va boshqa bilimlar majmuyi. Bu atama hujjatlar almashinuvi, ishchilarni oʻqitish, mutaxassislar ishtiroki koʻzda tutilgan xalqaro kelishuv va shartnomalarda qoʻllaniladi.

# Mustahkamlash uchun savol va topshiriqlar

- 1. Urushdan keyingi Yaponiyaning ahvoliga umumiy ta'rif bering.
- 2. Yaponiyada demokratik jarayonlarni boshlagan amerikaliklar oʻz oldilariga qanday maqsadlarni qoʻygan edi?
- 3. Yaponiya iqtisodini isloh qilishda D. Makkartur boshchiligidagi Amerika ma'murlari qanday rol oʻynadi?
- 4. Yaponiya «iqtisodiy moʻjizasi»ning asosiy omillari nimalardan iborat edi?
- 5. 1970-yillarda Yaponiya iqtisodi duch kelgan muammolar nimalardan iborat edi?

- 6. Yaponiyada postindustrial iqtisodiy moliyaning shakllanishiga ganday omillar turtki boʻldi?
- 7. Osiyoning «Yangi industrial daylatlari» atamasi qachon paydo boʻlgan?
- 8. Osiyoning «Yangi industrial davlatlari»ni qanday umumiy jihatlar birlashtirib turadi?

#### Mustaqil ish



Koreya Respublikasi xaritasi bilan tanishing ma'muriy-hududiy birliklarning nomlarini daftaringizga gayd eting hamda ularni yod olishga harakat qiling.



Internet vositasida Yapon orollariga virtual sayohat uyushtiring va mavzuda oʻrganilgan materiallar asosida tarixiy voqeliklarni tahlil qiling.



Yapon yozuvchisi Yasusi Inouening «G'arb o'lkasi haqidagi xotiralar» kitobining «Gʻarb oʻlkasi haqidagi birinchi xotiralar» qismini oʻqing hamda Oʻzbekistonning Toshkent, Samarqand, Buxoro kabi shaharlari haqidagi ma'lumotlarni qisqacha konspekt qiling.

# 24-MAVZU. 1946-1991-YILLARDA XITOY XALQ RESPUBLIKASI

Ikkinchi jahon urushi yillarida Xitoyda rasmiy hokimiyat Chan Kayshi boshchiligidagi Gomindan partiyasi (Milliy partiya)ga tegishli edi. 1945-yili mamlakat hududi va aholisining katta qismi gomindanchi Chan Kayshi hukumati tomonidan nazorat qilinardi.



Xitoyda Gomindan partiyasi qachon tuzilgan edi?

Chan Kayshi hukumati BMTni tuzishda faol qatnashdi va buyuk davlat sifatida Xavfsizlik Kengashining beshta doimiy a'zolaridan biri boʻldi. 1945-yil avgustda SSSR va AQSH vositachiligida Xitoy Kommunistik partiyasi bilan Gomindan oʻrtasida muzokaralar boʻlib, oʻzaro dushmanlik harakatlarini toʻxtatishga kelishildi.

**Fuqarolar urushi.** Ammo dunyoda «sovuq urush» boshlanib ketgan, SSSR va AQSH endi Xitoyda voqealarning tinch rivojlanishidan manfaatdor emasdi. Bu vaqtga kelib kommunistlar bilan gomindanchilar oʻrtasidagi munosabatlar ham yomonlashib bordi. Hech kim kutmagan holda **1946-yil iyunda** Xitoyda fuqarolar urushi qaytadan boshlandi.

AQSH tomonidan qoʻllab-quvvatlangan Chan Kayshi armiyasi 1947-yili kommunistlarning poytaxti Yanan shahrini egallab oldi. Ammo bu fuqarolar urushida gomindanchilarning oxirgi gʻalabasi boʻldi.

Hukumat tomonidan nazorat qilinayotgan hududlarda AQSH yordamiga qaramasdan ijtimoiy-iqtisodiy ahvol borgan sari yomonlashib bordi. Uzoq urush tufayli iqtisod izdan chiqdi, ishsizlar soni muttasil ortib bordi, odamlar norozilik bildira boshladi. Bir qator hududlarda gʻalayonlar boshlandi.

Ayni paytda Mao Szedun boshchiligidagi kommunistlar nazorat qilayotgan hududlarga SSSR juda katta yordam koʻrsatdi. SSSRning iqtisodiy yordami va quroli bilan Xalq-ozodlik armiyasi qayta tuzildi, armiyada qat'iy tartib oʻrnatildi. Bu harakatlar urush taqdirini keskin oʻzgartirish imkonini berdi.

1947-yil iyulda Xalq-ozodlik armiyasi hujumga oʻtdi. Bir necha hujumlar natijasida Shimoliy va Markaziy Xitoyning keng hududlari kommunistlar nazorati ostiga oʻtdi. Gomindan armiyasida toʻliq tushkunlik boshlandi. Gomindan rejimi iqtisodiy va moliyaviy halokat yoqasida turardi. AQSH uni saqlab qolishga harakat qildi.

Ammo tez orada kommunistlar butun Xitoyni egallab oldi. 1949-yil sentabrda Pekinda Milliy siyosiy maslahat konferensiyasi ochildi. **1-oktabr kuni** Xitoy Xalq Respublikasi e'lon qilindi.

1952-yil dekabrda Xitoy Kommunistik partiyasi Markaziy Komiteti mamlakatda «sotsializm qurish» toʻgʻrisida qaror qabul qildi. Unda mamlakatni industr



Mao Szedun-Xitoy xalqi dohiysi.

lashtirish, ishlab chiqarish munosabatlarini qayta qurish, siyosiy demokratiyani rivojlantirish koʻzda tutildi. Bu vazifalarni bajarish uzoq muddatga, 15 yilga moʻljallangan boʻlib, bu muddatda ularning aksariyati amalga oshmay qoldi.

1960-yillarda Xitoyni rivojlantirishning **«Katta sakrash»**, 1970-yillarda **«Madaniy inqilob»** deb nomlangan oʻta ziddiyatli siyosatlari amalga oshirilib, ular Xitoyga hech qanday iqtisodiy va siyosiy foyda keltirmadi. Aksincha, mamlakatning ahvolini ogʻirlashtirdi.




1946-yil iyunda... 1949-yil 1-oktabr...

1947-yilda... 1952-yil dekabrda...

Yangi islohotlarning boshlanishi. Mao Szedun vafotidan soʻng hokimiyatga kelgan Den Syaopin va boshqa pragmatiklar 1970-yillarning oxiridan Xitoyda islohotlarning yangi strategiyasini ishlab chiqdi. 1981-yildan qishloq xoʻjaligini keng miqyosda qayta qurish boshlandi. Natijada Xitoy oʻzini oziq-ovqat mahsulotlari bilan ta'minlash muammosini hal qilib, mahsulotlarni chetga eksport qila boshladi.

Siyosiy rivojlanishda kommunistik rejimning asosiy jihatlari saqlab qolindi. 1989-yil bahorda Pekin talabalarining norozilik namoyishiga boshqa shaharlarda millionlab ziyolilar qoʻshildi. 1989-yil mayda Pekinda favqulodda holat e'lon qilindi. **Den Syaopin Tyananmin maydonidagi** namoyishni kuch bilan tarqatib yuborishni buyurdi. Talabalarga qarshi qurolli kuch ishlatildi, yuzlab yoshlar halok boʻldi, koʻplab kishilar qamoqqa olindi. AQSH Kongressi Xitoyga qarshi sanksiya e'lon qildi. Ammo industrial mamlakatlar bilan munosabatlarning yomonlashuvi yuz bermadi. Chunki bu paytga kelib Xitoy juda katta ta'sirga ega mamlakatga aylangan edi. Bu voqealarga qaramasdan, Xitoyda islohotlar davom ettirildi.

**Tashqi siyosat.** Xalqaro munosabatlarda Xitoy uzoq yillar oʻzini ikkinchi darajali davlat sifatida his etib keldi. Xitoy BMT va boshqa xalqaro tashkilotlarda oʻz oʻrniga ega emasdi, uning oʻrnini Tayvanda joylashib olgan Chan Kayshi boshchiligidagi gomindanchilar egallagandi. Koʻplab Gʻarb davlatlari bilan normal munosabatlar mavjud emasdi.



Xitoy Xalq Respublikasi.



1981-yildan qishloq xoʻjaligini keng miqyosda qayta qurish boshlandi.

1989-yil mayda Pekinda favqulodda holat e'lon qilindi.

1970-yillardan boshlab holat oʻzgardi. Gʻarb davlatlari bilan diplomatik munosabatlar tiklandi, Tayvan oʻrniga BMTda oʻz oʻrnini egalladi. AQSH bilan munosabatlar yaxshilandi, faqat SSSR bilan murakkabligicha qoldi. 1980-yillari Xitoy yadro quroliga ega boʻlgan davlatga aylandi va xalqaro munosabatlarda shunga yarasha oʻrin egallashga intildi. 1980-yillarning ikkinchi yarmidan SSSR bilan ham munosabatlar yaxshilandi.



**Pragmatik** – pragmatizm tarafdori, falsafiy tizim. Maishiy ma'noda pragmatik – hayotga nisbatan o'z qarashlari va amallarini foydali natijalarga qarab shakllantiruvchi kishi.

**Strategiya** – hukumatning ishlab chiqarish, daromad va xarajat, budjet, soliq, kapital kiritish, narx-navo, ijtimoiy himoya borasidagi uzoq muddatli, eng muhim tadbirlari rejasi.

**Sanksiya** – xalqaro kelishuv va normalarni buzgan bir guruh shaxslar yoki butun boshli davlatga nisbatan qoʻllaniladigan cheklov chorasi. Sanksiya iqtisodiy, harbiy, siyosiy va boshqa turda boʻlishi mumkin.

**Katta sakrash**–1960-yillari Xitoyda sotsialistik iqtisodni shakllantirish uchun qoʻllanilgan siyosat.

#### Mustahkamlash uchun savol va topshiriqlar

- 1. Xitoyda fuqarolar urushining boshlanishiga nima sabab boʻldi va u qanday yakunlandi?
- 2. Xitoyda amalga oshirilgan «Katta sakrash» siyosatining mohiyati nimada edi?
- 3. Madaniy inqilob va uning Xitoy uchun oqibatlari nimalardan iborat boʻldi?
- 4. Xitoyda yangi islohotlarning boshlanishiga qanday sabablar turt-ki boʻldi?
- 5. XX asrning 80-90-yillarida Xitoy tashqi siyosati haqida nimalar bilasiz?
- 6. Xitoydagi islohotlar XXI asr boshlariga kelib qanday natijalarga olib keldi?

#### Mustaqil ish



Mavzu matnida ifoda etilgan tarixiy voqelik yuz bergan hududlarni Xitoy xaritasida aks ettirishga harakat qiling.



O'tkir Hoshimovning «Daftar hoshiyasidagi bitiklar» kitobidan olingan quyidagi qatrani oʻqing va daftaringizga mavzu bilan bogʻlagan holda asoslangan esse yozing: «Urushning yaxshisi boʻlmaydi. dahshatli urush – fuqarolar urushi. Negaki, u avloddan avlodga «meros» o'tib, abadiy dayom etadi!»

## 25-MAVZU. 1946–1991-YILLARDA HINDISTON VA POKISTON

Ikkinchi jahon urushi tugashi bilan Hindistondagi hind va musulmon diniy jamoalari oʻrtasida kelishmovchiliklar yanada keskinlashdi. Buning ustiga urushdan keyingi oziq-ovqat inqirozi Hindistonni deyarli ocharchilik holatiga olib kelib, ahvolni juda murakkablashtirdi. Bu holat Buyuk Britaniyani tezroq Hindistonni tark etishga majbur qildi.



Hindiston milliy mustaqilligi uchun kurashgan qaysi vatanparvarlarni bilasiz?

Mustaqillikning e'lon qilinishi. 1946-yil 9-dekabrda Ta'sis majlisi ochildi. Inglizlar Hindistonni ikkita davlatga – Hindiston va Pokistonga bo'lish rejasini ishlab chiqdi. Aholining hind va musulmon diniy jamoalariga mansubligi boʻlinish uchun asos qilib olindi.

kuni ikkita mustaqil davlat – Hindiston va 1947-vil 15-avgust Pokiston tashkil topganligi e'lon qilindi. Hindiston hukumatini Javaharlal Neru, Pokistonnikini esa Liikat Alixon boshqardi.

Hidistonning boʻlinishi koʻplab muammolarni keltirib chiqardi. Boʻlinish paytidagi mojarolarda odamlarning ommaviy oʻldirilishi uzoq yillarga Hindiston va Pokiston oʻrtasida oʻzaro dushmanlik hissini shakllantirdi. O'z yurtini tashlab, boshqa hududlarga ko'chish ham millionlab kishilar hayotiga salbiy ta'sir koʻrsatdi. Musulmonlarni himoya qilganlikda ayblangan Maxatma Gandi hind-mutaassibi tomonidan oʻldirildi.

M. Gandining o'limi hindlar uchun juda katta milliy fojia bo'ldi. Bu fojia jazavaga tushgan olomonni biroz jilovladi, oʻylab koʻrishga, qon toʻkishni toʻxtatishga majbur qildi.

**Iqtisodiy rivojlanish.** Mustamlakachilikning iqtisodiy qoldiqlarini yengib oʻtish oson kechmadi. Hukumat keng islohotlar olib bordi. Iqtisodning barcha sohalari erkin bozor siyosatiga jalb qilinib, ular asosini xususiy tadbirkorlik va xususiy investitsiyalar tashkil qildi.



1946-yil 9-dekabrda... 1947-yil 15-avgust... Hindiston tarixida M. Gandi faoliyati...



Hindiston va Pokiston.

Eng katta islohot agrar sohada oʻtkazildi. Yer unda mehnat qiladigan dehqonlarga tarqatildi. Yerni ijaraga berib, undan foyda olishga asoslangan tizim bekor qilindi. Biroq mehnat unumdorligi oʻsmadi, hosildorlik juda sekin oʻsdi, oziq-ovqat muammosi yana uzoq vaqt saqlanib qoldi.

1950-yillarning ikkinchi yarmi — 1960-yillar Hindistonda jadal industrlashtirish boshlandi. Davlatga qarashli yirik sanoat korxonalari qurildi. Ammo iqtisodiy oʻsish natijalari aholining oʻsish sur'atlari oldida juda past boʻlib, yalpi milliy mahsulotning yarmidan koʻpi ichki iste'molga sarf qilinar edi. Natijada 1960-yillarda sogʻliqni saqlash, ta'lim, fan va madaniyat sohalarida erishilgan muvaffaqiyatlarga, iqtisodiyotdagi oʻzgarishlarga qaramasdan, aholining yashash darajasi, turmush madaniyati pastligicha qolaverdi.

Zamonaviy siyosiy tizimning shakllanishi. XX asrda mustaqillikka erishgan Osiyo va Afrika mamlakatlari ichida Hindiston muqim parlament demokratiyasini shakllantira olgan yagona davlat boʻldi. 1949-yili Hindistonning yangi Konstitutsiyasi qabul qilindi. Konstitutsiya asosiy demokratik erkinliklar, inson huquqlari, kastalar tengligini, hokimiyatning boʻlinishi prinsipini e'lon qildi.

1960–1970-yillardagi inqiroz. 1965-yil Hindiston bilan Pokiston oʻrtasida boshlangan urush Hindistonda ichki siyosiy barqarorlikka ham salbiy ta'sir koʻrsatdi. Urushni toʻxtatish uchun 1966-yili Toshkentda Hindiston va Pokiston oʻrtasida muzokaralar boʻlib oʻtdi. Muzokaralar muvaffaqiyatli yakunlanib, Toshkent deklaratsiyasi qabul qilindi.



Shu davrda iqtisodiy qiyinchiliklar ham ortib bordi. 1966—1967-yillarda iqtisodda turgʻunlik yuz berdi. Keyingi yillarda ham sanoat oʻsishi past darajada boʻldi. Mamlakatga ochlik doimiy xavf solib turdi. 1960-yillarda agrar islohot oʻtkazildi. Ammo u ahvolni sezilarli yaxshilamadi. Hind dehqonlari hali ham ochlik darajasida kun kechirardi.

Shunday holatda bosh vazir Indira Gandi 1970-yillarda bir qator muhim islohotlarni amalga oshirdi. Ular, asosan, iqtisodga davlat aralashuvini kamaytirishga qaratilgan edi. Natijalar yomon boʻlmadi. Sanoat va qishloq xoʻjaligining yillik oʻsishi keskin oshdi. 1980-yil-

lar oʻrtalaridan mamlakat gʻalla bilan oʻzini oʻzi ta'minlay boshladi. Chet el investitsiyalari ham koʻpaydi.

Ammo 1990-yillar boshida Hindistonning iqtisodiy ahvoli yana yomonlashdi. Iqtisodiy oʻsish deyarli toʻxtadi, inflatsiya kuchaydi, ishsizlik oshdi.



Indira Gandi.

**Tashqi siyosatda.** 1950-yillari **«J. Neru kursi»** shakllandi. Bu buyuk davlatlar oʻrtasidagi mojarolardan chetda turish siyosati edi. J. Neru Qoʻshilmaslik harakatining tashabbuskorlaridan biri boʻldi. Qoʻshilmaslik harakati Hindistonning butun XX asrdagi tashqi siyosatini belgilab berdi.

**Pokiston.** Islom dini Pokiston uchun millatni jipslashtiruvchi omil boʻlib keldi. Ammo mustaqillikdan soʻng mamlakat murakkab siyosiy jarayonlarni boshidan kechirdi. Diniy va hududiy mojarolar barqaror siyosiy tizimning shakllanishiga, iqtisodning rivojlanishiga xalaqit berdi. Pokistonda mehnatkashlarning ahvoli ogʻirligicha qoldi.

1977-yili harbiy toʻntarish roʻy berdi — hokimiyatga general Ziyo ul-Haq keldi. U parlamentni tarqatib yubordi, premyer-ministrni vazifasidan ozod qildi va erkin saylovlar tayinladi. 1988-yilgi saylovlar natijasida hokimiyatga Benazir Bxutto boshchiligidagi Pokiston xalq partiyasi keldi. B. Bxutto mamlakatning bosh vaziri boʻldi. Ziyo ul-Haq davrida qamoqqa olingan barcha siyosiy arboblarga amnistiya berildi.



1947-yil 15-avgust kuni ikkita mustaqil davlat—Hindiston va Pokiston tashkil topganligi e'lon qilindi.

1966-yili Hindiston va Pokiston oʻrtasida Toshkent deklaratsiyasi qabul qilindi.

1977-yili Pokistonda harbiy toʻntarish roʻy berdi.

1990-yili Pokiston prezidenti B. Bxutto hukumatini korrupsiyada ayblab, bosh vazirni lavozimidan ozod qildi, yangi saylov oʻtkazdi va unda B. Bxutto magʻlubiyatga uchradi.



**Amnistiya** – hokimiyatning oliy organi tomonidan jinoyat sodir etganlarga nisbatan qoʻllaniladigan jinoiy jazodan qisman yoki toʻliq ozod etish usuli.

Kurs – siyosat yoʻnalishi, yoʻl.

#### Mustahkamlash uchun savol va topshiriqlar

- 1. Urushdan keyin nima uchun Hindistonni mustaqil va yagona davlat tarzida saqlab qolishning iloji boʻlmadi?
  - 2. Hindistonning boʻlinishi qanday muammolarni keltirib chiqardi?
- 3. Qanday omillar Hindistonda zamonaviy siyosiy tizimning shakl-lanishiga sabab boʻldi?
- 4. Pokiston mustaqillikka erishgandan soʻng 1950–1960-yillarda qanday siyosiy holat vujudga keldi?
  - 5. Pokistonda 1977-yilgi harbiy toʻntarish qanday natija bilan tugadi?

#### Mustaqil ish



Xaritadan foydalanib, Hindiston va Pokistonga tegishli hududlarni daftaringizga ajratib yozing va hududiy boʻlinishga oʻz munosabatingizni bildiring.



XX asrning 60-yillaridan boshlab Oʻzbekistonda mashhur boʻlgan Hind kinolari roʻyxatini tuzing va «Mening sevimli filmim» mavzusida esse yozing.



n.ziyouz.com saytidan Sharof Rashidovning «Kashmir qoʻshigʻi» qissasini koʻchirib oling va oʻqing hamda kichik oʻquv loyihasini tayyorlab, toʻgarak mashgʻulotida taqdimotini oʻtkazing.

# 26-MAVZU. 1946–1991-YILLARDA TURKIYA, ERON VA AFG'ONISTON

1946–1980-yillarda Turkiya. Turkiya prezidenti Ismet Inyonyu Ikkinchi jahon urushidan soʻng Otaturkning yoʻlini davom ettirdi, mamlakatda bitta partiya diktaturasi saqlanib qoldi.



Usmoniy turklar davlati haqida nimalar bilasiz?

«Sovuq urush» yillarida Turkiya Gʻarb bilan birga boʻldi. Buyuk Britaniya, keyin AQSH Turkiyaga moliyaviy va iqtisodiy yordam koʻrsatdi. Turkiya «Marshall rejasi»ga kiritildi, NATOga a'zo boʻldi.



Turg'ut O'zol.

Gʻarb davlatlari bilan hamkorlikka, ularning yordamiga qaramasdan, 1980-yillargacha Turkiyada iqtisodiy oʻsish sur'atlari past boʻldi. Demokratik jarayonlar sekin rivojlanib, siyosatda armiyaning roli yuqoriligicha qoldi. Bu 1960–1970-yillarda bir qator harbiy toʻntarishlarga olib keldi.

1980-yil sentabrda general **Kenan Evren** navbatdagi harbiy toʻntarish oʻtkazib, yana harbiylar hokimiyatni qoʻlga

oldi. Oʻta qattiq, hatto, dahshatli usullar bilan boʻlsa-da, mamlakatda tartib oʻrnatildi. **1982-yil noyabrda** oʻtkazilgan referendum yangi konstitutsiyani tasdiqladi.



Turkiya va Eron.

1983-yili Turkiya bosh vaziri boʻlgan **Turgʻut Oʻzol** Turkiyada XX asrning oxirlarida amalga oshirilgan islohotlarda juda katta rol oʻynadi. U Turkiyada zudlik bilan iqtisodiy islohotlar boshlab yubordi. Iqtisodda davlatning roli pasaydi, davlat sektorini keng xususiylashtirish boshlandi, eksportni ragʻbatlantirish toʻgʻrisida, erkin iqtisodiy zonalarni tuzish toʻgʻrisida qonunlar qabul qilindi. Natijada Turkiya jadal rivojlanish yoʻliga tushdi.

Iqtisodda davlat sektorining ustunligi urushdan keyingi Turkiyaning xarakterli jihati edi. Faqat T. Oʻzol islohotlari bunga chek qoʻydi, mamlakatda siyosiy holatning ham ijobiy tomonga oʻzgarishi yuz berdi. **1989-yilgi** saylovlarda T. Oʻzol Turkiya Respublikasi prezidenti

qilib saylandi. 1990-yildan bosh vazir lavozimini boshqa bir tajribali siyosatchi **Sulaymon Demirel** egalladi.

**Tashqi siyosatda** Turkiya uzoq yillardan beri Yevropa Ittifoqiga kirish uchun harakat qilib kelmoqda. Turkiyaning iqtisodiy va siyosiy jihatdan Yevropa bilan bogʻlanganligi, NATOning a'zosi boʻlganligiga qaramasdan, hamon Yevropa Ittifoqiga qabul qilinmadi.



1980-yil sentabrda... T.Oʻzol faoliyati... 1983-yilda Turkiya... S. Demirel faoliyati...

**Eron.** 1946-yili ingliz va sovet qoʻshinlari Erondan olib chiqib ketildi. 1950-yillarning birinchi yarmida Eron siyosati, asosan, mamlakat neft sanoatini natsionalizatsiya qilishga bagʻishlandi.



# Safaviylar davlati haqida nimalar bilasiz?

Eron shohi Muhammad Rizo Pahlaviy zamonaviy, oʻqimishli kishi edi. U mamlakatda korrupsiyaga qarshi, iqtisodiyotni modernizatsiya qilish uchun bir qator tadbirlarni amalga oshirdi. 1963-yil referendum oʻtkazilib, unda shoh mamlakatda islohotlar oʻtkazish taklifini kiritdi. Referendumda aholi shoh takliflarini qoʻlladi. Bu islohotlar



Muhammad Rizo Pahlaviy.

umumiy nom bilan **«oq inqilob»** deb ataldi. «Oq inqilob»ning oʻn yilida Eron iqtisodiy oʻsish boʻyicha dunyoda eng yuqori koʻrsatkichlarga erishdi. Eronning neftdan oladigan daromadi ham keskin oshdi. Sanoatning mashinasozlik, stanoksozlik va boshqa sohalari jadal rivojlandi.

Shoh hokimiyatining agʻdarilishi. Shoh islohotlari natijasida mamlakatning zamonaviylashuvi Erondagi dindor mutaassiblarni qattiq tashvishga soldi. Ular shohga qarshi tashviqot olib bordi. Bu tashviqot dindorlar boshchiligidagi xalq gʻalayonlariga olib keldi. Oqibatda 1979-yil fevralda hukumat iste'foga chiqdi. Shoh rejimi agʻdarildi, Eron Islom Respublikasi deb e'lon qi-

lindi. Dindor shaxslardan tuzilgan Kengash yangi konstitutsiyani ishlab chiqishga kirishdi. Zudlik bilan xulq-atvorning diniy normalari joriy qilindi: alkogol iste'mol qilish, musiqa, raqs, kino shaxmat oʻyini, kitoblar taqiqlandi, barcha kinoteatrlar yopildi. Ayollar islom an'analari boʻyicha kiyinishga, chodra oʻrab yurishga majbur qilindi.

Gʻarb mamlakatlari Eronga qarshi sanksiyalar e'lon qildi. Mamlakatning iqtisodiy ahvoli ogʻirlashib bordi. Shunday holatda **1980-yili** Iroq qoʻshinlari Eronga bostirib kirdi. Boshlangan Eron-Iroq urushi 1988-yilgacha davom etdi. Eronda oziq-ovqat qiyinchiligi boshlanib, kartochka tizimi joriy qilindi, iqtisod tanazzulga yuz tutdi. Butun dunyoda Eron xalqaro terrorizm va islom fundamentalizmi oʻchogʻi deb qaraladigan boʻldi. Shunday holatda inqilob yetakchisi, Eron Islom Respublikasi diniy rahbari Oyatilloh Ruhulloh Humayniy 1989-yili vafot etdi.

1990-yillarda iqtisod barqarorlashib, YIM (yalpi ichki mahsulot) ning oʻsish sur'atlari jadallashdi. Shu yillari islom radikalizmi ham biroz susaydi.



1963-yil... 1979-yil... Eron-Iroq urushi va uning natijalari...

**Afgʻoniston.** Afgʻoniston shohi **Muhammad Zohirshoh** ilmli kishi boʻlib, afgʻon jamiyatini yaxshi bilar va modernizatsiyalashning muhimligini chuqur his etardi.



Afg'oniston hukmdori Ahmadxon qachon hokimi-yat tepasiga kelgan edi?

Bu davrda Afgʻonistonga SSSR, Fransiya, Xitoy yordam koʻrsata boshladi, nemislar, yaponlar, hindlar hamkorlikdagi korxonalar qurdi. Ammo Ijtimoiy hayotda oʻzgarishlar sekin kechdi, keskin islohotlar amalga oshirilmadi. Shunga qaramasdan, bu oʻzgarishlar shohni agʻdarish tarafdorlarini faollashtirib yubordi. Natijada 1973-yili shoh taxtdan agʻdarildi. **Muhammad Dovud** prezident deb e'lon qilindi.

M. Dovud bir qator islohotlarni amalga oshirdi. Ammo bular afgʻon xalqining juda kam qismiga ta'sir qildi, xolos. Eng muhim tadbirlardan biri savodsizlikni tugatish boʻyicha davlat boshqarmasini

tuzish boʻldi. Davlat ta'limni toʻliq oʻz nazoratiga oldi, barcha maktablar va oʻquv yurtlari Maorif vazirligi ixtiyoriga oʻtkazildi.

1977-yili yangi Konstitutsiya qabul qilinib, unga koʻra M. Dovud umrbod prezident deb e'lon qilindi. Ammo M. Dovud armiya ustidan oʻz hukmronligini oʻrnata olmadi.



1978-yil 27-aprelda Afgʻoniston harbiy-havo kuchlari qoʻmondoni polkovnik Abdul Qodir boshchiligidagi harbiylar davlat toʻntarishini amalga oshirib, M. Dovudni hokimiyatdan chetlatdi. Inqilobiy kengash tuzilib, u oʻzini Afgʻonistondagi oliy hokimiyat deb e'lon qildi. Kengashga **Nur Muhammad Tarakiy** boshchilik qildi.



Afg'oniston.

Hokimiyatga kelgan guruh ichida ham birlik yoʻq edi. Natijada N.M. Tarakiy oʻldirildi. Hokimiyatni **Hafizullo Amin** oʻz qoʻliga oldi. U SSSRga murojaat qilib, Afgʻonistonga sovet qoʻshinlarini kiritishni soʻradi.

Shunday sharoitda **1979-yil dekabrda** Afgʻonistonga sovet qoʻshinlari kiritildi. H. Amin oʻldirildi. Mamlakatda ahvol ogʻirlashib, deyarli ocharchilik boshlandi. Millionlab kishilar mamlakatni tark etib, qoʻshni mamlakatlarda qochoqqa aylandi. Hokimiyatda turgan Afgʻoniston xalq demokratik partiyasi (AXDP) ga raqib boʻlgan jangari mujohidlar mamlakatning katta qismini nazorat qilardi.

1983-yilda Turgʻut Oʻzol Turkiya bosh vaziri boʻldi.

1963-yilda Eronda referendum oʻtkazilib, unda shoh mamlakatda islohotlar oʻtkazish taklifini kiritdi. 1979-yil dekabrda Afgʻonistonga sovet qoʻshinlari kiritildi.

1986-yili hokimiyatga **Muhammad Najibullo** keldi. U xavfsizlik xizmatining boshligʻi boʻlib, qat'iyatli va jasur kishi edi. Uning siyosati ancha muvaffaqiyatli boʻldi. **1989-yili** SSSR oʻz qoʻshinlarini olib chiqib ketdi, AQSH va Pokiston esa isyonchilarga qurol yetkazib berishni toʻxtatdi. M. Najibullo hokimiyatni saqlab qoldi, ammo bu uzoq choʻzilmadi. 1991-yil oxiriga kelib SSSR tugatilgandan soʻng M. Najibullo hukumati ogʻir ahvolda qoldi.

**Terrorizm** – tinch aholini qiynash, qoʻrqitish, jismonan yoʻq qilishga asoslangan siyosat.

Fundamentalizm – eskirib qolgan tushunchalarni tanqidiy qayta koʻrib chiqishga keskin qarshi chiquvchi, an'anaviy qadriyatlarni tiklash uchun kurashuvchi oʻta konservativ diniy oqim.

**Islom radikalizmi** – diniy-siyosiy mafkura va amaliy faoliyat boʻlib, u musulmon aholi yashaydigan davlatlarning ichki va ular ishtirokidagi xalqaro muammolarni, shuningdek, davlatlararo munosabatlarni shariat asosida hal etish uchun sharoit yaratishga yoʻnaltirilgan.

Mujohid – jihodda ishtirok etuvchi musulmon.

#### Mustahkamlash uchun savol va topshiriqlar

- 1. Turkiyada 1945–1980-yillarda amalga oshirilgan islohotlar qanday natijalarga olib keldi?
- 2. Turkiyani jadal rivojlanish yoʻliga tushirgan T. Oʻzol islohotlari haqida gapirib bering. Bu islohotlar qanday natijalarga olib keldi?
- 3. Erondagi «Oq inqilob» qanday maqsadlarni koʻzlagan edi va u qanday natijalarga olib keldi?
- 4. 1979-yili Eronda shoh rejimining agʻdarilishi va Eron Islom Respublikasining e'lon qilinishiga qanday omillar sabab boʻldi?
  - 5. Eron-Iroq urushi qanday natijalar bilan tugadi?
- 6. Afgʻonistonda 1979-yili amalga oshirilgan «inqilob» afgʻon jami-yatida qanday oʻzgarishlarga olib keldi?
- 7. Afgʻonistondan sovet qoʻshinlari olib chiqilgandan soʻng mamlakatda qanday jarayonlar yuz berdi? Mamlakatning tinch rivojlanish yoʻliga oʻtishi qanday kechmoqda?

#### Mustaqil ish



«Afgʻoniston» xaritasidan foydalanib unga chegaradosh davlatlar nomini daftaringizga koʻchirib yozing va yod oling.



Internet vositasida Turkiyaga virtual sayohat uyushtiring va mavzuda oʻrganilgan materiallar asosida tarixiy voqeliklarni tahlil qiling.



n.ziyouz.com saytidan Aziz Nesinning «Gʻaroyib bolalar» romanini koʻchirib oling va oʻqing, kichik oʻquv loyihasini tayyorlab, toʻgarak mashgʻulotida taqdimotini oʻtkazing.

#### 27-MAVZU. 1946–1991-YILLARDA LOTIN AMERIKASI MAMLAKATLARI

Ikkinchi jahon urushidan soʻng Lotin Amerikasi mamlakatlari iqtisodiy islohotlar oʻtkazishi uchun qulay sharoit vujudga keldi: ular ancha katta valuta zaxirasiga ega boʻldi, jahon savdosida ulushi oshdi. Bu hol Lotin Amerikasi mamlakatlarida ommabop, lekin avtoritar rejimlarning shakllanishi uchun qulay muhit yaratdi.



Ikkinchi jahon urushida Lotin Amerikasi ishtiroki haqida nimalar bilasiz?

1970-yillar oxiri—1980-yillar boshlarida Lotin Amerikasi mamla-katlarida diktatorlik rejimlariga qarshi kurash faollashdi. Bu 1979-yili Nikaraguada inqilobga, Salvador va Gvatemalada isyonchilik harakatining kuchayishiga olib keldi. Janubiy Amerika davlatlari — Ekvador, Peru, Boliviya, Argentina, Braziliya va Urugvayda harbiy rejimlar fuqarolik hukumatlari bilan almashtirildi.

XX asrda Lotin Amerikasi mamlakatlari uchun umumiy boʻlgan modernizatsiyalashning **uchta – inqilobiy, neokonservativ va islohotchilik** variantlari yaqqol koʻzga tashlanadi. Bu variantlarni uchta mamlakat misolida koʻrib chiqamiz.

**Kuba:** modernizatsiyalashning inqilobiy varianti. 1950-yillar oxirida Karib dengizidagi kichikina orol—Kubada yuz bergan voqealar butun dunyoning e'tiborini oʻziga jalb qildi. Kuba jamiyatni modernizatsiya qilishning inqilobiy yoʻlini tanladi.

1959-yil 1-vanvar kuni Fidel boshchiligida qoʻzgʻolonchilar Kuba poytaxti Gavana shahriga kirib kelishdi. ingilob gʻalaba gozondi. F. Kastro hukumati faqat keskin si-Kubani oʻzgarishi gologlikdan fat olib chiqadi, jamiyatni taraqqiyotning zamonaviy darajasiga koʻtaradi, oʻylab, keskin ijtimoiy-iqtisodiy siyosatni amalga oshirdi.



Fidel Kastro.

AQSHning Kubadagi yangi hukumatga dushmanlarcha munosabati aniq boʻlgach, F. Kastro hukumati SSSR bilan kelishuv orqali mam-

lakat mudofaa qudratini mustahkamlay boshladi. Bu esa **1962-yilgi Karib inqiroziga** olib keldi.



1970-yillar oxiri–1980-yillar boshlarida... 1979-yilda... 1962-yilda...

Kuba dastlabki davrda jamiyat hayotining deyarli barcha jabhalarini modernizatsiya qilishda katta muvaffaqiyatlarga erishdi. Sof agrar mamlakat boʻlgan Kubani agrar-industrial mamlakatga aylantirish kursi tanlandi.

Ammo 1980-yillardan jamiyatni modernizatsiya qilishning Kuba variantida ma'lum kamchiliklar koʻzga tashlana boshladi. Iqtisodiy oʻsish sur'atlari, aholining yashash darajasi pasaydi. SSSRning parchalanishi Kuba uchun juda katta zarba boʻldi. 1990-yillarda koʻpchilik F. Kastro rejimining qulashini bashorat qilgan edi. Ammo bu rejim saqlanib qoldi.

Chili: modernizatsiyaning neokonservativ varianti. Ikkinchi jahon urushidan keyingi oʻtgan vaqt davomida Lotin Amerikasi mamlakatlari jamiyatni modernizatsiya qilishning optimal variantini izladilar. 1960-yillari Chilida hukumat mamlakatni modernizatsiyalashga harakat qildi. Bunda u ilgari ilgʻor mamlakatlarda sinovdan oʻtgan islohotchilik tizimlariga tayandi. Ammo boshlangan islohotlar borgan sari jamiyatdagi boʻlinishni kuchaytirdi, mamlakat hayotining ijtimoiy-siyosiy sohalarida keskinlikni yuzaga keltirdi. Navbatdagi prezident saylovlaridan oldin Xalq birligi bloki tashkil qilinib, unga kommunistlar, sotsialistlar, radikallar va Xalq faoliyati yagona harakati kirdi. 1970-yili shu blok nomzodi Salvador Alyende Chili prezidenti qilib saylandi.



Augusto Pinochet.

S. Alyende hukumati chuqur islohotlarni amalga oshirishga kirishdi. jamiyat manfaatlariga ta'sir Ammo qiladigan, odatdagi hayot tarzini, an'anaviy ijtimoiy aloqalarni buzadigan har qanday tadbir singari S. Alyende hukumati boshlagan islohotlar ham garashlar, mamlakatda turli aarshiliklarni keltirib chiqardi. 1973-vili to'ntarishi amalga oshirilib. davlat hokimiyatga general Augusto Pino**chet** boshchiligidagi harbiy xunta keldi. Chilida qamal holati e'lon qilindi. Konstitutsiya va deyarli barcha demokratik erkinliklar bekor qilindi.

Pinochet hukumati tanlagan modernizatsiyalashning neokonservativ varianti katta ijtimoiy muammolarga olib keldi. Avvalo, ish haqi, ayniqsa, islohotlarning dastlabki yillarida, sezilarli darajada kamaydi, ishsizlik keskin oshdi.



1960-yillari Chilida... 1973-yilda... 1970-yilda...

Neokonservativ modernizatsiyalashning bunday ziddiyatli natijalari mamlakatdagi umumiy siyosiy muhitga ham ta'sir koʻrsatdi. 1989-yili oʻtkazilgan prezidentlik saylovlarida Xristian-demokratik partiya yetakchisi P. Eylvin gʻolib chiqdi. Diktatura davri tugadi.

Meksika: modernizatsiyalashning islohotchilik varianti. 1958-yili Meksika sanoat mahsulotlarining umumiy hajmi boʻyicha Lotin Amerikasida birinchi oʻringa chiqdi. Mamlakatning muvaffaqiyatli iqtisodiy rivojlanishida davlat sektori asosiy rol oʻynadi.

Lotin Amerikasida katta shov-shuvga sabab boʻlgan Kuba inqilobi Meksika rahbarlarini ham ijtimoiy sohaga jiddiy e'tibor qaratishga undadi. Ammo modernizatsiyalashning Kuba variantini qabul qilmasdan, Meksika ayni paytda Chili variantiga ham oʻta ishonchsizlik bilan qaradi. Meksika hukmron doiralari rivojlanishning liberal-islohotchilik yoʻlidan chekinmadi.



1959-yil 1-yanvar kuni F. Kastro boshchiligida qoʻzgʻolonchilar inqilobi gʻalaba qozondi.

1970-yili xalq fronti nomzodi Salvador Alyende Chili prezidenti qilib saylandi.

1958-yilda Meksika sanoat mahsulotlarining umumiy hajmi boʻyicha Lotin Amerikasida birinchi oʻringa chiqdi.

1980-yillardagi jahon iqtisodiy inqirozi Meksika uchun katta sinov boʻldi. Inqiroz yengib oʻtilgan boʻlsa-da, ishsizlik, tashqi qarz keskin oshdi, tashqi dunyoga, birinchi navbatda AQSHga qaramlik ham ortdi.



**Harbiy rejim** – davlatni boshqarish shakli boʻlib, unda butun hokimiyat harbiylarga tegishli boʻladi. Odatda, harbiy rejimlar harbiy toʻntarish orqali oʻrnatiladi.

**Agrar-industrial mamlakat** – asosiy boyligini qishloq xoʻjalik mahsulotlari tashkil qiladigan, sanoati qishloq xoʻjalik mahsulotlari va tabiiy boyliklarni qayta ishlashga yoʻnaltirilgan mamlakat.

**Harbiy xunta** – davlat toʻntarishi orqali hokimiyatga kelgan, odatda zoʻravonlik va diktatorlik usullari bilan davlatni boshqaradigan harbiylar hokimiyati.

#### Mustahkamlash uchun savol va topshiriqlar

- 1. 1950–1980-yillar birinchi yarmida Lotin Amerikasi mamlakatlarida yuz bergan asosiy siyosiy oʻzgarishlar haqida gapirib bering.
- 2. Modernizatsiyalashtirishning Kubaga xos boʻlgan inqilobiy yoʻli qanday keskin oʻzgarishlarni nazarda tutadi?
- 3. Modernizatsiyalashning Kuba varianti oʻzini oqladimi? 1980-yillardan bu variantning qanday kamchiliklari koʻzga tashlandi?
- 4. Chilida S. Alyende hukumatining islohotlari ma'lum yutuqlarga qaramasdan nima uchun ommalashmadi?
- 5. Pinochet diktaturasi davridagi islohotlar Chilining keyingi rivojlanishida qanday rol oʻynadi?
- 6. Meksikada modernizatsiyalashning islohotchilik varianti Kuba va Chili variantlaridan nimasi bilan farq qiladi?
- 7. XXI asrda Lotin Amerikasi mamlakatlari jahon siyosatida katta ta'sirga ega emasligining sabablari nimada?

#### Mustaqil ish



1963-yilda Kuba rahbari Fidel Kastroning Oʻzbe-kistonga tashrifi haqidagi ma'lumotlarni izlab toping hamda «Sharof Rashidov va Fidel Kastro» mavzusida taqdimot tayyorlang.



Internet vositasida Lotin Amerikasi davlatlariga virtual sayohat uyushtiring va mavzuda oʻrganilgan materiallar asosida tarixiy voqeliklarni tahlil qiling.



ziyouz.uz saytidan Alvaro Yunkening «Muallima uchun atirgul» hikoyasini koʻchirib oling va oʻqing, muallimlar haqida yozilgan boshqa hikoyalar bilan qiyoslab, tahlilini daftaringizga yozing.

## 28-MAVZU. 1946–1991-YILLARDA AFRIKA MAMLAKATLARI

Ikkinchi jahon urushi va uning oqibatlari. Ikkinchi jahon urushidan soʻng Afrikada milliy-ozodlik harakatining xarakteri oʻzgardi. 1945-yil Manchester shahrida V Panafrika kongressi boʻldi. U Afrika xalqlari kurashida sifat jihatidan yangi davr boshlanganligini aks ettirdi. Bu kongressda oldingilariga nisbatan juda koʻp Afrika tashkilotlari qatnashdi. Kongressda mustamlakachilikka va imperializmga qarshi ruh ustuvor boʻldi. Afrikaning barcha mintaqalari va mamlakatlaridagi ahvol muhokama qilindi. Kongress butun qit'aga va barcha yirik mintaqalar hamda mamlakatlarga qaratilgan yangi inqilobiy talablarni ilgari surdi.



Ikkinchi jahon urushida Afrika xalqlarining ishtiroki haqida nimalarni bilasiz?

Koʻplab Afrika mamlakatlari uchun urushdan keyingi yillar siyosiy partiyalarni tuzish, mustamlaka rejimlarini qulatish uchun kurash davri boʻldi. Afrikaliklar ongida mustamlakachilik tushunchasi Yevropaning hukmronligi bilan bogʻliq edi. Shu sababli mustaqillik uchun kurash koʻpincha barcha yevropacha narsalarni rad qilishga aylanib qoldi. Bu haqida gʻarbiy afrikalik shoir **Bernar Dadye** shunday yozgan edi:

Men galstuk taqishni yoqtirmayman. Boʻynimga hashamli zanjir taqaman, Boadab Yevropaning qullik zanjiri... Men soat taqishni yoqtirmayman. Qoʻlimga zulmni taqib yuraman, Yevropaning bema'ni zulmini...

Metropoliyalar ham asta-sekin hukmronlikning avvalgi usullaridan voz kechib bordi.

«Afrika yili». Mustamlakachilikdan ozod boʻlish jarayonining eng yuqori nuqtasi 1960-yilga toʻgʻri keldi. U tarixga «Afrika yili» sifatida kirdi. Shu yili jahon xaritasida 17 ta yangi Afrika davlatlari paydo boʻldi. Ularning koʻpchiligi fransuz va ingliz mustamlakalari edi. Afrikaning eng katta davlatlari Nigeriya va Kongo oʻz mustaqilligini e'lon qildi. Mustamlakachilik davrida ikkiga boʻlinib ketgan Somali birlashib, mustaqil Somali Demokratik Respublikasi nomini oldi.

«Afrika yili» qit'adagi holatni oʻzgartirib yubordi. Boshqa mamlakatlarda ham mustamlaka tuzumining qulashi muqarrar boʻlib qoldi. Keyingi yillarda Buyuk Britaniyaga qarashli deyarli barcha davlatlar oʻz mustaqilligini e'lon qildi. 1975-yili Portugaliyada inqilob yuz bergandan soʻng uning mustamlakalari ham mustaqil davlatlar sifatida tashkil topdi.

Shu tariqa, 1990-yillarga kelib, Sahroyi Kabirdan janubda 40 dan oshiq siyosiy mustaqil davlatlar tashkil topdi. Ularning koʻpchiligi oʻzlarini respublika deb e'lon qildi.

Afrika davlatlari muammolari. Mustamlakachilik rejimining agʻdarilishi va siyosiy hokimiyatning afrikaliklarga oʻtishini butun Afrika juda katta yutuq deb hisobladi. Ular oʻzlarining ulkan umidlarini mustaqillik bilan bogʻladilar. Deyarli birdaniga hayot tubdan yaxshilanadi, degan ishonch keng tarqalgan edi. Bu quvonchli umidlarga aholining katta qismi singari soddadillik bilan boʻlmasa-da, har qalay afrikalik liderlarning ham koʻpchiligi ishonar edi.

Hayot yaxshilanib bordi. Afrikaliklar davlat apparatining barcha boʻgʻinlarini, armiya, politsiyani oʻzlari shakllantira boshladi. Afrikaliklar madaniyatining rivoji uchun keng imkoniyatlar paydo boʻldi. BMT va boshqa xalqaro tashkilotlar ishida teng huquq bilan ishtirok etish, yangi davlatlar va ular fuqarolarining oʻzligini namoyon qi-

lishida katta rol oʻynadi. Yosh davlatlar dunyoning koʻplab mamlakatlaridan, BMTning ixtisoslashgan organlaridan, xalqaro fondlar va banklardan sezilarli yordam ola boshladi.


«Sovuq urush» sharoitida qarama-qarshi bloklar oʻrtasida Afrika davlatlariga ta'sir koʻrsatish uchun kurash boshlandi. Mustaqillikka erishgan davlatlarning bir qismi sotsialistik davlatlar, avvalo, Sovet Ittifoqiga ergashib, «nokapitalistik taraqqiyot yoʻli»ni tanladi. Koʻpchilik hollarda nokapitalistik yoʻlni tanlagan mamlakatlarda mushkul holatlar vujudga keldi, mustaqillik uchun kurashgan kechagi liderlar va hukmron partiyalar hokimiyatga kelgach, zolim va diktatorlarga aylandilar, fuqarolar urushlari esa koʻplab qon toʻkishlarga olib keldi. Ammo kapitalistik yoʻlni muqarrar deb bilgan boshqa bir qator davlatlarda ham shunday, deyarli bir xil muammolar paydo boʻldi.



#### «Afrika yili»... 1975-yilda... Afrika davlatlari muammolari bu...

Koʻplab Afrika davlatlari mustaqillik e'lon qilingandan keyin ham dunyoning eng kambagʻal davlatlaridan boʻlib qolaverdi. Mustaqil davlatni qurish juda murakkab jarayon boʻlib chiqdi. Qiyinchiliklarning koʻpchiligi oʻtmishdagi mustamlakachilik bilan, yana bir qismi esa mustamlakachilikdan oldingi an'analar bilan bogʻliq edi.

Mustamlakachilik tuzumi agʻdarilgandan soʻng mustamlaka boshqaruv tuzumi ham bekor qilindi va hokimiyatga yangi, davlatni boshqarish tajribasiga ega boʻlmagan kishilarning kelishi ham ahvolni ancha murakkablashtirdi. Bir qator Afrika davlatlarida koʻp sonli, tajribasiz va samarasiz, qulogʻigacha korrupsiyaga botib qolgan, davlat boyligini talon-taroj qiluvchi va shu asosda bir-birini qoʻllab-quvvatlovchi byurokratik apparat vujudga keldi. Bunday sharoitda yagona tartib va kuchga ega boʻlgan tashkilot armiya boʻlib qoldi. Natijada toʻxtovsiz harbiy toʻntarishlar yuz berdi. Hokimiyatga kelgan diktatorlar cheksiz boyliklarni egallab oldilar. Iqtisodiyotning yomon faoliyat yuritishi narkotiklar ishlab chiqarish va tarqatish, noqonuniy ravishda oltin va olmos qazib olish va, hatto, odam savdosi kabi salbiy holatlarning keng tarqalishiga olib keldi.



Afrika mamlakatlari.

Davlat chegaralarining oʻta sun'iyligi ham Afrika davlatlarining shakllanishini juda qiyinlashtirdi. Chegaralar mustamlakachilik davridan meros qolgan boʻlib, mustaqil davlatlar tashkil boʻlishida aholining etnik mansubligi inobatga olinmagan edi. Bu hol doimiy et-

nik mojarolarni keltirib chiqardi va millionlab qochoqlarning paydo boʻlishiga olib keldi. Davlatlararo va bir davlat doirasidagi etnik mojarolar Afrika uchun haqiqiy kulfatga aylandi.

Qashshoqlikdan, urush va genotsiddan, sanoatning yoʻqligi tufayli ishsizlik va ilojsizlikdan qutulish uchun millionlab afrikaliklar oʻz qit'asini tashlab ketdilar. Hozir Buyuk Britaniya, Fransiya kabi Yevropa davlatlarida millionlab afrikaliklar istiqomat qilmoqda. Nolegal immigrantlar ham koʻp boʻlganligi uchun ularning aniq sonini hech kim bilmaydi. Koʻplab afrikaliklar oʻz vatanlariga qaytish uchun emas, Yevropada oʻz huquqlariga ega boʻlish uchun kurashmoqdalar.

1990-yillarga kelib, Sahroyi Kabirdan janubda 40 dan oshiq siyosiy mustaqil davlatlar tashkil topdi.

1975-yilda Portugaliyada inqilob yuz bergandan soʻng uning mustamlakalari ham mustaqil davlatlar sifatida tashkil topdi.

Davlatlar va etnoslar oʻrtasidagi koʻplab ziddiyatlarga qaramasdan, barcha afrikaliklar qit'adagi oxirgi mustamlaka rejimi — Janubiy Afrika Respublikasidagi aparteid tuzumini qoralashda yakdil edilar.

Armiya – davlatning qurolli kuchlari. Uning asosiy vazifasi mamlakatni tashqi dushmandan himoya qilish.

**Politsiya** – bir qator mamlakatlarda davlat boshqaruv organi boʻlib, asosiy vazifasi mavjud tuzumni himoya qilish va jamoatchilik tartibini saqlashdan iborat.

**Genotsid** – aholining ayrim guruhlarini yoki butun boshli xalqlarni siyosiy, irqiy, milliy, etnik yoki diniy belgilar asosida qirgʻin qilish.

**Aparteid** (apartheid – alohida-alohida yashash) – irqiy kamsitishning eng ashaddiy koʻrinishi.

#### Mustahkamlash uchun savol va topshiriqlar

- 1. Birinchi jahon urushi urushdan keyingi Panafrika kongressi Afrika xalqlari mustamlakachilikka qarshi kurashining xarakteri oʻzgarishiga qanday ta'sir koʻrsatdi?
- 2. Qit'aning mustaqillikka erishish ramzi boʻlgan 1950-yillar oxiridagi dastlabki mustaqil davlatlar va «Afrika yili» haqida gapirib bering.
- 3. Mustaqillikka erishgan koʻplab Afrika davlatlari nima uchun «nokapitalistik taraqqiyot» yoʻlini tanladi?
- 4. Afrika davlatlari mustaqillikka erishgandan soʻng qanday muammolarga duch keldilar?
- 5. Afrika mamlakatlarida etnik muammolarning doimiy paydo boʻlishiga mustaqillikdan oldingi qanday omillar sabab boʻldi?
  - 6. Aparteid qanday tuzum? Genotsid nima?
- 7. Afrika xalqlari oldida XX asrning 90-yillarida qanday muammolar mavjud edi?

#### Mustaqil ish



«Afrika davlatlari» xaritasi bilan tanishing va mavzu matnidagi voqelik bilan bogʻliqlikda sharh yozing.



Mavzu matni asosida «Afrika» mavzusida besh qatorli she'r «Sinkveyn» tuzing va daftaringizga yozing.



ziyouz.com saytidan Ernest Xemingueyning «Chol va dengiz» qissasini koʻchirib oling va oʻqing, kichik oʻquv loyihasi tayyorlab, toʻgarak mashgʻulotida taqdimotini oʻtkazing.

# 29-MAVZU. XX ASRNING IKKINCHI YARMIDA FAN VA MADANIYATNING RIVOJLANISHI

Ilmiy-texnik inqilob va uning natijalari. Soʻnggi yuz yil davomida fanning rivojlanishi XX asrning ikkinchi yarmida ilmiy-texnik inqilobga olib keldi. Bu inqilobning asosiy belgilari tabiiy va sintetik materiallardan tovarlarni ommaviy ishlab chiqarish, mashinalardan keng foydalanish, ishlab chiqarishning konveyerli liniyalarini, zavodavtomatlarni va sanoat robotlarini yaratish boʻldi. Ilmiy-texnik inqilob jahon iqtisodiyotini kapitalizmning postindustrial davriga olib chiqdi.

Ikkinchi jahon urushidan keyin boshlanib ketgan «sovuq urush» hamda AQSH va SSSR oʻrtasidagi qurollanish poygasi kosmos sohasiga ham koʻchdi. 1957-yili 4-oktabr kuni Sovet Ittifoqida dunyoda birinchi Yerning sun'iy yoʻldoshi uchirildi. Akademik S.P. Korolyov boshchiligidagi guruh tomonidan Oyga kosmik kema uchirish borasida tadqiqotlar olib borildi. Ular natijasida 1961-yil 12-aprel kuni dunyoda birinchi marta Yuriy Gagarin «Vostok» kosmik kemasida koinotga parvoz qildi. Kosmonavtika davri boshlanib, u koinot haqidagi bilimlarimizni kengaytirdi.



Dunyoda birinchi temiryo'l qachon va qaysi davlatda ixtiro qilingan edi?

Aniq fanlardagi kashfiyotlar. Bu yillari aniq fanlar erishgan eng katta yutuqlardan biri lazerning kashf etilishi boʻldi. Bu kashfiyot XX asr fizika fanidagi eng yorqin kashfiyotlardan biri sifatida tan olingan. 1960-yili sovet fiziklari N.G. Basov, A.M. Proxorov va amerikalik olim Ch. Tauns lazer (bu soʻz inglizcha Light Amplification bu Stimulated Emission of Radiation – majburiy nurlanish natijasida yorugʻlikning kuchaytirilishi iborasining bosh harflaridan olingan) – nurning mutlaqo yangi turini yaratdilar. Bu uchala olimlarga fizika sohasida Nobel mukofoti berildi.

Yangi texnika va texnologiyalardan foydalanish bilan bogʻliq yana bir yangilik kompyuterning ixtiro qilinishi boʻldi. Kompyuter (inglizcha computer – «hisoblagich») dastlab axborotni qayta ishlash va hisoblash uchun yaratilib, elektron hisoblash mashinasi – EHM deb yuritilar va juda katta hajmga ega edi. 1959-yili amerikalik injenerlar D. Kilbi va R. Noys tomonidan yarimoʻtkazgichli integ-

ral mikrosxemalarning yaratilishi kompyuter va boshqa asboblar hajmining keskin qisqarishiga, faoliyat sohasini keskin kengaytirishga olib keldi. Integral mikrosxemalarning yaratilishini olimlar XX asrning soʻnggi 50 yili ichida qilingan eng mashhur ixtiro deb atadilar.



Insoniyat tarixida birinchi boʻlib koinotga parvoz qilgan inson-Yuriy Gagarin.

Hozir deyarli barchamiz foydalanadigan uyali telefonlar ham XX asr ixtirosi. Shvetsiyaning Televerket kompaniyasi 1940-yillar oxiridayoq uyali telefonlarni yaratish ustida ish boshlagan edi. Shvedlar tomonidan taklif qilingan birinchi ommaviy uyali telefon aloqasi MTS-Mobil telefon sistem (mobil telefon tizimi) deb ataldi. 1970–1980-yillari **Ericsson, Philips** va boshqa koʻplab mashhur kompaniyalar tomonidan uyali telefon apparatlarining yangi turlari yaratildi. Shu yillari zamonaviy koʻrinishga yaqin apparatlar paydo boʻldi. Massachuset texnologiya instituti xodimlari uzoq masofadan turib kompyuter orqali aloqa oʻrnatish mumkinligini asosladi va internetning yaratilishini yaqinlashtirdi. 1969-yili Internetning oʻtmishdoshi ARPANET yaratildi. **1972-yili E-mail** (elektron pochta) paydo boʻldi.



1957-yilda... 1961-yilda... Yarimoʻtkazgichli integral mikrosxemalar ixtirochilari bu... **San'at.** XX asrning ikkinchi yarmida san'atda abstraksionizm (abstraksiya-mavhum) yoʻnalishi keng ommalashdi. Abstraksionizm fotografiya san'atining rivojlanishiga oʻziga xos javob tarzida paydo boʻldi. Abstraksionizm vakillari endi tasvirda harakatni, hissiyotni ifodalashga intildilar, zotan, ularning fikricha, aynan shu jihatlarni fotografiyada aks ettirishning iloji yoʻq edi.

Abstraksionizmga qarama-qarshi ravishda pop-art (ommaviy san'at) paydo boʻldi va tezda Yevropaga tarqaldi. Pop-art ixlosmandlarining fikricha, dunyodagi har qanday buyum oʻzining dastlabki iste'molchilik ahamiyatini yoʻqotib, badiiy, estetik sifat kasb etishi mumkin.

San'atning bu yoʻnalishlarida olam qiyofasidagi mantiq va aniqlikning yoʻqligi san'atdagi modernizm bosqichi oʻz imkoniyatlarini tugatganidan dalolat edi. Endi Gʻarb va Sharq san'ati, oʻtmish va zamonaviy uslublar, folklor va ommaviy madaniyat elementlarini oʻzida jamlagan **postmodernizm** uslubi paydo boʻldi.

Adabiyot. Urushdan keyin bir qator yozuvchilarning romanlari urushni badiiy usullar bilan anglashga bagʻishlandi. Bu davrda koʻpchilik asarlar antifashistik, patsifistik ruhda yozilgan boʻlsa, 1960-yillardan keyin realizm jamiyatdagi yangi dolzarb muammolarni aks ettirish quroliga aylanadi. Ularda inson va tabiat oʻrtasidagi uzviy bogʻliqlik, tabiatdagi halokatlar inson va jamiyatning ham tubanlashuviga olib kelishi haqida oʻta ta'sirli badiiy obrazlar orqali yorqin ifoda qilinadi.



XX asrning ikkinchi yarmida fanning rivojlanishi ilmiy inqilobga olib keldi.

1969-yili Internetning oʻtmishdoshi ARPANET varatildi.

1972-yili E-mail (elektron pochta) paydo boʻldi.

Bayon qilishning realistik shakli XX asrning yangi adabiy yoʻnalishi—ommaviy adabiyotda oʻziga yoʻl topdi. Bu adabiyot ommaviy oʻquvchiga moʻljallanib, aniq andazalar asosida yozilgan, badiiy jihatdan unchalik yuksak boʻlmagan, mafkuraviy jihatdan mavjud tartiblarni qoʻllab-quvvatlashga yoʻnaltirilgan asarlar. Bu—bozorning barcha qonunlarga rioya qiladigan, xaridorlarning turli qatlamiga moʻljallangan adabiy tovar. Bu oʻzining ochiq tijoriy xarakteri, koʻngilochar funksiyasi va voqealar rivojining oldindan ma'lumligi bilan XX asr birinchi

yarmidagi adabiyotdan salbiy jihatlari bilan farq qiladi. Bu asarlarning badiiy qiymati toʻgʻrisida jiddiy fikr yuritib boʻlmaydi, ularni oʻqish aqlni va qalbdan berilishni talab qilmaydi, ular hozirgi tezkor zamonda vaqt oʻtkazishning bir turi boʻlib qolgan, xolos.



**Konveyer** (convey – uzatmoq) – sochiluvchan, boʻlakli yoki donali yuklarning joyini oʻzgartirishga moʻljallangan toʻxtovsiz uzatib turish mashinasi.

**Postmodernizm** – madaniyatda modernizmning asosiy prinsiplarini rad etuvchi va oʻtmishdagi uslub va yoʻnalishlardan ba'zan istehzo bilan foydalanuvchi XX asrning ikkinchi yarmiga mansub yoʻnalish.

**Patsifizm** (pacificus – tinchliksevar) – zoʻravonlikni bartaraf etish uchun unga qarshi kurash mafkurasi. Patsifistik harakat, tinchlik uchun – urushga qarshi ijtimoiy harakat boʻlib, asosan, tinch vositalar bilan, urushning gʻayriaxloqiy xarakterini fosh etuvchi qarshilik harakati.

#### Mustahkamlash uchun savol va topshiriqlar

- 1. Kapitalizmning postindustrial davrida ilmiy-texnik taraqqiyot qanday bosqichlarni oʻz ichiga oladi?
- 2. «Sovuq urush» davridagi musobaqa ommaviy qirgʻin qurollarining qanday yangi turlari yaratilishiga va koinotni zabt etish uchun qanday tadqiqotlar olib borilishiga sabab boʻldi?
- 3. Zamonaviy EHMlar, kompyuterlar va uyali aloqa tarmogʻining yaratilishida integral mikrosxemalarning ixtiro qilinishi qanday rol oʻynadi?
- 4. Internet tarmogʻining paydo boʻlishiga qanday nazariya asos boʻldi?
  - 5. Abstraksionizm nima va unga qanday ta'rif berish mumkin?
- 6. XX asr adabiyoti va san'atidagi qanday yoʻnalishlarni ta'riflay olasiz? Adabiyot va san'atning ijtimoiy hayotga ta'siri nimalarda namoyon boʻladi?

#### Mustaqil ish



«Kosmosga sayohat» mavzusida taqdimot tayyorlang va videorolik koʻrinishida toʻgarak mashgʻulotida namoyish qiling.



Internet vositasida XX asrda ilm-fan va texnika taraqqiyotiga doir materiallarni izlab toping hamda oʻquv loyihasi tayyorlang.



ziyouz.com saytidan «Jahon adabiyoti» jurnalida nashr ettirilgan badiiy-tarixiy asarlarni koʻchirib oling va ta'til davrida ularni oʻqib chiqing, «Ta'til va mutolaa» mavzusida oʻquv portfoliosi tayyorlang.

# **MUNDARIJA**

Kirish	3
1-mavzu. 1918–1939-yillarda xalqaro munosabatlar	4
2-mavzu. 1918–1939-yillarda ilmiy-texnik taraqqiyotning	
jadallashuvi, ilm-fandagi yutuqlar	8
3-mavzu. 1918–1939-yillarda Buyuk Britaniya	
4-mavzu. 1918–1939-yillarda Fransiya	16
5-mavzu. 1918–1939-yillarda Amerika Qoʻshma Shtatlari	
6-mavzu. 1918–1939-yillarda Germaniya	25
7–8-mavzular. 1918–1939-yillarda SSSR	
9-mavzu. 1918–1939-yillarda Italiya va Ispaniya	37
10-mavzu. 1918–1939-yillarda Lotin Amerikasi	
mamlakatlari	42
11-mavzu. 1918–1939-yillarda Yaponiya	47
12-mavzu. 1918–1939-yillarda Xitoy va Hindiston	
13-mavzu. 1918–1939-yillarda Turkiya va Eron	
14-mavzu. 1918–1939-yillarda Afrika mamlakatlari	62
15-16-mavzular. Ikkinchi jahon urushi va uning	
yakunlari	67
17-mavzu. Ikkinchi jahon urushidan keyingi xalqaro	
munosabatlar: «sovuq urush»ning boshlanishi	76
18-mavzu. 1946–1991-yillarda Amerika Qoʻshma Shtatlari	
19–20-mavzular. 1946-1991-yillarda Sovet Ittifoqi	87
21-mavzu. 1946–1991-yillarda Buyuk Britaniya va	
Fransiya	94
22-mavzu. 1946–1991-yillarda Germaniya va Italiya	99
23-mavzu. 1946–1991-yillarda Yaponiya va Osiyoning	
yangi industrial mamlakatlari	105
24-mavzu. 1946–1991-yillarda Xitoy Xalq Respublikasi	110
25-mavzu. 1946-1991-yillarda Hindiston va Pokiston	115
26-mavzu. 1946–1991-yillarda Turkiya, Eron va	
Afg'oniston	120
27-mavzu. 1946–1991-yillarda Lotin Amerikasi	
mamlakatlari	127
28-mavzu. 1946–1991-yillarda Afrika mamlakatlari	131
29-mavzu. XX asrning ikkinchi yarmida fan va	
madaniyatning rivojlanishi	137

#### Shuhrat Ergashev, Begzod Xodjayev, Jamshid Abdullayev

# JAHON TARIXI

(1918–1991-yillar)

Oʻrta ta'lim muassasalarining 10-sinfi va oʻrta maxsus, kasb-hunar ta'limi muassasalarining oʻquvchilari uchun darslik

Birinchi nashr

(oʻzbek tilida)

Muharrir N. Qosimova
Badiiy muharrir E. Abdikayirova
Texnik muharrir T. Smirnova
Musahhih S. Alimboyeva
Kompyuterda sahifalovchi A. Muhammadiyev

Nashriyot litsenziyasi AI.№223, 16.11.2012.

Bosishga 12-avgust 2017-yilda ruxsat etildi. Bichimi 70x90¹/₁6.

Ofset bosma. «Times New Roman» garniturasi. Shartli b.t. 10,53.

Hisob-nashriyot t. 9,95. Adadi 428 121 nusxa.

17-618 raqamli buyurtma.

«TURON-IQBOL»
Toshkent, 100182. H. Boyqaro koʻchasi, 51-uy.
Toshkent–2017

Oʻzbekiston Matbuot va axborot agentligining «Oʻzbekiston» nashriyot-matbaa ijodiy uyi bosmaxonasida chop etildi. 100011, Toshkent, Navoiy koʻchasi, 30.

# Ijaraga berilgan darslik holatini koʻrsatuvchi jadval.

T.r.	Oʻquvchi- ning ismi, familiyasi	Oʻquv yili	Darslikning olingandagi holati	Sinf rahbari- ning imzosi	Darslik- ning topshiril- gandagi holati	Sinf rahbarining imzosi
1.						
2.						
3.						
4.						
5.						
6.						

# Darslik ijaraga berilib, oʻquv yili yakunida qaytarib olinganda yuqoridagi jadval sinf rahbari tomonidan quyidagi baholash mezonlariga asosan toʻldiriladi:

Yangi	Darslikning birinchi marotaba foydalanishga berilgandagi holati.			
Yaxshi	Muqova butun, darslikning asosiy qismidan ajralmagan. Barcha varaqlari mavjud, yirtilmagan, koʻchmagan, betlarida yozuv va chiziqlar yoʻq.			
Qoniqarli	Muqova ezilgan, birmuncha chizilib, chetlari yedirilgan, darslikning asosiy qismidan ajralish holati bor, foydalanuvchi tomonidan qoniqarli ta'mirlangan. Koʻchgan varaqlari qayta ta'mirlangan, ayrim betlariga chizilgan.			
Qoniqarsiz	Muqovaga chizilgan, yirtilgan, asosiy qismidan ajralgan yoki butunlay yoʻq, qoniqarsiz ta'mirlangan. Betlari yirtilgan, varaqlari yetishmaydi, chizib, boʻyab tashlangan. Darslikni tiklab boʻlmaydi.			